

BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE

S T E N O G R A M

**S DVADESETSEDME SJEDNICE GRADSKOG VIJEĆA TUZLA ODRŽANE 21.
NOVEMBRA 2018. GODINE U POSLOVNOM OBJEKTU „GRAFIČAR“ S POČETKOM U
10 SATI**

- SJEDNICI PRISUSTVU 29 VIJEĆNIKA

U Tuzli, novembar 2018. godine

ALEKSANDAR VUJADINOVIĆ – predsjedavajući Gradskog vijeća Tuzla

(Intoniranje himne Bosne i Hercegovine.) Poštovani vijećnici Gradskog vijeća Tuzla, poštovani gradonačelnice, predstavnici gradskih službi - obrađivači materijala, predstavnici boračkih i nevladinih organizacija, članovi savjeta mjesnih zajednica predstavnici sredstava javnog informisanja, dragi gosti, drugarice i drugovi, dame i gospodo, otvaram dvadesetsedmu redovnu sjednicu Gradskog vijeća Tuzla.

U skladu sa članom 62. i 65. Poslovnika Gradskog vijeća Tuzla, potrebno je utvrditi kvorum za rad i odlučivanje.

Konstatujem, da prema evidenciji Stručne službe Gradskog vijeća, sjednici prisustvuje 29 od ukupnog broja vijećnika 31, što je dovoljno za punovažan rad i odlučivanje.

Za današnju sjednicu svoje kašnjenje najavili su Kenan Osmančević i Sabiha Mujkanović, pa predlažem da im predložimo odsustvo.

Podsjećam vijećnike da su svi klubovi vijećnika dobili stenograme, a svaki vijećnik je uz materijale za današnju sjednicu dobio i skraćene verzije zapisnika s dvadesetpete redovne sjednice održane 24. 10. 2018. godine i s dvadesetšeste redovne sjednice održane 30. 10. 2018. godine Gradskog vijeća Tuzla.

Ima li primjedbi na stenograme i skraćene verzije zapisnika?

Ukoliko nema stavljam na izjašnjavanje stenogram i skraćenu verziju zapisnika s dvadesetpete redovne sjednice održane 24. 10. 2018. godine i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. U redu. Glasanje je okončano.

Konstatujem da su stenogram i skraćena verzija zapisnika s dvadesetpete redovne sjednice Gradskog vijeća Tuzla održane 24. 10. 2018. godine jednoglasno usvojeni, 26 vijećnika je glasalo za, nije bilo glasova protiv i nije bilo suzdržanih glasova.

Stavljam na izjašnjavanje stenogram i skraćenu verziju zapisnika s dvadesetšeste redovne sjednice Gradskog vijeća Tuzla održane 30. 10. 2018. godine i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. U redu. Glasanje je okončano.

Konstatujem da su stenogram i skraćena verzija zapisnika s dvadesetšeste redovne sjednice Gradskog vijeća Tuzla održane 30. 10. 2018. godine usvojeni jednoglasno, 27 vijećnika je glasalo za, nije bilo glasova protiv i nije bilo suzdržanih glasova.

Za današnju 27. redovnu sjednicu Gradskog vijeća Tuzla predlažem dnevni red koji ste dobili u materijalu za sjednicu:

D N E V N I R E D

Usvajanje skraćene verzije Zapisnika sa dvadesetpete redovne sjednice održane 24. 10. 2018. godine i Zapisnika sa dvadesetšeste redovne sjednice održane 30. 10. 2018. godine Gradskog vijeća Tuzla

1. VIJEĆNIČKA PITANJA I INICIJATIVE

2. RAZMATRANJE DOPUNE INFORMACIJE O REALIZACIJI ZAKLJUČAKA GRADSKOG VIJEĆA TUZLA SA TEMATSKOG DIJELA 15. REDOVNE SJEDNICE OD 23. 01. 2018. GODINE - PROBLEMATIKA AEROZAGAĐENJA NA PODRUČJU GRADA TUZLE

3. RAZMATRANJE INFORMACIJE O REALIZACIJI ODLUKA I ZAKLJUČAKA GRADSKOG VIJEĆA TUZLA KOJI SU SE ODNOSILI NA POSLOVNU ZONU KREKA SJEVER

4. RAZMATRANJE I USVAJANJE IZVJEŠTAJA O IZVRŠENJU BUDŽETA GRADA TUZLE ZA PERIOD 01. 01. DO 30. 09. 2018. GODINE

5. RAZMATRANJE I USVAJANJE ODLUKE O IZMJENAMA ODLUKE O JAVNIM PRIZNANJIMA TUZLE

6. RAZMATRANJE I USVAJANJE ODLUKE O RASPISIVANJU JAVNOG OGLASA ZA IMENOVANJE ČLANA GRADSKO IZBORNE KOMISIJE TUZLA (sa tekstom javnog oglasa)

7. RAZMATRANJE I DONOŠENJE RJEŠENJA O RAZRJEŠENJU ZAMJENSKOG ČLANA GRADSKO IZBORNE KOMISIJE TUZLA

8. RAZMATRANJE I USVAJANJE:

a) ODLUKE O RASPISIVANJU JAVNOG OGLASA ZA IZBOR I IMENOVANJE ČLANA NADZORNOG ODBORA ISPRED DRŽAVNOG KAPITALA U JAVNOM PREDUZEĆU GRADSKA VETERINARSKA STANICA D.O.O. TUZLA (s tekstom javnog oglasa)

b) ODLUKA O KRITERIJIMA ZA IZBOR I IMENOVANJE ČLANA NADZORNOG ODBORA ISPRED DRŽAVNOG KAPITALA U JAVNOM PREDUZEĆU GRADSKA VETERINARSKA STANICA D.O.O. TUZLA

c) RJEŠENJA O IMENOVANJU KOMISIJE ZA IZBOR ČLANA NADZORNOG ODBORA JAVNOG PREDUZEĆA GRADSKA VETERINARSKA STANICA D.O.O. TUZLA, ČIJI JE OSNIVAČ GRAD TUZLA

9. RAZMATRANJE I USVAJANJE NACRTA ODLUKE O NAČINU I USLOVIMA PLAĆANJA NAKNADE ZA POGODNOST GRADSKOG GRAĐEVINSKOG ZEMLJIŠTA - RENTA

10. RAZMATRANJE I USVAJANJE NACRTA:

a) ZONING PLANA PRIVREDNE ZONE MLAKE U TUZLI

b) ODLUKE O PROVOĐENJU ZONING PLANA PRIVREDNE ZONE MLAKE U TUZLI

11. RAZMATRANJE I USVAJANJE IMOVINSKO-PRAVNIH AKATA:

a) Odluka o dodjeli u zakup poslovnog prostora neposrednom pogodbom Udruženju građana „PADOBRANACA“ u Tuzli, broj: 01/07-23-4039/18

b) Odluka o prestanku prava građenja na nekretnini u vlasništvu Grada Tuzle

12. RAZMATRANJE I USVAJANJE:

a) INFORMACIJE O RADU KOMISIJE ZA PROVOĐENJE JAVNOG OGLASA ZA IMENOVANJE GRADSKOG PRAVOBRANIOCA U GRADSKOM PRAVOBRANILAŠTVU TUZLA SA KONAČNOM RANG LISTOM NAJUSPJEŠNIJIH KANDIDATA

b) RJEŠENJE O IMENOVANJU GRADSKOG PRAVOBRANIOCA U GRADSKOM PRAVOBRANILAŠTVU TUZLA

13. RAZMATRANJE INFORMACIJE O SOCIJALNOJ SITUACIJI PRIPADNIKA BRANILAČKE POPULACIJE SA ANALIZOM MOGUĆNOSTI POBOLJŠANJA SOCIJALNE SIGURNOSTI

14. RAZMATRANJE INFORMACIJE O SARADNJI GRADA TUZLE SA INOSTRANIM SUBJEKTIMA I REALIZACIJI PROJEKATA I PROGRAMA IZ OBLASTI MEĐUNARODNE SARADNJE

15. RAZMATRANJE INFORMACIJE O REALIZACIJI PROJEKATA IZGRADNJE, ODRŽAVANJA I KORIŠTENJA SPORTSKIH TERENA NA PODRUČJU GRADA TUZLE

16. RAZMATRANJE INFORMACIJE O POSTUPANJU SA IZGUBLJENIM I NAPUŠTENIM ŽIVOTINJAMA, PSIMA I MAČKAMA LUTALICAMA NA PODRUČJU GRADA TUZLE

17. RAZMATRANJE IZVJEŠTAJA KOMISIJE ZA IZBOR I IMENOVANJE

18. TEKUĆA PITANJA

(MENSUR ALIĆ – Poslovnička.) Mensur Alić, poslovnička intervencija.

MENSUR ALIĆ – vijećnik Tuzlanske alternative

Pozdravljam sve prisutne, tražim pauzu od 10 minuta oko usaglašavanja dnevnog reda. Imam dopunu. Ja se izvinjavam, kasnio sam, bio sam na putu.

ALEKSANDAR VUJADINOVIĆ

U redu. Pauza od 10 minuta. Pozivam predsjednike klubova i predlagača i predstavnike službi da dođu u salu za Kolegije. (Pauza.)

Nastavljamo s radom današnje dvadesetsedme redovne sjednice Gradskog vijeća Tuzla, te podsjećam da su se u skladu sa članom 58. Poslovnika Gradskog vijeća Tuzla prijedlozi za naknadno uvrštavanje hitnih i neodložnih pitanja mogli podnijeti u pisanoj formi najkasnije 48 sati prije održavanja ove sjednice. Kao da su u skladu sa članom 67. Poslovnika Gradskog vijeća Tuzla zahtjev za izmjenu predloženog dnevnog reda mogli dostaviti najkasnije 48 sati prije održavanja ove sjednice.

Obavještavam vijećnike da je Kolegij Gradskog vijeća Tuzla pred ovu sjednicu održao svoj Kolegij i razmotrio blagovremeno pristigli prijedlog za izmjenu dnevnog reda od strane Gradonačelnika Grada Tuzle, koji je, kao predlagač, obavijestio Gradsko vijeće Tuzla da iz dnevnog reda današnje dvadesetsedme redovne sjednice Gradskog vijeća Tuzla povlači slijedeći materijal, a to je tačka 12. a) INFORMACIJA O RADU KOMISIJE ZA PROVOĐENJE JAVNOG OGLASA ZA IMENOVANJE GRADSKOG PRAVOBRANIOCA U GRADSKOM PRAVOBRANILAŠTVU TUZLA SA KONAČNOM RANG LISTOM NAJUSPJEŠNIJIH KANDIDATA i pod

b) RJEŠENJE O IMENOVANJU GRADSKOG PRAVOBRANIOCA U GRADSKOM PRAVOBRANILAŠTVU TUZLA.

Pa podsjećam znači da se ova tačka dvanaest povlači sa predloženog dnevnog reda koji ste dobili u pisanoj formi, te se o ovome ne izjašnjavam.

Čuli ste da je vijećnik Alić tražio poslovničku za pauzu koja je iskorištena, znači održan je sastanak Kolegija Gradskog vijeća koji je obavio znači određene konsultacije i zbog nepotpuno pristigle informacije Kolegij Gradskog vijeća Tuzla predlaže da se sa današnjeg dnevnog reda, današnje sjednice povuče i tačka tri, a to je INFORMACIJA O REALIZACIJI ODLUKA I ZAKLJUČAKA GRADSKOG VIJEĆA TUZLA KOJI SU SE ODNOSILI NA POSLOVNU ZONU KREKA SJEVER i da se uputi na daljnji rad.

Stavljam sada na izjašnjavanje ovaj prijedlog Kolegija Gradskog vijeća Tuzla, pa molim vijećnike da se o ovome izjasne.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog.

Glasanje je okončano. Konstatujem da je ovaj prijedlog Kolegija da se sa današnje sjednice Gradskog vijeća Tuzla povuče tačka tri INFORMACIJA O REALIZACIJI ODLUKA I ZAKLJUČAKA GRADSKOG VIJEĆA TUZLA KOJI SU SE ODNOSILI NA POSLOVNU ZONU KREKA SJEVER TUZLA, usvojen sa 25 glasova za, bez glasova protiv i uz jedan suzdržani glas.

U skladu sa ovim podsjećam vijećnike da je članom 61. stav 5. Poslovnika Gradskog vijeća Tuzla propisano da izuzetno vijećnici i gradonačelnik mogu tražiti izmjenu dnevnog reda na sjednici, te pitam ima li prijedloga za izmjenu dnevnog reda u skladu sa navedenim članom?

Ukoliko nema drugih prijedloga za izmjenu i dopunu dnevnog reda, onda stavljam na izjašnjavanje predloženi dnevni red sa korekcijama koje smo usvojili.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je 25 vijećnika glasalo za, bez glasova protiv, uz jedan suzdržani glas, te je većinom glasova usvojen u cjelini sljedeći:

D N E V N I R E D

Usvajanje skraćene verzije Zapisnika sa dvadesetpete redovne sjednice održane 24. 10. 2018. godine i Zapisnika sa dvadesetšeste redovne sjednice održane 30. 10. 2018. godine Gradskog vijeća Tuzla

1. VIJEĆNIČKA PITANJA I INICIJATIVE

2. DOPUNA INFORMACIJE O REALIZACIJI ZAKLJUČAKA GRADSKOG VIJEĆA TUZLA SA TEMATSKOG DIJELA 15. REDOVNE SJEDNICE OD 23. 01. 2018. GODINE - PROBLEMATIKA AEROZAGAĐENJA NA PODRUČJU GRADA TUZLE

3. IZVJEŠTAJ O IZVRŠENJU BUDŽETA GRADA TUZLE ZA PERIOD 01. 01. DO 30. 09. 2018. GODINE

4. ODLUKA O IZMJENAMA ODLUKE O JAVNIM PRIZNANJIMA TUZLE

5. ODLUKA O RASPISIVANJU JAVNOG OGLASA ZA IMENOVANJE ČLANA GRADSKE IZBORNE KOMISIJE TUZLA (sa tekstom javnog oglasa)

6. RJEŠENJA O RAZRJEŠENJU ZAMJENSKOG ČLANA GRADSKE IZBORNE KOMISIJE TUZLA

7. a) ODLUKA O RASPISIVANJU JAVNOG OGLASA ZA IZBOR I IMENOVANJE ČLANA NADZORNOG ODBORA ISPRED DRŽAVNOG KAPITALA U JAVNOM PREDUZEĆU GRADSKA VETERINARSKA STANICA D.O.O. TUZLA (s tekstom javnog oglasa)

b) ODLUKA O KRITERIJIMA ZA IZBOR I IMENOVANJE ČLANA NADZORNOG ODBORA ISPRED DRŽAVNOG KAPITALA U JAVNOM PREDUZEĆU GRADSKA VETERINARSKA STANICA D.O.O. TUZLA

c) RJEŠENJE O IMENOVANJU KOMISIJE ZA IZBOR ČLANA NADZORNOG ODBORA JAVNOG PREDUZEĆA GRADSKA VETERINARSKA STANICA D.O.O. TUZLA, ČIJI JE OSNIVAČ GRAD TUZLA

8. NACRT ODLUKE O NAČINU I USLOVIMA PLAĆANJA NAKNADE ZA POGODNOST GRADSKOG GRAĐEVINSKOG ZEMLJIŠTA - RENTA

9. NACRT:

a) ZONING PLANA PRIVREDNE ZONE MLAKE U TUZLI

b) ODLUKE O PROVOĐENJU ZONING PLANA PRIVREDNE ZONE MLAKE U TUZLI

10. IMOVINSKO-PRAVNA AKTA:

a) Odluka o dodjeli u zakup poslovnog prostora neposrednom pogodbom Udruženju građana „PADOBRANACA“ u Tuzli, broj: 01/07-23-4039/18

b) Odluka o prestanku prava građenja na nekretnini u vlasništvu Grada Tuzle

11. INFORMACIJA O SOCIJALNOJ SITUACIJI PRIPADNIKA BRANILAČKE POPULACIJE SA ANALIZOM MOGUĆNOSTI POBOLJŠANJA SOCIJALNE SIGURNOSTI

12. INFORMACIJA O SARADNJI GRADA TUZLE SA INOSTRANIM SUBJEKTIMA I REALIZACIJI PROJEKATA I PROGRAMA IZ OBLASTI MEĐUNARODNE SARADNJE

13. INFORMACIJA O REALIZACIJI PROJEKATA IZGRADNJE, ODRŽAVANJA I KORIŠTENJA SPORTSKIH TERENA NA PODRUČJU GRADA TUZLE

14. INFORMACIJA O POSTUPANJU SA IZGUBLJENIM I NAPUŠTENIM ŽIVOTINJAMA, PSIMA I MAČKAMA LUTALICAMA NA PODRUČJU GRADA TUZLE

15. IZVJEŠTAJ KOMISIJE ZA IZBOR I IMENOVANJE

16. TEKUĆA PITANJA

Prelazimo na prvu tačku Dnevnog reda:

VIJEĆNIČKA PITANJA I INICIJATIVE

Sada ćemo da pročitamo imena vijećnika koji su dostavili svoja vijećnička pitanja. To je Ivica Kovačević koji je u pismenom obliku znači dostavio svoje vijećničko pitanje.

Amela Čehajić. Izvolite iznesite svoje vijećničko pitanje.

AMELA ČEHAJIĆ – vijećnik Demokratske fronte

Zahvaljujem predsjedavajući. Sve vas srdačno pozdravljam. Ovom prilikom želim da postavim dva vijećnička pitanja.

Na osnovu člana 162. Poslovnika Gradskog vijeća postavljam vijećničko pitanje.

Postavljam pitanje nadležnim službama. Da li postoji način i mogućnost za proširenje prostorija lokalne ambulante Porodične medicine u mjesnoj zajednici Slavinovići?

Obrazloženje. Mjesna zajednica Slavinovići broji preko 6000 stanovnika te je postojeća lokalna ambulanta koja se nalazi u svega stotinjak metara kvadratnih prostora nedostatna za potrebe mjesne zajednice ove veličine.

Nerijetka je slika da pacijenti, zbog vrlo obraničenog kapaciteta čekaonice, čekaju napolju tj. izvan zgrade ambulante. Zbog gore navedenih razloga nadam se da će se naći mogućnost rješavanja ovog problema sa kojim se susreću građani ove mjesne zajednice.

I drugo vijećničko pitanje. Postavljam pitanje nadležnim službama. Da li postoji način i mogućnost za postavljenje saobraćajnog ograde u mjesnoj zajednici Kula, tačnije na raskrsnici koja spaja ulicu Veselina Masleše i ulicu 16. muslimanske brigade kao i usporivače brzine na putu koji vodi prema Ilinčići?

Obrazloženje. Prilikom izlaska vozila iz ulice Veselina Masleše u ulicu 16. muslimanske brigade vidno polje vozača koji izlaze iz ove ulice je smanjeno pa često dolazi do saobraćajnih nezgoda, postavljanjem saobraćajnog ograde uveliko bi pomogli vozačima koji se kreću ovom raskrsnicom.

Na istom dijelu naselja koji vodi kroz mjesnu zajednicu Kula prema izletištu Ilinčića nesavjesni vozači neprilagođavaju brzinu uslovima na putu i ugrožavaju druge učesnike u saobraćaju, ovim putem molim nadležnu službu da napravi procjenu postavljanja usporivača brzine na ovoj dionici puta. Zahvaljujem.

ALEKSANDAR VUJADINOVIĆ

Zahvaljujem vijećnici Ameli Čehajić. Slijedeći je vijećnik Omer Delalić, SBB. Izvolite.

OMER DELALIĆ – vijećnik Saveza za bolju budućnost

Hvala. Pozdravljam sve prisutne. Postavljam dva vijećničko pitanje. Većinu pitanja postavljam u ime naših sugrađana. A ovo postavljam u ime prijatelja koji svaki dan vozi dijete u školu Pazar.

Postavljam pitanje Službi za komunalne poslove, izgradnju i poslove mjesnih zajednica. Zašto prije početka zimske sezone nije izvršena sanacija udarnih rupa pored igrališta Osnovne škole Pazar?

Kod Osnovne škole Pazar postoje dvije udarne rupe koje je gotovo nemoguće izbjeći, naročito kad imaju parkirana vozila i ometaju normalno odvijanje saobraćaja. Potrebna je što hitnija sanacija jer će se tokom zimskog perioda ove rupe još više proširiti.

Drugo vijećničko pitanje postavljam Gradonačelniku Tuzle.

Ko je bio Nadzorni organ koji je primio izvedene radove na mostu i ko je izvršio tehnički prijem mosta koji spaja Stupine i Zlokovac?

Obrazloženje. Most koji je nakon velikog kašnjenja u izvođenju radova otvoren sredinom ove godine, a nije bilo sankcije zbog kašnjenja, za vrlo kratko vrijeme pokazuje znakove oštećenja. Podsjećam da sam nekoliko puta na sjednicama postavljao pitanja vezana za ovaj most, od lokacije na kojoj se radio do problema sa rokovima. Zanima me da li će iko odgovarati za loše izvedene radove i ko će snositi troškove sanacije?

Postavljam pitanje Gradonačelniku ko je bio Nadzorni organ i ko je izvršio tehnički prijem objekta i da li će isti snositi konsekvence?

Mogu da kažem da sam obišao most i strmotno je koliko je okolina mosta zarasla u korov što predstavlja izuzetno ružnu sliku o objektu koji je star nekoliko mjeseci. Hvala.

ALEKSANDAR VUJADINOVIĆ

U redu. Slijedeće vijećničko pitanje Elvir Kasumović, SBB. Izvolite.

ELVIR KASUMOVIĆ – vijećnik Saveza za bolju budućnost

Zahvaljujem predsjedavajući. Koristim priliku da pozdravim sve gledatelje koji će ovu sjednicu gledati preko malih ekrana i sve prisutne u sali.

Moje vijećničko pitanje postavljam Službi za komunalne poslove, izgradnju i poslove mjesnih zajednica, a ono glasi.

Zbog čega već duže vrijeme ne radi rasvjeta u naselju Orašje?

Obrazloženje. Zanima me zbog čega već duži vremenski period ne radi niti jedna sijalica ulične rasvjete u naselju Orašje i kada će se ista popraviti? Građani su opravdano zabrinuti i ne osjećaju se sigurno u ovakvim uslovima.

Moram napomenuti da sam nekoliko puta prošao kroz ovo naselje gore se baš čovjek osjeća sablasno obzirom da je to i predio Ilinčice koji veći dio naselja je smješten malte ne na obroncima Ilinčice, odnosno šume tako da se građani ne osjećaju sigurno, a ni prolaznici, oni koji prolaze i koriste alternativni taj put kroz naselje Orašje.

Tražim znači što hitnije puštanje ulične rasvjete u ovom naselju. Hvala.

ALEKSANDAR VUJADINOVIĆ

Hvala. Slijedeće vijećničko pitanje Lejla Osmančević, SBB. Izvolite.

LEJLA OSMANČEVIĆ - vijećnik Saveza za bolju budućnost

Zahvaljujem predsjedavajući. Pozdravljam sve prisutne. Poštovani vijećnici, poštovani obrađivači materijala, predstavnici medija, posebno pozdravljam naše vjerne gledaoce koji prate snimak sjednice preko RTV 7.

Moje vijećničko pitanje postavljam Službi za komunalne poslove, izgradnju i poslove mjesnih zajednica. Kako se planiraju riješiti problemi uzrokovani rekonstrukcijom ulice Kaldrma?

Prema informacijama dobivenim od građana i lično sam vidjela u području ulice Kaldrma vrši se rekonstrukcija kanalizacione i vodovodne mreže ali ne i rekonstrukcija slivnih kanala sa obje strane ulice. Toplovodna mreža nije produžena za još 90 Metara kako bi se toplificirala čitava ulica.

Sada je ulica sužena i više se neće moći mimoilaziti dva automobila, a da ne govorimo o komunalnim kamionima, vatrogascima ne daj bože hitne pomoći, dostavnim vozilima i slično.

Zabrinutost građana je opravdana i mene zanima kako se planiraju riješiti problemi kojih će očigledno nakon rekonstrukcije ulice biti i veći? Hvala.

ALEKSANDAR VUJADINOVIĆ

U redu. Hvala lijepo. Slijedeće vijećničko pitanje je priložila vijećnica Sabiha Mujkanović, SBB. Mirnes Ajanović, BOSS. Izvolite izložite vijećničko pitanje.

MIRNES AJANOVIĆ - vijećnik Bosanske stranke

Hvala predsjedavajući. Pozdrav svima. Onima naravno posebno koji nas budu gledali. Tri su pitanja. Jedno je za JZU Dom zdravlja Tuzla.

Tražim da mi se dostavi informacija o svim uposlenim u Domu zdravlja Tuzla u periodu 2017. – 2018. godina sa imenima i prezimenima po svim osnovama. Rad na neodređeno, rad na

određeno vrijeme, rad po ugovoru o djelu ili po drugom osnovu, te na koji način je vršeno uposlenje, te odgovor za ugovore na određeno vrijeme i ugovore o djelu, u kojem periodu je određeno trajanje ugovora, odnosno do kada.

Slijedeće je JZU Gradske apoteke Tuzla. Tražim da mi se dostavi informacija o službenim putovanjima Edima Kadića i uposlenice JZU Gradske apoteke Tuzla Zirafete za sve destinacije gdje su išli u toku vašeg mandata, obraćam se direktorici, odnosno za ovu, te protekle četiri godine, odnosno od dana zaposlenja Edima Kadića u JZU Gradske apoteke Tuzla.

Tražim da mi se dostavi odgovor gdje je sve putovao, po kojem osnovu, koliko je trajalo svako putovanje i izvor i iznos finansiranja za svako putovanje i za Kadić Edima i za uposlenicu Zirafetu.

Slijedeće je JZU Gradske apoteke Tuzla, opet direktorici i Upravnom odboru. Tražim da mi se dostavi informacija o visini ukupnih primanja, dakle sva primanja da ne bude zabuna samo ona osnovna plata nego sva primanja, sve što sleduje, troškovi ili bilo šta, po svim osnovama za svaki mjesec 2018. godine za direktoricu Nišić Aidu i pomoćnika direktorice Edima Kadića. Hvala predsjedavajući.

ALEKSANDAR VUJADINOVIĆ

U redu. To su bila vijećnička pitanja. Sada prelazimo na vijećničke inicijative.

EDIM KADIĆ – samostalni vijećnik

Ja se izvinjavam, prvo da pozdravim sve. (ALEKSANDAR VUJADINOVIĆ – Izvinjavam se je li to poslovnička?) Poslovnička.

Ja imam oko 40 pitanja najviše za Mirnesa Ajanovića. To neću ovaj put izlagati nego molim da mi se dostave pitanja koja sam ja do sada postavio. Znači građani trebaju da znaju pitanja ko je u našim komisijama, kolika su primanja vijećnika itd.

Ja vas molim predsjedavajući da pitanja koja sam postavio četiri ili pet pitanja, nisam dobio ni jedan odgovor.

Zbog toga sam tražio poslovničku.

ALEKSANDAR VUJADINOVIĆ

U redu. Hvala. Ništa obratit ćemo se službama da nam daju odgovore na vaša vijećnička pitanja.

Poslovnička je li? OK. Poslovnička Mirza Tupajić. Izvolite.

MIRZA TUPAJIĆ - vijećnik Stranke demokratske akcije

Evo pošto se prvi put javljam, želim sve srdačno da poselamim i pozdravim, poželim uspješan rad. Na sličnom fonu je i moja poslovnička.

Klub vijećnika Stranke demokratske akcije u zadnjih par mjeseci vrlo rijetko dobiva odgovore na vijećnička pitanja i naravno više na ove urgencije i inicijative. Ne razumijem zbog čega. I molim da do decembarske sjednice dobijemo sve odgovore na sva vijećnička pitanja i naravno više na naše vijećničke inicijative i urgencije. Hvala.

ALEKSANDAR VUJADINOVIĆ

U redu. Hvala lijepo. Kao što smo rekli prelazimo sad na vijećničke inicijative. Inicijative u pisanoj formi, znači njih dvije je priložio vijećnik Ivica Kovačević, vijećnik HDZ BiH.

Pozivam Omera Delalića, SBB da pročita svoju vijećničku inicijativu ukoliko to želi.

OMER DELALIĆ

Inicijativa za postavljanje turističkih tabli sa planom grada.

Veliki broj gostiju dolazi u naš grad i često imaju problema prilikom snalaženja u njemu. Postavljanjem tabli sa kartom našeg grada i bitnijih objekata u njemu u mnogome bi olakšali boravak u gradu našim gostima. Takve table postoje u gotovo svim većim gradovima.

Nadam se da će se ova inicijativa prije riješiti nego inicijativa mog kolege Elvira Kasumovića vezano za postavljanje table kod Kapije. Hvala.

ALEKSANDAR VUJADINOVIĆ

U redu. Hvala lijepo. Vijećnica Lejla Osmančević iz SBB-a je priložila svoju vijećničku i inicijativu. Slijedeću vijećničku inicijativu je priložila i vijećnica Rejhana Dervišević, SDP. Želite da je obrazložite? Izvolite.

REJHANA DERVIŠEVIĆ - vijećnik Socijaldemokratske partije

Zahvaljujem predsjedavajući. Pozdravljam sve.

Dakle, moja inicijativa upućena je Službi za komunalne poslove, izgradnju i poslove mjesnih zajednica za sistematsko redovno godišnje čišćenje i deratizacije korita rijeke Jale i Solina i njihovih pritoka, urgentno dijela Tušanjskog potoka od prve rudničke kapije do autopraone.

Naime, korito Tušanjskog potoka, u dužini od oko 4500 metara nije u potpunosti ucijevljeno cijelom dužinom. Na nekim dijelovima, profil korita je deformisan (proširen ili sužen) usljed erozije, klizanja, kao i nanosa zemlje i različitog otpada.

Najteža situacija je na prostoru od prve rudničke kapije do autopraone u šta sam se, na poziv građana i lično uvjerala. Na ovom potezu korito Tušanjskog potoka je obraslo šibljem i drugom vegetacijom izraslom iznad visine korita, što dodatno doprinosi smanjenju protoka vode u koritu, te zadržavanju otpadnih voda čime je pogoršana higijenska situacija uz privatne stambene objekte koji se nalaze u neposrednoj blizini, a što izaziva zabrinutost kod građana.

Tražimo se da se čim prije, odnosno urgentno preduzmu aktivnosti čišćenja korita potoka Tušanj i njegova deratizacija na ovom potezu koji sam prethodno rekla, kako bi se spriječila potencijalna opasnost od zaraze i ugrožavanja zdravlja ljudi, a sve u skladu sa članom 147. do 151. Odluke o komunalnom redu („Službeni glasnik Grada Tuzle“, broj 04/10., 09/10., 01/11., 11/15., 09/16.).

Kako su čišćenje i regulacija vodotoka iznimno značajni i kao adekvatne mjere za zaštitu od poplava i klizišta neophodno je provođenje intenzivnijeg inspeksijskog nadzora nad stanjem u prostoru na ovom području, ali isto tako i području cijelog grada.

Dakle, ja se u ovoj inicijativi pozivam na odredbe člana 147. i 151. Odluke o komunalnom redu.

ALEKSANDAR VUJADINOVIĆ

U redu. Hvala lijepo. Vijećnička inicijativa Elvir Kasumović, SBB. Da li želi da obrazloži? Ako ne, ovdje je priložio u pisanoj formi.

Hvala lijepo. Ovim smo završili vijećnička pitanja i inicijative.

Prelazimo na drugu tačku Dnevnog reda:

DOPUNA INFORMACIJE O REALIZACIJI ZAKLJUČAKA GRADSKOG VIJEĆA TUZLA SA TEMATSKOG DIJELA 15. REDOVNE SJEDNICE OD 23. 01. 2018. GODINE - PROBLEMATIKA AEROZAGAĐENJA NA PODRUČJU GRADA TUZLE

Predlagač je Gradonačelnik Grada Tuzla.

Obrađivač je Služba za komunalne poslove, izgradnju i poslove mjesnih zajednica.

Materijal su razmatrali Komisija za prostorno uređenje i zaštitu okoline, Komisija za komunalna pitanja i pitanja mjesnih zajednica i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivač daju uvodno izlaganje? Nema.

Pitam da li ima potrebe da se pročitaju izvještaji komisija? Nema.

Otvaram raspravu klubova vijećnika. Da li se neko javlja za riječ? Omer Delalić, SBB. Izvolite.

OMER DELALIĆ

Hvala. Pošto se radi o najbitnijoj tački ovog Dnevnog reda i najbitnijoj tački vezano za zdravlje građana Tuzle i moram da se uključim ovdje.

Na sjednici Gradskog vijeća održanoj 23. 1. 2017 godine jedan od zaključaka je bio da nas Služba za komunalne poslove redovno izvještava o tome šta je učinjeno u smanjenju aerozagađenja.

Ta informacija je trebala da nam se dostavlja svaka tri mjeseca, a nakon deset mjeseci ovo je tek drugi put da dobijamo informaciju. Nadam se da će služba u narednom periodu poštovati odluke Gradskog vijeća, a ukoliko ne, ja ću i dalje koristiti svoje poslovničko i moralno pravo da tražim uvrštenje ove tačke u dnevni red. Jer za mene je zdravlje i život građana od iznimnog značaja.

Nekoliko mjeseci nismo imali problema s aerozagađenjem i kao da smo svi zaboravili na ovaj problem. Zbog toga smo mi i donijeli zaključak da konstantno izvještavamo i da pratimo šta je urađeno povodom toga.

Počela je grejna sezona i odjednom svi su izloženi aerozagađenju. I već smo imali nekoliko izuzetno kritičnih dana kada se to zagađenje vidjelo i golim okom i kada nam je bilo izuzetno teško disati.

Posebno je kritično u naseljima sa individualnim ložištima tako da područje oko Prinčeve džamije, škole Jala, znači raskrsnice škole Jala bili su prekriveni gustim dimom, a takvih lokacija u gradu ima još nekoliko.

Ide period kada će se to zagađenje samo povećavati. Klub vijećnika SBB-a smatra da je ovaj izvještaj jako loše urađen i da ne daje konkretne informacije šta je Grad uradio povodom toga.

Napisan je na sedam stranica, a od toga su tri posvećena Termoelektrani Tuzla.

Svi znamo da je Termoelektrana veliki zagađivač i da je Gradsko vijeće tražilo da se ugradi uređaj za odsumporavanje. Međutim, u ovom izvještaju, po nama, u centru pažnje treba da bude šta je Grad učinio povodom u cilju rješavanja aerozagađenja.

Slijedeće, dvije stranice su posvećene tome šta je učinjeno od 2001. do 2015. što je bitno. Međutim, u izvještaju, u ovom izvještaju treba insistirati šta je urađeno od sjednice 23. 1.

Drago mi je da su se počeli rješavati poslovi vezano za priključenje objekata u Šićkom Brodu i Bukinju. Međutim, nigdje u izvještaju ne piše koja je sredstava Grad uložio u to.

Jedino se spominje 30.000.000 maraka uloženi od 2001. do 2015. a i ta sredstva nisu isključivo uložena od Grada, već su tu uračunata i lična sredstva koja su uložili građani u toplifikaciju svojih objekata.

Spominje se i realizacija toplifikacije u mjesnim zajednicama Brčanska Malta, dijelu mjesne zajednice Mejdan i još nekim mjesnim zajednicama. U slijedećim izvještajima, ono što nas kao Klub interesuje, šta je Grad uložio u te projekte, a ne pripisivati sebi zasluge ličnog učešća građana.

Gradsko vijeće je usvojilo Odluku da se 4,5 miliona maraka ili 85% sredstava koja se očekuju od uplate Elektroprivrede, uloze u toplifikaciju.

Klub vijećnika SBB-a će, u interesu građana, insistirati na ispravnom utrošku tih sredstava. Zahtijevamo da u narednim izvještajima budu kao informacija o realizaciji projekta održavanja i korištenja sportskih terena gdje za svaki projekat ima vrijednost projekta, znači Služba zna pripremiti izvještaj i zbog toga zahtijevamo da u slijedećim znači izvještaju bude urađeno na ovaj način.

Gdje će biti znači koji projekat, koja su sredstva uložena i šta je Grad uložio. Hvala.

ALEKSANDAR VUJADINOVIĆ

U redu. Hvala lijepo. Slijedeći se za riječ javio Mirnes Ajanović, BOSS. Izvolite.

MIRNES AJANOVIĆ

Hvala predsjedavajući. Dijelom, skoro u cijelosti podržavam kritiku kolege Delalića. Neću se vraćati samo na 23. 1. ja ću, ne puno daleko, da ne idemo previše. Evo recimo 29. 3. 2016. takođe je bilo na Vijeću na 20. redovnoj sjednici Izvještaj o kvalitetu zraka na području grada Tuzla sa analizom izvještaja o kvaliteti zraka i sa svim ostalim mjerama.

Tada smo usvojili dosta zaključaka 19. Pa onda podtačka b) u toj podtački još tri zaključka koji su vrlo bitni. Oni su sadržani i u ovim zaključcima od 23. 1. 2018. godine kojih ima 26.

Ova informacija koja je dostavljena dijelom prolazi kroz analizu zaključaka, ne bit to previše širio dobili smo. Predlažem da čak, ovi zaključci koji su dostavljeni, odnosno informacija prvo zaključci, a onda informacija, budu objavljeni na web stranici tuzla.ba kako bi građani sami znali šta se ide, uradilo i šta se planira da mi ne moramo sada na Vijeću niti trošiti vrijeme za to.

Svakako je ograničeno za diskusiju u prezentaciju onoga šta se uradilo, a građani to trebaju znati, pogotovo što će u narednom periodu tačno doći do još težeg stanja po pitanju aerozagađenja i obično je to kulminacija u vrijeme kada dođe decembar, januar, tada je najveća koncentracija otrovnih supstanci u zraku. Dakle da imamo i informaciju i dopunu informacije.

Ono što jeste problem Informacija od 26. 6. ove godine, a mi smo 23. 1. 2018. donijeli odluku da se redovno informišemo. Što mi nismo dobili ovu informaciju. Zašto nam nije dostavljena na Vijeće, a mi smo na Vijeću skoro svake sjednice raspravljali i sukobljavali se jedni između

drugih, a mi nismo krivi, niko od vijećnika, zašto to nismo dobili, a evo imali smo je. I broj ima informacija i definisana je, ali Vijeću nije dostavljena.

I sada je dostavljena sa ovom dopunom od 9. 11. 2018. godine. Kolega Delalić je već rekao o ovoj od 26. 6., konkretno evo par detalja iz ove od 9. 11. opet je sva osnovna priča koliko se godišnje spali u Termoelektrani a koliko se to spali iz domaćinstava.

Ali, samo kasnije prolaženjem kroz ovu informaciju prezentira se da je zbog te nepovoljne temperaturne inverzije, koja se dešava u pojedinim danima, baš u zimskom periodu dolazi do nagomilavanja zagađenja radi stvaranja hladnog sloja zraka koji se ne pomjera iz razloga što nema dovoljno vjetra.

I onda se vraćamo na to da tih 50000 tona i domaćinstva koja imaju izrazito manje, sasvim jasno, odnosno 3,8 miliona tona uglja potroši elektrana, a domaćinstva 250.000 tona. I ovo je puno.

Vraćamo se na to da u gradu postoji problem. To je zbog niskog atmosferskog pritiska zimi koji vlada i to je sasvim normalno i logično stanje vremenskih uslova ili neuslova.

Opet govore, svjesni su svega toga i organi vlasti svakog nivoa. Potrebno je pojačati tempo širenja mreže daljinskog grijanja, smanjenje broja individualnih ložišta i da evo recimo MZ Šićki Brod i Bukinje do danas ukupno 111 objekata su završeni na priključivanje objekta na daljinskog grijanja, od ceste do zida, od čega 106 priključaka, a u pet u ovim mjesnim zajednicama Bukinje i Šićki Brod, a pet u drugim dijelovima grada.

Nije napisano koliko je njih počelo da radi. Da li je ijedan od ovih počeo funkcionisati? Da li je u Šićkom Brodu, osim ovih kolektivnih stambenih objekata, koji su prije urađeni, da li su ovi individualni počeli da rade, ili još uvijek nije počelo?

To govorim iz razloga što, moramo se malo i kritikovati međusobno i do nas je, ova rasprava od 29. 3. 2016. godine pod tačkom b) upravo govori o, evo da se za Bukinje i Šićki Brod riješe individualni stambeni objekti na sistem daljinskog grijanja, omogućiti brzu realizaciju projekata vezani za izgradnju infrastrukture, obezbijediti sredstva budem rebalansa Budžeta Grada ili konkurisanjem sa projektima prema pristupnim fondovima EU. Dakle i tada smo donijeli odluku da to bude besplatno.

Traži se od Službe da se sve donesu odluke, finansiranja podstanica i priljučaka, da ponude sveobuhvatan adekvatan model rješavanja ovog pitanja u skladu sa zakonom za jednu od narednih sjednica Gradskog vijeća Tuzla, a koje će regulisati pitanje finansiranja podstanica. To je bilo marta 2016. Ništa se nije uradilo dok grupa vijećnika nije napravila nekoliko javnih prezentacija, zahtjeva, evo recimo jedan je od 11. 1. 2018. godine prijedlog za sazivanje sjednice Gradskog vijeća sa dnevnim redom urgentno rješavanje problema aerozagađenja u Tuzli. Tada je donesena ova Odluka 23. 1. sa 26 tačaka. Postoje brojne te okolnosti da ipak se nije dovoljno uradilo.

Mi imamo evo dopis 4. 3. 2016. godine Federalne uprave za inspekcijske poslove koji kažu, citiram, treba znati da je najveće zagađenje zraka u zimskom periodu, u sezoni grijanja, a nastaje iz svih postrojenja za sagorijevanje i najviše od individualnih ložišta uz korištenje loših energenata u postrojenjima za sagorjevanje, povećano korištenje automobila naravno, prašine na ulicama i uz to nepovoljni meteoroloških prilika.

Dakle i ovo su okolnosti koje moramo naći rješenje, pa čak i ta prašina pou licama. Zimi je teško tu prašinu rješavati, ali da pokušamo nekako, koliko možemo bar pokupiti je, ali opet su individualna ložišta.

Dakle i Federalna uprava za inspekcijske poslove nas je upozorila da se radi o tom problemu. Nismo dovoljno uradili. I ovo što sada radimo, evo dočekali smo ovu zimu, barem ni ovih 100 neće smanjiti problem.

U urbanom dijelu grada. Evo konkretno Stupine. Hajde da kažemo, ono što pišu svi mediji, kada pogleda se sa prozora, evo i ja gledam sa prozora, prema Zlokovcu, odnosno tamo gdje su individualna ložišta jedno ložište kada zadimi kompletno naselje je pod dimom. Samo jedno.

Da ne pričamo o elektrani. Ostavimo elektranu, ostavimo okolnost kada je nizak atmosferski pritisak zimi da i plinovi, odnosno izduvni plinovi i dim iz Termoelektrane ostaju niže.

Ona je ipak dole udaljena desetak kilometara. Ovamo ovaj dio, dakle individualna ložišta su problem ključni. Toga nema ljeti i u proljeće, dijelom i u jesen, ali kada ga imamo u ovakvo vrijeme, evo oblačno, pa ne mora biti ni oblačno niskog atmosferskog pritiska onda imamo stanje problema.

Moramo urgentno rješavati na način da predlažem, nisu dovoljna sredstva koja dobijamo samo iz ovih sredstava radom Termoelektrane, dobro je što smo ih povećali gotovo do maksimuma, ali to nije dovoljno. Predlažem da se traži dobijanje kreditnih sredstava za toplifikaciju, posebno u dijelu gdje su gusto naseljena naselja.

Gdje su građani u naseljima koja imaju veći dio individualnih ložišta. Da idemo za obezbjeđenje tih sredstava jer zdravlje je naravno znamo, nema cijenu. Opet pričamo o onome što smo rekli, veliki broj karcinoma i svega ostalog što prouzrokuje zagađen zrak, rezultira da su građani počeli oboljevati većem obimu, smatram da moramo kreditnim sredstvima udarno djelovati na rješenje toplifikacije tamo gdje je evidentno da individualna ložišta ugrožavaju zdravstvenu bezbjednost. Utopljavaanjem tih objekata, davanjem, ako možemo mi, rekao sam već više puta, mogućnosti da Grad učestvuje u nekakvoj organizaciji dobijanja jeftinijih eto kotlovnica na pelet, ili jeftinijeg peleta ili šta već, kako će pomoći uraditi da se posreduje u svemu tome, ukoliko je moguće to zakonski. A ima prostora za to.

Za veću kontrolu naravno korištenja šta se sagorjeva, iako je to najslabija karika u svemu ovome jer čovjek kada nema novca spalit će ono što je pri ruci mu, makar to bila i automobilska guma da bi prezimio, da bi preživio hladnu noć.

Tako da prije možemo pomoći ako u takvim situacijama obezbijedimo adekvano zagrevanje, pa i gorivo koje će biti manje škodljivo.

Ostajemo dakle pri zahtjevu i to je zaključak, hitnu realizaciju u potpunosti svih zaključaka sa ove sjednice od 23. 1. 2018. godine. Tražimo opet dostavljanje informacije već za januarsku sjednicu kada će se rezultati zagađenja izrazito pokazati, ali da znamo šta smo uradili do tada bar u ovim segmentima direktne pomoći tamo gdje znamo kroz aktivniji rad mjesnih zajednica.

Još jedan zaključak da obavežemo povjerenike u mjesnim zajednicama da vrše jednu vrstu kontrole iz izduva, ili dima iz ovih individualnih ložišta da ih obavežemo da razgovaraju sa građanima koji koriste ogrev koji nije adekvatan na način da taj razgovor ne rezultira svađom, krivicom, kritikom ili bilo kako drugačije, negativno, nego u smislu pomoći da se dobije adekvatnije gorivo.

Ako je potrebno dakle obezbijediti i predlažem i iz budžeta još jednu dodatnu stavku na interventno djelovanje u cilju obezbjeđenja adekvatnog goriva za ložišta koja više, ili izrazito više zagađuju sredinu. Naravno u kontaktu sa povjerenicima i predstavnicima mjesnih zajednica dobit ćemo informaciju da li se radi o ljudima koji su skloni da zloupotrijebe eventualno ovakvu odluku Vijeća i ako se radi o građanima koji nemaju dovoljno sredstava, na žalost ima ih dosta, da ipak kroz tu vrstu nekakvog posredovanja povjerenika neka rade svoj dio posla i na taj način, obezbjede građanima bolje uslove života u cilju smanjenja aerozagađenja. (ALEKSANDAR VUJADINOVIĆ – Molim vas samo privodite diskusiju kraju.)

U redu predsjedavajući. Evo privodim kraju. Hvala.

ALEKSANDAR VUJADINOVIĆ

U redu. Hvala lijepo. Slijedeći se za riječ javio Nedžad Malikić, Tuzlanska alternativa. Izvolite.

NEDŽAD MALIKIĆ – vijećnik Tuzlanske alternative

Hvala predsjedavajući. Naravno, evo ovo je tema o kojoj bi se moglo što šta i reći, međutim, mi kao Grad smo suočeni sa jednim zagađenjem koji traje ne godinu, dvije, nego decenijama. Na žalost imamo fabriku za proizvodnju električne energije koja se nalazi u našem gradu, koja je, vrlo dobro znamo da je najveći zagađivač na području našeg grada, tako i šire. I o tome se više ne treba ništa ni reći, nego samo tražiti da se svi ovi zaključci koji se odnose na Termoelektranu kada je u pitanju odsumporavanje itd. itd. na kraju krajeva to ispoštuje i da tu Elektroprivreda BiH, zajedno sa Vladom Federacije konačno ispoštuje taj dio.

Ono na što ću bazirati ja svoju diskusiju, upravo, vraćam se na onaj dio gdje smo mi kao Gradsko vijeće donekle i nadležni i gdje možemo pomoći u rješavanju ovih problema.

Iz ovoga što smo dobili informaciju koju smo dobili od Službe za komunalne poslove oni u svom dijelu rade maksimalno u onom dijelu u kojem mogu, evo svjedoci smo kada je u pitanju saobraćaj, kao jedna vid veliki dio zagađenja kroz ovu informaciju vidimo da su određeni zaključci ispoštovani vezano je evo za brži protok vozila, za izgradnju u narednom periodu kružni tokova itd. itd.

Međutim, mi imamo jedan neriješen problem koji je ostao kada je u pitanju južna magistrala evo u više navrata smo to spominjali da recimo taj dio koji nije nikad završen gore kod Hametove pijace, je nekad ta magistrala trebala isto u Slavinoviće pa i dalje evo možda još jedan od zaključaka da se ide prema Direkciji cesta odnosno Federalnoj direkciji cesta da konačno vide mogućnost rješavanja tog problema. Jer mi na baš u istočnom dijelu grada na Brčanskoj Malti imamo veliki zastoj, imamo veliki protok vozila koji samo tranzituju kroz grad Tuzlu. To su veliki kamioni i veliki zagađivači mislim da na neki način pokušamo još jednom taj dio problema riješiti.

Opšte nam je poznato da su individualna ložišta na području grada Tuzla objektivno jedan od problema koji malte ne zagađujemo sami sebe.

Ja sam u više navrata, evo od kad sam u Vijeću kako god se diskutuje na neki način o aerorozagađenju uvijek sam bio na tragu rješenja da pokušamo vidjeti mogućnost da peći ekološki prihvatljive peći pokušamo nekako kao grad subvencionirati. Imamo problema kada je u pitanju toplifikacija, evo svjedoci smo i kada se uradi projekat poput Bukinja i Šićkom da dolazimo u situaciju i problema samog priključka.

Evo godinu dana već pokušavamo dole taj dio riješiti. Ja se nadam da ćemo ga i riješiti. Međutim, kapacitet samog proširenja toplifikacije da sada imamo sva sredstva, da imamo sve projekte, mislim da u ovom trenutku ni sama Termoelektrana nema kapaciteta da zadovolji sve potrebe koje su potrebne kada su u pitanju individualna ložišta i upravo moramo razmotriti mogućnost da ovaj znači istočni dio grada, govorim za istočni dio grada i naravno i zapadni dio grada, koji se ne planira u nekom narednom periodu toplificirati, pet ili deset godina, to je neki period, da pokušamo riješiti kroz subvenciju peći i da to bude jedan od zaključaka da Grad Tuzla u narednom periodu razmotri mogućnost subvencioniranja.

Da na neki način podstaknemo naše građane da kupuju peći koje su ekološki prihvatljive i koje će naravno manje zagađivati našu okolinu. Jer upravo se ova aerorozagađenja seupravo dešavaju od onog trenutka, u mnogim naseljima kada počinjemo da se loži, kada jednostavno krene to

zagrijavanje stambenih objekata i mislim da moramo biti na tome tragu da vidimo da na neki način bude jedan od zaključaka da Grad Tuzla subvencionira, da iznađe mogućnost subvencioniranja građana koji prelaze na alternativne peći.

Mene interesuje samo kroz ove materijale koje smo dobili ja mislim da je bilo prošle godine zaključak Vlade Tuzlanskog kantona da se na području grada Tuzle svi objekti preko 200 m² poslovnog prostora moraju preći na, ako postoji mogućnost da pređu na grijanje, odnosno da se priključe na grijanje ako imaju tu mogućnost.

Mene samo interesuje da vidim šta je sa tom odlukom i da li su ti objekti koji imaju, koji ispunjavaju mogućnost i koji imaju toplifikaciju koja je prošla recimo kraj njihovih objekata, da li su i oni sami to uradili, ako nisu imaju li kakve zakonske mjere, odnosno sankcije da se na neki način još oni ovaj. Tako da mislim da bi jedan od ovih zaključaka trebalo biti to. Mi ćemo imati ovaj problem.

Mislim da o njemu trebamo često razgovarati. Često ga imati na dnevnom redu, evo to je bio zaključak Vijeća da to bude svaka tri mjeseca, mislim da bi mi tu informaciju trebali imati nekad i u februaru mjesecu. Evo imali smo sada sreće da su atmosferske prilike bile takve da nismo imali neko izrazito zagađenje kao što je bilo do sada, međutim, evo ide period kada će to vjerovatno biti puno, puno, puno teža situacija.

Imamo ovde 26 zaključaka koji su, neki su od njih već i ispoštovani. Međutim, to su sve zaključci koji trebaju da ostanu, koje trebamo ponovo svi podržati i da to budu zaključci i ovoga, ove sada rasprave, s tim da se samo doda i ovaj zaključak da konačno vidimo mogućnost da pokušamo iznaći i ovaj dio rješenja, to je prelazak na ekološki prihvatljive peći. Hvala.

ALEKSANDAR VUJADINOVIĆ

U redu. Hvala lijepo. Slijedeći se za riječ javio Mirza Tupajić, SDA. Izvolite.

MIRZA TUPAJIĆ - vijećnik Stranke demokratske akcije

Evo iz navedenih predhodnih diskusija možemo jasno zaključiti da vijećnici ovog Gradskog vijeća daju maksimum što se tiče rješavanja ovog glavnog trenutno problema u gradu Tuzla koji će u narednom periodu možda postajati sve veći i veći.

U prethodnom periodu znači svi vijećnici su dali svoj doprinos u vidu raznih prijedloga, zaključaka, davanja nekih svojih ideja itd. Međutim, nisam zadovoljan sa znači realizacijom tih zaključaka od strane znači gradske administracije i javnih nekih preduzeća koji mogu ubrzati znači dinamiku rješavanja ovog problema.

Prije svega mislim na Centralno grijanje. Javno preduzeće Centralno grijanje. Gledajte.

Jednostavna je stvar, znači što je više korisnika u Javnom preduzeću Centralno grijanje oni će imati u budućnosti i veći profit. A imamo znači evo činjenicu da smo u posljednjih četiri, pet godina dobili preko 20.000.000 KM kao naknadu za prijateljsko to znači okruženje, znači od Termoelektrane. Malo se toga uradilo.

Svake godine sve zagađeniji zrak i zagađeniji. Mnogo je tu znači faktora. Govorili smo prije da imamo tu ruža vjetrova, nizak atmosferski pritisak, povećan znači saobraćaj, Termoelektrana kao eto glavni zagađivač i naravno individualna ložišta.

Ima tamo zaključak koji smo govorili vezano za kvalitet evo uglja koji se koristi u individualnim stambenim ložištim i tamo smo donijeli zaključak da preko 1% sumpora ne bi trebalo

da se koristi taj ugalj. Međutim, sigurno, trenutno se koristi znači najviše ugalj iz Ugljevika je li tako Lopara i Ugljevika koji ima i do 5% procenat znači sumpora.

E sad šta je problem? Kako kontrolisati znači građane šta lože, na koji način, da li animirati komšije da imaju neki broj telefona da prijave, tu i tu smo primjetili da komšija mi ili ne znam ni ja ili neko manje preduzeće koristi neadekvatno ugalj ili ne znam nešto drugo, gdje dolazi do gustog znači dima itd. itd.

Šta reći. Znači, ovdje nekako se cijelo vrijeme prebacuje najviše loptica na Termoelektranu Tuzla, oni jesu najveći zagađivač, međutim Termoelektrana „Tuzla“ ima filtere za prašinu, filtere za određene plinove, ima znači ovaj problem sa separacijom sumpordioksida koji se nadam da će se, ako bog da, u budućnosti riješiti.

Ja bih ovdje postavio znači jedno pitanje Centralnom grijanju da malo dobro razmisli znači imat će što imaju znači više korisnika imat će više i profita i ne razumijem zašto to Javno preduzeće malo više ne uloži u proširenje znači toplifikacije. Hvala.

ALEKSANDAR VUJADINOVIĆ

Hvala lijepo. Ispred Kluba SDP vijećnica Rejhana Dervišević. Izvolite.

REJHANA DERVIŠEVIĆ - vijećnik Socijaldemokratske partije

Hvala predsjedavajući. Dakle, ja ću samo par stvari vrlo kratko ponoviti da bih obrazložila ono što imam namjeru, a to je da je kao što svi znamo problem zagađenja zraka je vrlo kompleksan i ne može ga riješiti sam Grad, to nam je odavno jasno i na žalost zagađenje zraka neće nestati samo sa toplifikacijom.

Svi sastojci smoga kojeg udišemo nastali su procesom sagorijevanja fosilnih goriva, ali iz motornih vozila koji pune našu kotlinu prljavštinom, pa s tim u vezi dakle ponovo podsjećam i vraćam na potrebu nužnog šireg angažmana cijele društvene zajednice i različitih nivoa vlasti.

Mi naprosto ne smijemo prestati da zahtijevamo da Elektroprivreda okonča projekat odsumporavanja u Termoelektrani Tuzla.

Mi ne smijemo prestati da zahtijevamo da Ministarstvo okoliša i turizma Federacije Bosne i Hercegovine obaveže Termoelektranu da vrši odsumporavanje.

Ja u planu poslovanja Elektroprivrede Bosne i Hercegovine za period 2018. - 2020. nisam vidjela ovaj projekat i bojim se da to oni neće uraditi.

Takođe želim reći da u očitovanju koje smo dobili iz Elektroprivrede nakon one tematske sjednice koju smo održali moglo se pročitati najmanje o zaključcima koje smo tada usvojili, a ako se sjećate kažu, da je praktična implementacija mjera za smanjenje emisija zavisna od finansijskih i tehničkih uslova, te da je taj period od ove pa do početka 2028. godine.

Dakle, ovdje se ne navodi nikakav plan, niti strategija, ništa. Dakle, vjerovatno će se nastaviti ono što je i do sada bilo, a to je da nam zamazuju oči doradama urađenih, ali i novim studijama evo koje znamo da je jedna takođe u izradi.

Osim toga, vjerovatno vam je poznato da je i prije par dana, znači početkom ovog mjeseca, pročitali smo informaciju da je Federalno ministarstvo okoliša i turizma odbilo izdati okolinsku dozvolu za odsumporavanje blokova 5 i 6 Termoelektrane Tuzla.

Na žalost. time je okončana višegodišnja javna rasprava o Zahtjevu za okolinsku dozvolu za odsumporavanje blokova 5 i 6, naravno na okolinski prihvatljiv način.

Šta to znači? Po meni dakle u protekle 4 godine, je u Elektroprivredi u više navrata ukazivano na propuste u dostavljenoj dokumentaciji i stoga je dakle i Ministarstvo odbacilo zahtjev.

To znači da oni, opet prema mom mišljenju, nakon više od četiri godine nisu bili u stanju odrediti koju tehnologiju postrojenja za odsumporavanje planiraju instalirati.

I tako dalje. Ukoliko nastave ovakvim tempom rada na projektu odsumporavanja, pazite, samo papirologija dakle, onda će taj projekat, što se tiče papirologije biti dovršen baš u vrijemebaš u vrijeme kada se planira zatvaranje blokova 5 i 6. Dakle negdje 2030. godine.

Nadalje, tražili smo od Termoelektrane Tuzla da pristupi izmjenama i dopunama Plana interventnih mjera kod prekoračenja dozvoljene granice aerozagađenja i rekli šta mi to želimo da se promptno djeluje, da se smanji ili obustavi proizvodnja u bloku 5 i 6 kako se ne bi ponavljala dosadašnja praksa da se tek nakon nekkoliko dana u kojima je zabilježen ekstremno povišen indeks aerozagađenja, poduzimaju odgovarajuće mjere.

Isto tako tražili smo dakle da Vlada TK i Ministarstvo prostornog uređenja i zaštite okoliša donesu propis o zabrani distribuciji uglja iznad 1% sumpora i loženja drugih supstanci, koje nisu namijenjene za loženje po uzoru na odluku Vlade Sarajevskog kantona.

Svi smo mi dobro svjesni da je zagađenje okolišta itekako povezano sa socio-ekonomskim stanjem građana Bosne i Hercegovine.

Šta mi možemo? Bilo je dobrih zaključaka evo ponovo i danas, donijeli smo recimo Odluku kojom Grad snosi troškove priključenja do zida potrošača.

Donijeli smo i Odluku za građane Šićkog Broda i Bukinja. Rekli smo i tražili hajmo ponovo tražiti inicirati kod banaka povoljnije namjenske kredite isključivo za svrhu to je moguće, jer građani ionako moraju izdvajati sredstva za nabavku ogrjeva.

Ja ću ponovo, previše puta sam ponovila riječ, ponovo, izvinjavam se, naglasiti potrebu pripreme projekata ka donatorskim sredstvima odnosno fondovima koji se finansiraju iz različitih nivoa izvora jer projekti s ciljem zaštite okoliša su u grupi onih koji obećavaju samoodrživost dakle ostavljaju dugotrajne rezultate i ono što mogu takođe reći o informaciji koju smo danas dobili i koju su pripremile nadležne službe, po našem upitu, a vezano za ono što je Grad učinio, ona je zaista sadržana i sadrži dosta podataka, ne kažem da ne treba da se dodatne na zahtjev naravno, dostave činjenice, ali ovo je zaista jedna vrlo dobro pripremljena informacija.

Zahvaljujem.

ALEKSANDAR VUJADINOVIĆ

U redu. Hvala lijepo. Ispred Kluba vijećnika SBB-a Lejla Osmančević. Izvolite.

LEJLA OSMANČEVIĆ - vijećnik Saveza za bolju budućnost

Jesu li završili klubovi? (ALEKSANDAR VUJADINOVIĆ – Ovo je ispred Kluba je li?) Ne. Ja ću ispred vijećnika.

ALEKSANDAR VUJADINOVIĆ

U redu. Ovim je zaključena rasprava klubova. Otvaramo raspravu vijećnika. Lejla Osmančević, vijećnica SBB-a.

LEJLA OSMANČEVIĆ - vijećnik Saveza za bolju budućnost

Zahvaljujem predsjedavajući. Ma, evo ja ću samo iskoristiti priliku da u sklopu ove tačke Dnevnog reda vas sve podsjetim na zaključke sa 25. redovne sjednice u oktobru kada smo razmatrali Inicijativu za poboljšanje na Odjelu pedijatrije, a sve u cilju blagovremenog rješavanja ovog problema, definitivno problema koji je vezan i koji ima apsolutno uzročno posljedičnu vezu a aerozagađenjem i svim onim kakvo aerozagađenje ima na zdravlje stanovništva naročito djece.

Ja sam o tome govorila na tematskoj sjednici u januaru 2018. godine detaljno, informisala sam javnost, a kroz svoju praksu i ovo zahlađenje i zimski period i pogoršanje aerozagađenja vidim da je i zdravstveno stanje djece značajno, značajno pogoršano.

Kratko, na kraju Klub vijećnika SBB-a je donjeo odluku da ja uputim inicijativu Javnoj zdravstvenoj ustanovi Dom zdravlja i to je ova današnja inicijativa za dostavljanje informacije o realizaciji navedenih zaključaka s naročitim osvrtom za zahtjev menadžmentu koji je upućen Domu zdravlja za formiranje ekspertne komisije, čiji je naravno prioritet rješavanje ovog problema.

Ja se ovom prilikom moram zahvaliti Gradskom vijeću, vijećnicima na ukazanom povjerenju da budem član te ekspertne komisije. Ja ću vam, ja ću sigurno opravdati vaše povjerenje jer ovaj problem je nešto što je moje profesionalno i životno opredjeljenje i ako iko o tome zna najbolje znam ja, naravno ja ću preuzeti tu obavezu da Gradsko vijeće periodično informišem o onome što je realizirano, da li će to biti kroz tačku tekuća pitanja ili neki drugi način to ćemo vidjeti. Hvala.

ALEKSANDAR VUJADINOVIĆ

Hvala lijepo. Elvir Kasumović, SBB. Izvolite.

ELVIR KASUMOVIĆ

Zahvaljujem se predsjedavajući. Tražili smo informaciju kako bi jednostavno na neki način utvrdili ko su glavni aerozagađivači i gdje je to ono što treba da preduprijedimo da bi umanjili aerozagađenje na području grada Tuzle.

Međutim, ovom informacijom neko je želio a i uspio, da nas zbuni. U njoj nisu podržani, odnosno izneseni relevantni podaci. Prije svega od utroška sredstava onih koje smo mi tražili i dobili od Termoelektrane nemamo decidne pokazatelje šta se i u kom smijeru radi, osim toga što imamo samo informacije gdje se planira proširenje toplifikacije koje se već, evo meni kao vijećniku, već drugi mandat prezentuju.

Navest ću jedan dio teksta iz informacije, kaže, za projekat toplifikacije dijela mjesne zajednice Mosnik očekuje se dostavljanje idejnog rješenja kako bi Služba mogla pokrenuti proceduru ishodavanja urbanističke saglasnosti.

Ovo je meni prije šest godina istu ovu informaciju gospodin Kemal Kurević dao. Znači ova informacija će i narednih šest godina ostati u ovom obliku kako jeste.

Jednostavno ne stvaraju se uslovi kako bi se umanjilo aerozagađenje, a da su individualna ložišta veliki zagađivači i da dovode do najvećeg zagađenja na području grada Tuzle govori nam i podatak da u ljetnom periodu takođe je radila Termoelektrana, a nismo imali ovoliki procenat aerozagađenja kakav je sad sa prvim hladnim danima i sa pokretanjem individualni ložišta.

Još jedan dio teksta kaže, obavještavamo vas da je u prostorijama Gradske uprave otvorena posebna kancelarija u kojoj poduzetnici mogu dobiti sve relevantne informacije uključujući i informacije koje se odnose na način, troškove i benefite priključenja na sistem daljinskog grijanja uz

napomenu da detaljnije informacije koje se odnose na priključenje na sistem daljinskog grijanja mogu dobiti i u prostorijama JKP Centralno grijanje Tuzla.

Ljudi su voljni da se priključe, ali na što da se priključe? Na gradski vodovod? Pa neće ih vodovod grijati ni sistem elektro mreže. Pa što niste doveli primarnu, primarnu vrelovodnu mrežu do tih objekata i naselja? Pa da se ljudi priključe.

Evo ljudi izražavaju volju. U mom naselju već svake godine se piše peticija i svake godine se skupljaju potpisi da se priključe. Od toga 90% mještana je za priključenje, ali nemaju mogućnosti, nema primarne vodovodne, ove toplovodne mreže. O tome se radi.

Mi smo trebali dovesti primarne toplovodne mreže i omogućiti ljudima da se priključe na te mreže. Pa ne mogu se priključivati na kanalizaciju i reko sam već na vodovod itd.

O čemu pričamo?

Kada stvorite uslove onda tek možemo pričati o tome. A prevashodno vam kažem u prilog mojoj tvrdnji ide i činjenica da u ljetnim danima nismo imali ovaj procenat aerozagađenja kao sa prvim hladnim danima kada su počela da se koriste individualna ložišta.

Dajte da mi poduzmemo nešto iz svoje nadležnosti, a isto tako treba uprijeti prst prema onome ko je, kako kažete, najveći zagađivač. Da vidimo šta u tom smislu da se uradi.

Ali prvo kažem moramo pomesti ispred svoga dvorišta pa rješavati dalje. Hvala.

ALEKSANDAR VUJADINOVIĆ

Hvala lijepo. Slijedeći se za riječ javio Alen Kapidžić, SDP.

ALEN KAPIDŽIĆ - vijećnik Socijaldemokratske partije

Hvala predsjedavajući. S obzirom da se prvi put javljam, sve vas srdačno pozdravljam.

Pa ja sam se javio da jer su nekoliko prethodnih diskusija govori o tome da mi nemamo problem u ljetnim danima.

A evo ljeti radi Termoelektrana jel, a nema individualnih ložišta. Ali nemojte stvarati pogrešnu sliku.

Zašto? Zato što je usljed ovo veliko aerozagađenje jel dolazi usljed te temperaturne inverzije, kako kolega Mirnes kaže, taj niski pritisak jel. Ali to dolazi samo u ovom vremenskom periodu jel, u ovim hladnijim danima kada se počinje ložiti, toga nema ljeti.

Zato taj, to zagađenje koje dolazi od Termoelektrane, očito je Termoelektrana najveći zagađivač ne može ni imati neki veliki uticaj, eto te čestice, odlaze u zrak je li i ne ostaju dole.

To je jedna stvar.

Druga stvar. Mi smo se, čini mi se, nešto dogovorili kad smo raspravljali na prethodnim sjednicama o ovom problemu pa smo svi bili saglasni na neki način da ćemo, hajde da kažem tako, lobirati na svim nivoima vlasti da riješimo problem.

Međutim, očigledno da to nije tako. Očigledno. Iz ove informacije se vidi da se radi. Da se radi. Tačno. Da se može više uraditi, sigurno je da može. Ali se očigledno radi.

I mi uvijek kažemo nije, ovo su sve individualna ložišta, e nije tačno. Vidite, vi nama sada govorite da su samo individualna ložišta, a ljudi imaju studije. Ljudi su izradili. Oni su izradili, to je njihov dokument. Oni izrade studiju.

Druga stvar koja je meni simptomatična, kaže nismo veliki zagađivač, imamo dokument evo ovdje sad smo dobili prije sjednice u dopuni materijala, informaciju u skladu sa dopisom Gradskog vijeća a od 30. 10. 2018. godine. Toj e dopis Termoelektrane informacija od strane Termoelektrane

i oni govore o ovim studijama uticaja na okolinu deponije Divkovići i ovog sistema za odsumporavanje.

U jednom dijelu te informacije kaže, za ilustraciju naprijed navedenog, navodimo da je Federalno ministarstvo okoliša i turizma odbacilo Studiju uticaja na okolinu, to je ovo što je kolegica Rejhana govorila, na okolinu, zatvaranja deponije Divkovići i Studiju uticaja na okolinu sistema za odsumporavanje dimnih plinova blokova 5 i 6 Termoelektrane „Tuzla“.

Dalje u toj informaciji piše, evo dobili ste ovo svi, možete pogledati, to je od 14. 11. 2018. godine tako stoji datum. Dalje se kaže, Termoelektrana „Tuzla“ je protiv ovog rješenja Federalnog ministarstva za odbacivanje Studije uticaja na okolinu deponije Divkovići pokrenula upravni spor pred Kantonalnim sudom. A protiv rješenja za odbacivanje Studije uticaja na okolinu sistema za odsumporavanje blokova 5 i 6 će pokrenuti upravni spor.

E sad meni ovdje malo neke stvari nisu jasne. Znači prvo pitanje hajde da ne kažemo pitanje, meni se stvara neka slika. Pored toga, moram se vratiti, pored toga da smo milionputa ovdje tražili neke informacije, a vrlo rijetko dobijamo informaciju od Termoelektrane.

Znači, kad tražimo nešto vrlo rijetko mi to dobijemo. Ja sam tražio da triputa. Ovo je prvi put da dobijamo neku informaciju. Vidite, oni su pokrenuli upravni spor. Je li to znači, prva stvar koja meni onako dolazi na pamet, jeste da li se to meni čini ili se to takva slika stvara da menadžment Termoelektrane i Vlada nisu na istom fonu? Trebali bi biti.

Znači, ono što ja postavljam kao pitanje menadžmentu, da li će oni dalje raditi, menadžmentu Termoelektrane. Da li će oni dalje raditi, evo u prethodnim diskusijama se čulo postoje određeni propusti jel u ovim studijama i vjerovatno zato nisu dobili dozvolu, vjerovatno zato su i odbačene ove studije. Da li će oni raditi na ovim studijama ili ćemo čekati da se završi ovaj upravni spor?

Pazite, meni se ovo čini da ovo neko smišljeno radi. I molim da mi se, mene sad interesuje zašto nisu ove studije prošle? I interesuje me razlog zašto nisu dobile dozvolu. Interesuje me zašto je to?

Eto molim da mi se dostavi informacija zašto to nije i informacija da li će se dalje raditi na otklanjanju određenih propusta u ovim studijama ili će se čekati rezultat upravnog spora?

Znači, onda možemo reći evo slušaj, mi sve smo uradili ali smo napravili da nećemo ništa raditi. Toliko.

ALEKSANDAR VUJADINOVIĆ

Dobro. Imamo ovdje i predstavnicu iz Termoelektrane „Tuzla“ pa možemo kasnije zamoliti da nam da neka objašnjenja.

Slijedeći se za riječ javio Elvir Bijedić, SDP. Izvolite.

ELVIR BIJEDIĆ - vijećnik Socijaldemokratske partije

Pozdravljam sve prisutne, kao i gledaoce pored malih ekrana koji će ovu sjednicu gledati. Dakle pred nama je ova DOPUNA INFORMACIJE O REALIZACIJI ZAKLJUČAKA GRADSKOG VIJEĆA TUZLA SA TEMATSKOG DIJELA 15. REDOVNE SJEDNICE OD 23. 01. 2018. GODINE - PROBLEMATIKA AEROZAGAĐENJA NA PODRUČJU GRADA TUZLE ja neću, prethodnici su puno toga govorili, ne bih, ne bih više uzimao dragocijeno vrijeme, ali pada mi u oko jedna jedna rečenica ovdje koja je došla iz Elektroprivrede Bosne i Hercegovine iz Termoelektrane „Tuzla“ gdje kaže Termoelektrana „Tuzla“ podržava i aktivno sudjeluje u svim

aktivnostima koji se vode u cilju poboljšanja kvaliteta zraka u gradu Tuzla, pa je to onako i boldirano je li.

Ali dalje u tekstu kaže, ali napori i nastojanja da se ekološki aspekt rada termopostrojenja unaprijedi ne daju očekivane rezultate.

Malo je onako je to kontradiktorno, ali evo ovako ja bih samo konkretno zaključak jedan dakle da iniciramo, odnosno tražimo šta je to konkretno urađeno od strane Termoelektrane koji su to napori i nastojanja da se ekološki aspekt rada termopostrojenja unaprijedi. Takođe tražimo od Federalnog ministarstva okoliša i turizma da isto tako šta je konkretno, koje su to konkretno mjere poduzete da bi se smanjio da bi se problem aerozagađenja dakle smanjio u gradu Tuzla. Isto tako znači pitanje i za Ministarstvo okoline Tuzlanskog kantona.

Dakle, još jedanput podcrtavam, šta je to konkretno urađeno na cilju smanjenja aerozagađenja u gradu Tuzla? Hvala.

ALEKSANDAR VUJADINOVIĆ

U redu. Hvala lijepo. Da li se još neko javlja za riječ. Mirnes Ajanović, BOSS. Izvolite.

MIRNES AJANOVIĆ

Za glavni grad Jugoslavije govorili su u Evropskoj uniji zvaničnici da je lijep Beograd. Ali da je šteta što je blizu Tuzle.

A zbog upozorenja na razmjere opasnosti i životnu ugroženost građana ne samo Tuzle nego šireg regiona zbog neobezbjeđenog i nesanimiranog smrtonosnog otpada na području bivšeg HAK-a.

Mi to imamo u zaključcima od 23. 1. i dobili smo evo u materijalu kojeg smo, u okviru ove tačke dobili tu informaciju Kantonalne uprave za inspeksijske poslove.

Mi smo više puta upravo govorili o problemu HAK-a, da nije rješavan ni od opštinski, kantonalnih, ni federalnih, ni državnih organa. Brojne inicijative BOSS je podnio i tražio na brojnim sjednicama Gradskog vijeća upozoravajući na stanje u kojem se nalazi grad Tuzla za saniranje kontaminiranog zemljišta, izmiještanje opasnog kruksa, hlora, žive koji se nalaze u buradima koji su neobezbijeđeni, istruhli, da postoji ogromna ekološka opasnost i ugrožavanje života građana.

To dokazuje i ova informacija koju smo dobili od 28. 3. 2018. od Kantonalne uprave za inspeksijske poslove.

I oni su se pozvali na 15. redovnu sjednicu održanu 23. 1. 2018 kada sam takođe upozoravao govoreći detaljnije obrazložio koliko je opasan kruks za kojeg i ne znaju građani dovoljno. Živi hlor već znamo, zamo da je u Tuzli bilo i bježanja iz grada prema Majevidi kada je, puko HAK, kako kažu. Došlo do gotovo beznačajnog curenja hlora prilikom pretakanja iz kamiona u postrojenje, a došlo je do ogromne panike.

A ovdje evo definisano je da su inspektori utvrdili da se u krugu HAK-a sada nalazi 12 rezervoara po 30 m³ pa piše koji su služili za smještaj hlora. Niko nije ni zavirio šta je unutra.

Je li unutra i dalje imaju puni rezervoari hlora i da nisu, sasvim je dovoljno da imaju ostaci. Da u prostoru Elektrolize nalaze se nezbrinuti otpad žive u 120 buradi zapremine po 60 litara.

Živa u kanalicama se nalazi iz tog objekta što predstavlja opasnost i štetu po život i zdravlje ljudi, kao i privrede. To navodi upozorenje. I ovo aerozagađenje je vrlo opasno aerozagađenje ovo uzrokuje definitivno veliki broj karcerogenih oboljenja koje imamo povećano u Tuzli i u ovoj regiji.

U ovom izvještaju na stranama 5. i 7. čak su dobili informacije, pa su inspektori reagovali, jer su mašinama vršili iskopavanje bačvi radi prodaje kruksa. Ljudi misle da je to posipni materijal za puteve i lići na to.

Vrlo je karcergen i vrlo ekstremno pravi prainu koja dolazi do grada Tuzle. Evo inspektori su reagovali.

Onda dobili su odgovor federalne inspekcije da nemaju podataka o vrsti i količini odloženog otpada. Evo imaju i podaci Inspekcije i to 2015. godine.

Evo to je bilo čak 2. 4. 2015. smo dobili informaciju gdje je inspekcija, izvršena inspekcija Kantonalne uprave za inspeksijske poslove gdje su ovo utvrdili.

Kažu da nisu ovlašteni, niti bilo ko za rješavanje ovog problema. Da su pokušali kao više puta i razgovarati sa JKP Komunalac eto ispade Komunalac kriv jer se pozivaju na nekakve odredbe, ako ne postoji vlasnik prema članu 8. Pravilnika o postupanju sa otpadom koji se ne nalazi na listi opasnog otpada ili čiji je sadržaj nepoznat, pa se poziva na Službene novine Federacije BiH broj 9/05. kažu član 8. troškove zbrinjavanja otpada snosi vlasnik otpada, koji sad ne postoji, a ukoliko vlasnik nije poznat potrebna sredstva za zbrinjavanje otpada obezbijedit će se iz opštinskog ili kantonalnog budžeta.

Pokušavaju dakle prebaciti na nas teret. Pa i da pokušavaju, očito da smo mi obavezni i nadležni za to.

Onda su slali nekakve dopise da se organizuje sastanak pa nikad sastanak nije organizovan sa ministarstvima, MUP-om, našom Službom za komunalne poslove na što kaže nismo dobili odgovor niti je sastanak organizovan.

Dakle, jedan od zaključaka, hitno organizovati sastanak i Službe za komunalne poslove, JKP Komunalac, predstavnika MUP-a TK, Ministarstva prostornog uređenja i zaštite okolice TK. Svih ostalih nadležnih, federalnog Ministarstva, državnih ministarstava kada se sad formiraju, da se napravi sastanak, da se nađu rješenja i ovdje stoji informacija, kažu, da za stare deponije koje su zatvorene prije posljednjeg rata, nema propisane procedure kako postupati sa istima, dok za deponije koje se sada zatvaraju, ili će uskoro se zatvoriti postoji Uredba o finansijskim i drugim garancijama.

Zaključak da se donese uredba ili proširi o finansijskim i drugim garancijama za pokrivanje troškova rizika od mogućih šteta sanacije i postupka, nakon zatvaranja deponija, da u toj uredbi bude definisano i saniranje starih deponija od prije ili tokom rata koje su nastale.

Dakle, koje ne tretira ova uredba, kako bi na ovaj način zaštitili građane Tuzle od izrazito teške ekološke bombe ili čak smrtonosnog otpada koji se nalazi vrlo blizu Tuzle, čak bliže nego što je Termoelektrana. Hvala.

ALEKSANDAR VUJADINOVIĆ

U redu. Hvala lijepo. Omer Delalić SBB. Izvolite.

OMER DELALIĆ

Hvala. Ja sada se javljam kao vijećnik. Kao roditelj dva tinejđera izuzetno sam osjetljiv na ovu temu aerozagađenja.

Prošle godine me je moja djevojčica od 11 godina pitala, šta ovo smrdi, ja ne mogu da dišem? Tada sam osjetio najveću nemoć i najveći poraz u svom životu.

Ja ne želim sutra, kada me moje dijete bude pitalo, šta si radio povodom rješavanja aerozagađenja u gradu Tuzla da kažem, ja sam donosio zaključke.

Ne želim to da bude. Želim da mi ispred Vijeća krenemo u rješavanje onih problema koje mi možemo riješiti.

Mogu da pohvalim sve nas vijećnike da smo dali izuzetan doprinos u donošenju zaključaka i pokušaju da riješimo to aerozagađenje i mi kao gradski vijećnici moramo najviše da dajemo doprinos u onom rješavanju problema koje su naše nadležnosti.

Mi smo, donosimo planove, prostorne planove, evo donijeli smo prostorne planove za izletiše Ilinića.

Dokle smo došli sa realizacijom tog Prostornog plana? Građani Tuzle nemaju gdje da pobjegnu od ovog aerozagađenja. To bi bilo jedno veoma dobro rješenje da ljudi sa djecom mogu otići makar malo da udahnu čistog zraka.

Mi možemo da se obratimo i višim institucijama i organima, pogotovo da se promijeni zakonski okvir, to naši pravnici vjerovatno bolje znaju da se promijene zakoni pogotovo kod inspekcija. Da inspektor dobije ovlaštenja da kažnjavaju nesavjesne aerozagađivače.

Znači to bi bilo jedan od zaključaka koji bi mogli ići prema višim institucijama. Ne bi više hvala.

ALEKSANDAR VUJADINOVIĆ

U redu. Hvala lijepo. Da li se još neko javlja od vijećnika za diskusiju? Ukoliko ne, zatvaram raspravu vijećnika. Kako sam već naveo ovdje je sa nama u sali je i gospođa Okanović Amira predstavnik Termoelektrane. Ima li potrebe da vam da neka objašnjenja? OK. Izvolite. Ja vas molim da dođete evo ovdje za govornicu pa da nam se obratite. Znači predstavnik Termoelektrane gospođa Amira Okanović. Samo uključite mikrofona.

AMIRA OKANOVIĆ – predstavnik Termoelektrana „Tuzla“

Dobar dan, pozdravljam sve prisutne i moram da vas informišem o nekim postavljenim pitanjima.

Vezano za plan aktivnosti koji je ministarstvo, kantonalno ministarstvo donijelo, mi ćemo Plan aktivnosti mijenjati čim u Zakonu, kantonalnom zakonu izađe izmjena, mi odmah mijenjamo naše uslove, uslove u smislu kad ćemo s kojim blokom izlaziti, koji ćemo ugaj koristiti. Znači, mi reagujemo po Planu aktivnosti. Čim nam Civilna zaštita kaže da smanjujemo i da izlazimo, mi tako i uradimo. To je za Plan aktivnosti.

Što se tiče navoda da mi ne odgovaramo na dopise, pitanja koja nam postavljate nisu tačni. (Nismo ni rekli tako.) (ALEKSANDAR VUJADINOVIĆ – Molim vas nemojte s mjesta. Pustite da kaže, ima neka replika.)

Mi odgovorimo na svaki dopis, na svako pitanje koje postavljate. Vezano za okolinske dozvole i studije koje su urađene. Studije su urađene od firmi koje su znači licencirane.

Te studije su pregledali stručnjaci koje je Federalno ministarstvo okoliša imenovalo za stručnjake koji mogu da pregledaju takve studije.

Dalje da kažem da su ti stručnjaci rekli, koji imaju licencu, znači pregledali su taj materijal rekli da su te studije dobro urađene.

Međutim, bez obzira na sve to Federalno ministarstvo okoliša je odbilo naš zahtjev za okolinsku dozvolu. Znači da je bilo dobre volje od strane federalnog ministarstva, u okolinskoj dozvoli, ako je neko čito se navedu mjere i uslovi pod kojima se izdaje okolinska dozvola.

Znači nije trebalo proći dvije godine od izdavanja, odnosno od odbacivanja zahtjeva za odsumporavanje blokova 5 i 6. Znači, Federalno ministarstvo je moglo reći ako je Stručni tim prihvatio materijale moglo je reći studiju izdajemo pod tim i tim uslovima da se ispoštuje. Da se krene sa izgradnjom i da se ispoštuje.

Što se tiče toga da su studije odbačene. kad inspekcija dođe, ako je studija odbačena i ministarstvo, Federalno ministarstvo okoliša naloži nama da ponovo pokrenemo zahtjev za okolinsku dozvolu, mi smo dužni, u roku koje je propisalo Ministarstvo, da pokrenemo novi zahtjev za okolinsku dozvolu i angažujemo novu firmu da uradi novi materijal. Razumijete?

Jer nas što smo pokrenuli upravni spor ne oslobađa, ne oslobađa nas naredbe Ministarstva šta da radimo. To je to što sam htjela. Je li ima još neko?

ALEKSANDAR VUJADINOVIĆ

U redu. Hvala lijepo. Evo ima vijećnika koji žele da postave pitanja, molim vas samo da se lijepo ophodite prema našem gostu, naravno. Alen Kapidžić, SDP. Izvolite.

ALEN KAPIDŽIĆ

Hoću prvo da se zahvalim predstavnici Termoelektrane zato što je došla na ovu sjednicu Gradskog vijeća. Samo ću reći da me pogrešno shvatila. Znači, nisam ja rekao da ne odgovaraju nikako, ja sam rekao vrlo rijetko, znači, ne nikako. Ako sam dobro shvatio znači ovaj upravni spor ne ograničava da se pokrene novi zahtjev za izradu studije je li tako?

Znači vi ćete ići sa drugom studijom. (ALEKSANDAR VUJADINOVIĆ – Izvinjavam se.)
To sam samo htjeo.

ALEKSANDAR VUJADINOVIĆ

Gospođo Okanović, ako vam nije teško samo da stanete ovdje.

AMIRA OKANOVIĆ

Da odgovorim na ovo pitanje znači mi smo za okolinsku dozvolu deponije Divkovići pokrenuli upravni spor i inspekcija je došla i naložila nam da pokrenemo novi zahtjev u roku od 60 dana. Mi smo znači angažovali novu firmu, opet sa liste koja radi, prerađuje tu dokumentaciju.

Mi ćemo izvršiti sve u tom roku datom. Mi ćemo pokrenuti ponovo zahtjev za okolinsku dozvolu.

To će se isto raditi i za odsumporavanje. Hvala.

ALEKSANDAR VUJADINOVIĆ

U redu. Mirnes Ajanović, BOSS. Izvolite.

MIRNES AJANOVIĆ

Primjedba predsjedavajućem da lijepo postupamo, zato što mi to inače radimo. To je naša praksa i način djelovanja, (ALEKSANDAR VUJADINOVIĆ – U redu.) samo prema lošim ljudima

znamo nekad bit onako opet mi profesionalni ali to se njima ne sviđa, šta ćemo. A ovdje se ne radi o takvim osobama.

Hvala naravno na dolasku, dostavljanju dopisa. Ovim informacijama koje nas ipak malo zabrinjavaju. Ja evo nisam čak niti htio namjerno da pomenem Termoelektranu, govorio sam o onome što mi trebamo da radimo. Nisam u svom isticanju bilo, evo ni jednom rječju naveo Termoelektranu. Namjerno je bilo.

Da bi sada u okviru ovoga mogao tražiti da zaključkom mi obavežemo Termoelektranu na izradi nove studije. Ovo što oni pričaju da će možda uraditi i će za 60 dana da su im dali nalog, a šta se čekalo po ovoj informaciji koju smo dobili, od kako se kaže, nije usvojeno od javne rasprave od 29. 9. 2016. godine do danas.

Predugo je od devetog mjeseca 2016. čekati sad do 18-te. Vi znate šta znači podnošenje tužbe u upravnom spora. To ne znači ništa. Pravosnažno je bilo rješenje drugostepenog organa Ministarstva i u tom periodu, dakle vi ste morali ići na izradu nove studije za izgradnju sistema za odsumporavanje dimnih plinova.

Živite i vi u ovom gradu, kao i svi mi i svima nama je stalo da se zaštiti zdravlje građana. Svako može oboliti od vrlo teške bolesti koja je neizlečiva ili sa teškim posljedicama vrlo lošeg života građana.

Vas je obavezivalo stanje gdje ste imali završenu stvar, pravosnažnim rješenjem. Svi mi znamo da sudska praksa pokazuje da se nešto kao čeka šta će biti po odluci suda po tužbi podnesenoj po osnovu upravnog spora.

Ali ovdje praksa rezultira ugrožavanje zdravlja, pa možda i života građana Tuzle, pa i samih stanovnika Tuzle koji rade u Termoelektrani. Vjerujem i direktora. Samo iz tog razloga trebala je biti značajnija pažnja vas, u ovakvom stanju, studija je pala. Vi sad, evo trošite vrijeme, na to da je ona bila dobra. Da je studija bila OK. Dali su svi pozitivno mišljenje, da su određene vladine organizacije oborile studiju, ali šta ćemo. Malo je modifikujte, dotjerajte, razgovarajte, pozovite nevladine organizacije. Ja sam siguran da u razgovoru sa njima, kada obavite te razgovore možete doći do zajedničkih rješenja. Ako ih ignorišete. Sam sam bio prisutan jednom prilikom ispred Termoelektrane u protestima sa ovim nevladinim organizacijama, niko nas nije htjeo primiti.

Ja sam se samo pridružio, nisam organizovao, ali niko nije organizatore želio da primi, čak niti da daju faktički struju da uključe razglas, nego smo nabavili razglas na aprat koji radi na benzin umjesto na, jeste, agregat smo uzeli.

Dakle, postoji očito taj problem gdje vi nekad zbog sujete, jer vam neko dođe pa trubi ispod ispred preduzeća nećete da razgovarate sa tim ljudima, a obavljanje razgovora sa njima će sigurno rezultirati da će oni, vjerovatno, prihvatiti vaša obrazloženja koja, ako imaju osnova mogu se prihvatiti, ili s vaše strane da vi prihvatite ono što oni smatraju da su prikupili, izborili se, došli do informacije putem raznih stručnjaka, nebitno pogrešnih ili osnovanih, ali razgovarajte sa njima.

Dakle, ova obaveza, zaključak da se izradi studija, da sa svim ovim predstavnicima tog nevladinog sektora koje niste naveli koji su, obavite razgovore kako bi ta nova studija bila što prije završena i kako bi imali te uređaje za odsumporavanje koji bi sigurno pomogli iu ljetnom periodu. Ja sam rekao u ljetnom periodu nema toliko uticaja na gradTuzlu zato što ide u više zone ta, eto ti dimni prinovi ili već šta je (Čestice.) koji se primjete tek kad se popnete malo više, ali sada oni dodatno zagađuju grad, pored ovih individualnih ložišta.

I eto hvala što ste došli. Pozdravite direktora, generalnog direktora Elektroprivrede, svakako i eto u ime nas, u ime svih vas koji živite u gradu Tuzla dajte da ovo uradimo što prije na ovakav način kako sam predložio. Hvala.

ALEKSANDAR VUJADINOVIĆ

U redu. Hvala lijepo. Elvir Bijedić, SDP.

ELVIR BIJEDIĆ

Pozdravljam vas i ja u svoje lično ime. Ako sam dobro razumio vi ste postavili jedno pitanje u toku samog izlaganja zbog čega je Ministarstvo čekalo dvije godine. Zašto nije odmah reagovalo je li tako. Mislim to sada otvara niz sumnji nama ovdje, evo meni konkretno, pazite, da li to znači da smo mi praktički bili taoci dvije godine, čega, ja ne bi da insinuiram. Zna li vi možda koji su to razlozi zbog čega se odmah nije reagovalo? Dakle, ne morate odgovoriti ali puno bi nam značilo. Evo, toliko, hvala.

AMIRA OKANOVIĆ

Vjerujte i meni kao građaninu i čovjeku koji živi i radi ovdje i meni je to neshvatljivo zašto se toliko čekalo i zašto se odmah nije, zašto se svaki put znate ta studija, kad traže dopunu, mi dopunimo, odnosno obrađivač studije dopuni, oni ponovo stave na veb i opet imamo neke primjedbe.

Međutim, zakonom koji je, kako je propisano dobijanje okolinske dozvole kaže se da se to stavi 30 dana, u tih 30 dana da se izjasne nevladine organizacije i javnost. To odugovlačenje vjerujte, meni lično, ja ne znam za Elektroprivredu, ali ja mislim da je to stvarno nerealno.

Jer i nama to mijenja planove znači i plan poslovanja, ne možemo planirati ni sredstva.

ALEKSANDAR VUJADINOVIĆ

Dobro. Hvala lijepo gospođo Okanović. Hvala na dolasku i obrazloženjima koje ste dali. Ukoliko nema znači dalji vijećnika za neku diskusiju, onda konstatujem da je Gradsko vijeće primilo k znanju DOPUNU INFORMACIJE O REALIZACIJI ZAKLJUČAKA GRADSKOG VIJEĆA TUZLA SA TEMATSKOG DIJELA 15. REDOVNE SJEDNICE OD 23. 01. 2018. GODINE - PROBLEMATIKA AEROZAGAĐENJA NA PODRUČJU GRADA TUZLE, pa pozivam sekretara Gradskog vijeća da pročita zaključke koji su proistekli iz rasprave.

SLAĐANA KRAJINA – sekretar Gradskog vijeća Tuzla

1. Gradsko vijeće Tuzla traži da sastavni dio naredne informacije bude i informacija o realizaciji projekata izgradnje i održavanja sportskih terena, koliko je uloženo sredstava po tim projektima te koliko je od tih sredstava uložio Grad Tuzla.

2. Gradsko vijeće Tuzla traži da zaključci Gradskog vijeća Tuzla koji se odnose na aerozagađenje kao i informacije o realizaciji usvojenih zaključaka Gradskog vijeća Tuzla, dostavljene od strane resornih službi budu objavljeni na zvaničnoj stranici Grada Tuzla kako bi građani bili upoznati o tome šta je učinjeno u cilju smanjenja aerozagađenja na području grada Tuzla.

3. Gradsko vijeće Tuzla smatra da nisu dovoljna sredstva koja se dobijaju po osnovu Zakona o izdvajanju i usmjeravanju dijela prihoda preduzeća ostvarenih radom termoelektrana te traži da se

razmotri mogućnost dobijanja kreditnih sredstava za toplifikaciju, posebno u onim dijelovima grada odnosno naseljima koja imaju veći broj individualnih ložišta.

4. Gradsko vijeće Tuzla traži hitnu realizaciju zaključaka sa sjednice Gradskog vijeća Tuzla na kojoj je vođena rasprava o problematici aerozagađenja na području grada Tuzla, održane 23. januara 2018. godine, naročito kada su u pitanju zaključci koji se odnose na Termoelektranu Tuzla.

5. Gradsko vijeće Tuzla traži da se za januarsku sjednicu Gradskog vijeća dostavi informacija o mogućnostima direktne pomoći građanima za nabavku adekvatnih goriva odnosno alternativnih energenata.

6. Gradsko vijeće Tuzla smatra potrebnim obavezivanje povjerenika u mjesnim zajednicama da vrše neku vrstu kontrole dima iz individualnih ložišta kako bi utvrdili ko loži neadekvatno gorivo, da razgovaraju sa građanima koji lože neadekvatna goriva u cilju pomoći da dobiju adekvatnije gorivo.

7. Gradsko vijeće Tuzla sugeriše da se razmotri mogućnost uvođenja posebne stavke u budžetu Grada Tuzla za interventno djelovanje u cilju obezbjeđenja adekvatnog goriva.

8. Gradsko vijeće Tuzla traži od JP Ceste Federacije BiH da se što prije pokuša iznaći mogućnost rješavanja saobraćajnih i ekoloških problema, kada je u pitanju južna saobraćajnica.

9. Gradsko vijeće Tuzla sugeriše da se u narednom periodu razmotri mogućnost da Grad Tuzla subvencionira nabavku ekološki prihvatljivih peći koje će manje zagađivati okolinu.

10. Gradsko vijeće Tuzla će zatražiti informaciju o realizaciji zakonski odredbi koje su se odnosile na obavezu vlasnika svih objekata površine preko 200 m² priključenje i eventualne sankcije za nepriključenje na sistem daljinskog grijanja.

11. Gradsko vijeće Tuzla smatra neophodnim okončavanje projekta odsumporavanja u Termoelektrani „Tuzla“.

12. Gradsko vijeće Tuzla traži od Termoelektrane Tuzla kao i od Federalnog ministarstva okoliša informaciju šta je konkretno urađeno od strane Termoelektrane Tuzla kao i od resornog ministarstva da se ekološki spektar unaprijedi i koje su mjere poduzete u cilju smanjenja aerozagađenja na području grada Tuzla.

13. Gradsko vijeće Tuzla smatra da je potrebno hitno organizovati sastanak Službe za komunalne poslove, izgradnju i poslove mjesnih zajednica, Javnog komunalnog preduzeća Komunalac Tuzla, Ministarstva unutrašnjih poslova Tuzlanskog kantona, Ministarstva prostornog uređenja i zaštite okoliša Tuzlanskog kantona na kojem će se pokrenuti aktivnosti na donošenju uredbe koja će regulisati saniranje starih deponija, kako bi građane zaštitili od eventualne ekološke bombe, kakvu, na primjer, predstavlja rasuti otpad zvani crux.

14. Gradsko vijeće Tuzla smatra da svi organi i institucije u čijoj je nadležnosti ovo pitanje i koji mogu doprinjeti rješavanju problema aerozagađenja trebaju poduzeti sve potrebne mjere i aktivnosti kako ovi prijedlozi ne bi ostali samo u formi zaključaka.

15. Gradsko vijeće Tuzla smatra da je Termoelektrana Tuzla morala, u kontaktu sa nevladinim organizacijama, a imajući u vidu postojanje pravosnažne presude, pokrenuti aktivnosti na izradi nove studije a ne čekati okončanje pokrenutog upravnog spora.

ALEKSANDAR VUJADINOVIĆ

Izvolite. Mirnese.

MIRNES AJANOVIĆ

Ovo pravosnažne presude, pravosnažne odluke jer je Ministarstvo u pitanju bilo. A ovdje gdje kažete, rasutog kruxa, dodati hlora i žive na području bivšeg HAK-a, da se zna šta je.

SLAĐANA KRAJINA – sekretar Gradskog vijeća Tuzla

Kakvu, na primjer, predstavlja rasuti otpad zvani crux, hlor i živa na području bivšeg HAK-a.

ALEKSANDAR VUJADINOVIĆ

U redu. Elvir Kasumović. Izvolite.

ELVIR KASUMOVIĆ – vijećnik Saveza za bolju budućnost

Mada se bitno ne tiče konkretno ove teme, ali evo prilozima koji su dostavljeni u ovoj informaciji su dosta nejasni.

Znači da nam se od sad, ako može u sklopu ovoga, da se stavi zaključak da se od sad materijal koji dolazi kao prilozima da se stavi u jasnom formatu prema nama vijećnicima.

Ovo ovako što ja ovde, dosta toga, 90% ne mogu da pročitam, evo pogledajte. Ovdje ništa nije jasno zato sam rekao onaj ko je želio da nas zbuni uspio je u svemu tome.

ALEKSANDAR VUJADINOVIĆ

Dobro. Dobro u redu, tehničke stvari, skrenut ćemo pažnju. U redu. Eto čuli smo prijedloge zaključaka, pozivam vijećnike ukoliko nema sugestija za izmjenu ili dopunu zaključaka da se izjasne o pročitanim zaključcima, pa molim da pristupe elektronskom glasanju.

Glasanje je okončano. Konstatujem da su pročitani zaključci usvojeni jednoglasno sa 26 glasova za, bez glasova protiv i bez suzdržanih glasova:

1. Gradsko vijeće Tuzla traži da sastavni dio naredne informacije bude i informacija o realizaciji projekata izgradnje i održavanja sportskih terena, koliko je uloženo sredstava po tim projektima te koliko je od tih sredstava uložio Grad Tuzla.

2. Gradsko vijeće Tuzla traži da zaključci Gradskog vijeća Tuzla koji se odnose na aerozagađenje kao i informacije o realizaciji usvojenih zaključaka Gradskog vijeća Tuzla, dostavljene od strane resornih službi budu objavljeni na zvaničnoj stranici Grada Tuzla kako bi građani bili upoznati o tome šta je učinjeno u cilju smanjenja aerozagađenja na području grada Tuzla.

3. Gradsko vijeće Tuzla smatra da nisu dovoljna sredstva koja se dobijaju po osnovu Zakona o izdvajanju i usmjeravanju dijela prihoda preduzeća ostvarenih radom termoelektrana te traži da se razmotri mogućnost dobijanja kreditnih sredstava za toplifikaciju, posebno u onim dijelovima grada odnosno naseljima koja imaju veći broj individualnih ložišta.

4. Gradsko vijeće Tuzla traži hitnu realizaciju zaključaka sa sjednice Gradskog vijeća Tuzla na kojoj je vođena rasprava o problematici aerozagađenja na području grada Tuzla, održane 23. 01. 2018. godine, naročito kada su u pitanju zaključci koji se odnose na Termoelektranu Tuzla.

5. Gradsko vijeće Tuzla traži da se za januarsku sjednicu Gradskog vijeća dostavi informacija o mogućnostima direktne pomoći građanima za nabavku adekvatnih goriva odnosno alternativnih energenata.

6. Gradsko vijeće Tuzla smatra potrebnim obavezivanje povjerenika u mjesnim zajednicama da vrše neku vrstu kontrole dima iz individualanih ložišta kako bi utvrdili ko loži neadekvatno gorivo, da razgovaraju sa građanima koji lože neadekvatna goriva u cilju pomoći da dobiju adekvatnije gorivo.

7. Gradsko vijeće Tuzla sugerise da se razmotri mogućnost uvođenja posebne stavke u budžetu Grada Tuzla za interventno djelovanje u cilju obezbjeđenja adekvatnog goriva.

8. Gradsko vijeće Tuzla traži od JP Ceste Federacije BiH da se što prije pokuša iznaći mogućnost rješavanja saobraćajnih i ekoloških problema, kada je u pitanju južna saobraćajnica.

9. Gradsko vijeće Tuzla sugerise da se u narednom periodu razmotri mogućnost da Grad Tuzla subvencionira nabavku ekološki prihvatljivih peći koje će manje zagađivati okolinu.

10. Gradsko vijeće Tuzla traži informaciju o realizaciji inicijative Vlade Tuzlanskog kantona koja se odnosila na obavezu vlasnika svih objekata površine preko 200 m², priključenje i eventualne sankcije za nepriključenje na sistem daljinskog grijanja.

11. Gradsko vijeće Tuzla smatra neophodnim okončavanje projekta odsumporavanja u Termoelektrana „Tuzla“.

12. Gradsko vijeće Tuzla traži od Termoelektrane Tuzla kao i od Federalnog ministarstva okoliša i turizma informaciju šta je konkretno urađeno od strane Termoelektrane Tuzla kao i od resornog ministarstva da se ekološki spektar unaprijedi i koje su mjere poduzete u cilju smanjenja aerozagađenja na području grada Tuzla.

13. Gradsko vijeće Tuzla smatra da je potrebno hitno organizovati sastanak Službe za komunalne poslove, izgradnju i poslove mjesnih zajednica, JKP Komunalac Tuzla, MUP-a TK, Ministarstva prostornog uređenja i zaštite okolice TK na kojem će se pokrenuti aktivnosti na donošenju uredbe koja će regulisati saniranje starih deponija, kako bi građane zaštitili od eventualne ekološke bombe, kakvu, na primjer, predstavlja rasuti otpad zvani “CRUX”, hlór i živa na području bivšeg HAK-a.

14. Gradsko vijeće Tuzla smatra da svi organi i institucije u čijoj je nadležnosti ovo pitanje i koji mogu doprinjeti rješavanju problema aerozagađenja trebaju poduzeti sve potrebne mjere i aktivnosti kako ovi prijedlozi ne bi ostali samo u formi zaključaka.

15. Gradsko vijeće Tuzla smatra da je Termoelektrana Tuzla morala, u kontaktu sa nevladinim organizacijama, imajući u vidu postojanje pravosnažne odluke, pokrenuti aktivnosti na izradi nove studije, a ne čekati okončanje pokrenutog upravnog spora.

Prelazimo na treću tačku Dnevnog reda:

IZVJEŠTAJ O IZVRŠENJU BUDŽETA GRADA TUZLE ZA PERIOD 01. 01. DO 30. 09. 2018. GODINE

Predlađač je gradonačelnik Grada Tuzle.

Obrazloženje Služba za budžet i finansije.

Materijal su razmatrali Komisija za ekonomske odnose, Komisija za prostorno uređenje i zaštitu okoline, Komisija za poduzetništvo, Komisija za komunalne poslove, izgradnju i poslove mjesnih zajednica i klubovi vijećnika

Ima li potrebe da predlađač ili obrađivač materijala daju obrazloženja? Nema.

Ima li potrebe da se pročitaju izvještaji komisija? Nema. Otvaram raspravu klubova vijećnika. Da li se neko javlja za riječ? Mirnes Ajanović, BOSS.

MIRNES AJANOVIĆ

Ma ovo je zakonska obaveza gradonačelnika da Vijeće izvještava o periodičnom utrošku ili punjenju budžeta, tako da faktički ovdje rasprava se može odnositi samo na ono što smo mi govorili u okviru prijedloga budžeta, pa i na kraju kada smo raspravljali o izvršenju Budžeta za proteklu godinu i ovdje nema više svrhe o tome govoriti nego je ovo forma koja mora biti dostavljena vijećnicima na znanje. Toliko.

ALEKSANDAR VUJADINOVIĆ

U redu. Da li se još neko ispred klubova javlja? Ukoliko ne, zaključujem raspravu klubova vijećnika.

Otvaram raspravu vijećnika. Da li se neko javlja za riječ? Ne javlja.

Onda znači zaključujem raspravu vijećnika. I sada stavljam na izjašnjavanje **IZVJEŠTAJ O IZVRŠENJU BUDŽETA GRADA TUZLE ZA PERIOD 01. 01. DO 30. 09. 2018. GODINE** i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je **IZVJEŠTAJ O IZVRŠENJU BUDŽETA GRADA TUZLE ZA PERIOD 01. 01. DO 30. 09. 2018. GODINE** usvojen jednoglasno sa 22 glasa za, bez glasova protiv i bez suzdržanih glasova.

Prelazimo na četvrtu tačku Dnevnog reda:

ODLUKA O IZMJENAMA ODLUKE O JAVNIM PRIZNANJIMA TUZLE

Predlagač je Komisija za odlikovanja i priznanja.

Obrađivač je Stručna služba Gradskog vijeća.

Materijal su razmatrali Komisija za statutarna pitanja i propise i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivač daju uvodno izlaganje? Nema.

Pitam da li ima potrebe da se pročitaju izvještaji komisija? Nema.

Otvaram raspravu klubova vijećnika. Mirnes Ajanović, BOSS. Izvolite.

MIRNES AJANOVIĆ

Mi smo već raspravljali na Kolegiju o ovoj odluci, dakle kada smo inicirali kao zajedničko tijelo ovoga Vijeća, analizirajući stanje gdje smo imali odluku gdje se može samo donijeti jedna povelja u toku jedne godine, onda sad dolazimo u određene jubileje, recimo 100 godina društva, Sportskog društva Sloboda i automatski sama ta okolnost, po automatizmu obezbjeđuje davanje Povelje Grada Tuzla što isključuje druga lica koja bi, takođe u toku te godine, mogli imati osnov da dobiju ovakvo tuzlansko priznanje.

Iz ovog razloga smo definisali da se mogu u toku jedne kalendarske godine dodijeliti najviše dvije povelje Grada Tuzla od čega najviše jedna Povelja Grada fizičkim licima i najviše jedna Povelja Grada pravnim licima.

Time smo omogućili da jubilej ne bude ograničavajući faktor da neko ne može dobiti ko je zaslužio Povelju Grada Tuzla, a inače, da građani znaju nekada je prije bilo, kada smo obilježavali značajne datume po 50 ljudi tamo na bini koji su dobijali razna priznanja, povelje, što je to sve devalviralo takvom vrstom priznanja i onda smo to ograničili upravo na način da povelja može biti samo jedna godišnje, pet plaketa tuzlanski i ostalo još dio tuzlanski lenti, ali evo ovim ovakvim okolnostima i značajni jubileji Grada Tuzla ili jubileji koji su značajni, pogotovo antifašistički neće biti prepreka i drugim pravnim ili fizičkim licima da mogu dobiti ovakvu vrstu priznanja u toku jedne godine. Toliko. Hvala.

ALEKSANDAR VUJADINOVIĆ

U redu. Hvala. Rejhana Dervišević, Klub SDP-a. Izvolite.

REJHANA DERVIŠEVIĆ

Hvala. Upravo je vijećnik Ajanović rekao ono što sam ja, kao član Komisije, takođe htjela da pojasnim o čemu se radi, o kojim izmjenama i da dodam da će se u cijelom tekstu odluke naravno izvršiti terminološke prilagodbe Općina – Grad itd. i da će Statutarna komisija donijeti prečišćen tekst odluke. Hvala najljepša.

ALEKSANDAR VUJADINOVIĆ

Hvala lijepo. Da li se još neko ispred klubova javlja za diskusiju? Ukoliko ne, zaključujem raspravu klubova vijećnika. Otvaram raspravu vijećnika. Niko se ne javlja za riječ. Onda znači zaključujem raspravu vijećnika.

Pa stavljam na izjanzavanje ODLUKU O IZMJENAMA ODLUKE O JAVNIM PRIZNANJIMA TUZLE i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je ODLUKA O IZMJENAMA ODLUKE O JAVNIM PRIZNANJIMA TUZLE usvojena sa 22 glasa za, bez glasova protiv i bez suzdržanih glasova.

Prelazimo na petu tačku Dnevnog reda:

ODLUKA O RASPISIVANJU JAVNOG OGLASA ZA IMENOVANJE ČLANA GRADSKO IZBORNE KOMISIJE TUZLA (s tekstom javnog oglasa)

Obrađivač je Stručna služba Gradskog vijeća.

Materijal su razmatrali Komisija za statutarna pitanja i propise, Komisija za izbor i imenovanja i klubovi vijećnika.

Ima li potrebe da, u skladu sa članom 68. Poslovnika Gradskog vijeća obrađivač ili predlagač materijala daju uvodno izlaganje?

Da se pročitaju izvještaji komisija ima li potrebe? Ukoliko nema otvaram raspravu klubova vijećnika. S obzirom da se niko ne javlja za riječ zatvaram raspravu klubova vijećnika. Otvaram raspravu vijećnika. Niko se ne javlja za riječ. Zatvaram raspravu vijećnika.

I stavljam na izjašnjavanje odluku o raspisivanju javnog oglasa za imenovanje člana gradske izborne komisije Tuzla (sa tekstom Javnog oglasa) i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je ODLUKA O RASPISIVANJU JAVNOG OGLASA ZA IMENOVANJE ČLANA GRADSKE IZBORNE KOMISIJE TUZLA (sa tekstom Javnog oglasa) jednoglasno usvojena, 21 vijećnik je glasao za, nije bilo glasova protiv i nije bilo suzdržanih glasova.

Prelazimo na šestu tačku Dnevnog reda:

RJEŠENJE O RAZRJEŠENJU ZAMJENSKOG ČLANA GRADSKE IZBORNE KOMISIJE TUZLA

Predlagač je gradonačelnik Grada Tuzle. Obrađivač Stručna služba Gradskog vijeća. Materijal su razmatrali: Komisija za statutarna pitanja i propise. Komisija za izbor i imenovanje i klubovi vijećnika. Ima li potrebe da se pročitaju uvodna izlaganja od strane obrađivača materijala? Nema. Pretpostavljam da nema ni za čitanje izvještaja komisija. Nema. Otvaram raspravu klubova vijećnika. Niko se ne javlja za riječ. Zatvorena je rasprava klubova vijećnika. Otvaram raspravu vijećnika. Niko se ne javlja za riječ. Zatvorena je rasprava vijećnika.

I stavljam na izjašnjavanje rješenje o razrješenju zamjenskog člana gradske izborne komisije Tuzla i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je završeno.

Konstatujem da je RJEŠENJE O RAZRJEŠENJU ZAMJENSKOG ČLANA GRADSKE IZBORNE KOMISIJE TUZLA usvojeno jednoglasno, 21 vijećnik je glasao za, nije bilo glasova protiv i nije bilo suzdržanih glasova.

Prelazimo na sedmu tačku Dnevnog reda:

a) ODLUKA O RASPISIVANJU JAVNOG OGLASA ZA IZBOR I IMENOVANJE ČLANA NADZORNOG ODBORA ISPRED DRŽAVNOG KAPITALA U JAVNOM PREDUZEĆU GRADSKA VETERINARSKA STANICA D.O.O. TUZLA (sa tekstom Javnog oglasa)

b) ODLUKE O KRITERIJIMA ZA IZBOR I IMENOVANJE ČLANA NADZORNOG ODBORA ISPRED DRŽAVNOG KAPITALA U JAVNOM PREDUZEĆU GRADSKA VETERINARSKA STANICA D.O.O. TUZLA

c) RJEŠENJA O IMENOVANJU KOMISIJE ZA IZBOR ČLANA NADZORNOG ODBORA JAVNOG PREDUZEĆA GRADSKA VETERINARSKA STANICA D.O.O. TUZLA, ČIJI JE OSNIVAČ GRAD TUZLA

Predlagač je gradonačelnik Grada Tuzle. Obrađivač je Služba za ekonomski razvoj i društvene djelatnosti. Materijal su razmatrali: Komisija za statutarna pitanja i propise. Komisija za ekonomske odnose. Komisija za poduzetništvo i klubovi vijećnika.

Ima li potrebe da se predlagač ili obrađivač materijala obrati i daju uvodno izlaganje? Ima li potrebe da se čitaju izvještaji komisija? Ukoliko nema otvaram raspravu Klubova vijećnika. Niko se ne javlja za riječ. Zatvaramo raspravu klubova vijećnika. Otvaramo raspravu vijećnika. Nema vijećnika koji bi diskutovali. Zatvaramo raspravu vijećnika.

Pa možemo staviti na izjašnjavanje samo trenutak. Da li se možemo? Možemo li se, možemo li se? (SLAĐANA KRAJINA – Stavite na izjašnjavanje predložene akte, a onda poslije pročitajte, kad konstatujete.) Dobro. Možemo li se o ovim odlukama znači i rješenju znači izjasniti u (MIREL MIŠKOVIĆ - Paketu.) paketu? Može. Dobro. Ništa. Onda molim vijećnike da se o ovome izjasne. O pročitanim odlukama i rješenju. Dobro. Glasanje je okončano.

Konstatujem da su pod a) ODLUKA O RASPISIVANJU JAVNOG OGLASA ZA IZBOR I IMENOVANJE ČLANA NADZORNOG ODBORA ISPRED DRŽAVNOG KAPITALA U JAVNOM PREDUZEĆU GRADSKA VETERINARSKA STANICA D.O.O. TUZLA (sa tekstom Javnog oglasa) zatim pod b) Samo malo molim vas.

ODLUKA O KRITERIJIMA ZA IZBOR I IMENOVANJE ČLANA NADZORNOG ODBORA ISPRED DRŽAVNOG KAPITALA U JAVNOM PREDUZEĆU GRADSKA VETERINARSKA STANICA D.O.O. TUZLA i pod

c) RJEŠENJE O IMENOVANJU KOMISIJE ZA IZBOR ČLANA NADZORNOG ODBORA JAVNOG PREDUZEĆA GRADSKA VETERINARSKA STANICA D.O.O. TUZLA, ČIJI JE OSNIVAČ GRAD TUZLA jednoglasno usvojeni, 21 vijećnik je glasao za, nije bilo glasova protiv i nije bilo suzdržanih glasova. Poslovnička Mensur Alić je najavio.

MENSUR ALIĆ

Tražimo pauzu od 15 minuta.

ALEKSANDAR VUJADINOVIĆ

U redu. Et s obzirom da smo prešli ove dijelove akata pauza od 15 minuta.

MIREL MIŠKOVIĆ – zamjenik predsjedavajućeg Gradskog vijeća Tuzla, vijećnik Tuzlanske alternative

Krećemo sa radom.

Prelazimo na osmu tačku Dnevnog reda:

NACRT ODLUKE O NAČINU I USLOVIMA PLAĆANJA NAKNADE ZA POGODNOST GRADSKOG GRAĐEVINSKOG ZEMLJIŠTA – RENTA

Predlagač je gradonačelnik Grada Tuzle. Obradivač su Služba za prostorno uređenje i zaštitu okoline i Služba za budžet i finansije. Materijal su razmatrali: Komisija za statutarna pitanja i propise. Komisija za ekonomske odnose. Komisija za prostorno uređenje i zaštitu okoline. Komisija za poduzetništvo i klubovi vijećnika.

Pitam prisutne da li ima potrebe da predlagač ili obrađivač daju uvodno izlaganje? Ima li potrebe da se pročitaju izvještaji komisija? Nema. Otvaram onda raspravu klubova vijećnika.

Za riječ se javlja Mensur Alić, Tuzlanska alternativa. Izvolite.

MENSUR ALIĆ

Pa evo na inicijativu poslodavaca prvi put se dogodilo da ide jedan, jedna odluka, ona je doduše u nacrtu da ide ka smanjenju nameta na poslodavce i naravno i na ostale koji grade na području Grada Tuzle. To je takozvana renta koji se evo prvi put dolazi da se ona može plaćati u ratama i ovo je za svaku pohvalu.

Drago mi je da je došlo do ovoga da se uvažavaju i poslodavci ovog grada. Na žalost evo mi nismo imali Udruženje poslodavaca Grada Tuzle dvadeset i nešto godina, ono je formirano prije par mjeseci i evo daje prve rezultate.

To znači da gradska uprava i poslodavci su počeli dobro sarađivati. Moje pohvale. Ona je u nacrtu i mislim da ne bi trebalo praviti nikakve posebne izmjene sve je rečeno ovdje. Zahvaljujem.

MIREL MIŠKOVIĆ

Zahvaljujem. Riječ dalje ima Mirnes Ajanović. Izvolite.

MIRNES AJANOVIĆ

Hvala predsjedavajući. Dobra odluka kako kaže kolega Mensur Alić. Vrlo korisna za poslodavce i nove koji će trebat da se privuku. Ovo će. Nisam bar primjetio da je to do sada urađeno na ovakav način neko drugi, nekakva, nekakav drugi predstavnički organ u Bosni i Hercegovini, ali svi mi znamo šta je renta.

Naknada za pogodnost korištenja građevinskog zemljišta i to je nešto što moramo platiti ili građani moraju platiti kada grade, dakle pravna i fizička lica svi kada rade građevinu ili vrše nešto drugo kakav drugi zahvat u prostoru.

Do sada građani nisu znali da ono što imaju ne mogu raditi kako oni hoće, nego moraju tražiti odobrenja, dozvole, ali i nakon toga plaćanje rente i to je stvaralo u dosta situacija problem.

Renta nije nešto naročito visoka, zavisno od objekta koji se gradi ili renovira ili, ili vrše drugi zahvati u prostoru objekta ali zna iznositi određena sredstva.

Imali smo situaciju gdje, evo recimo ljudi su čak i odustajali od gradnje zbog previsokih troškova rente.

Evo da prođemo kroz ovaj član 4. On je ovo što kaže Mensur Alić gdje je to izrazito pogodno za poslodavce. Izuzetno pod uslovima utvrđenim ovom odlukom investitorima se na njihov zahtjev može odobriti plaćanje rente na rate i do izdavanja odobrenja za upotrebu objekta, a najduže na period od tri godine počev od dana pravosnažnosti do odobrenja za građenje.

Do sada to nije bilo tako. Do sada se moralo uplatiti odmah sve i mnogi su odustajali sada ova situacija plaćanje na rate, dakle bez kamata grad ne zarađuje niti kamate omogućava poslodavcima da ne moraju uzimati kredit pa plaćati na njega previsoke kamate da bi mogli platiti troškove rente.

Mi ulazimo u nekakav način poslovanja kakav je normalan, uobičajan na zapadu. Tamo ljudi žive na te kreditne kartice. Niko ne živi faktički od plate nego od tih kartica i svi duguju još bar jednu platu, u, uđu već unaprijed u taj nekakav uslovno rečeno kreditni aranžman bez kamate i logika je da sve što se može platiti na rate a da nema kamate, logika je da svako bez obzira da li je to bio, bilo fizičko ili pravno lice da uzme na rate, jer sama okolnost da ne postoji kamata predstavlja apsurdnost plaćanja odjedanput u gotovini novca uopšte dakle.

Mi ovom odlukom imamo tu rješenje i u članu 5. Propisano da takođe u tački 2. da se može dakle investitoru dati odobrenje za građenje prije plaće na cjelokupnog iznosa rente, ako se uplati jedan dio, minimalno 50% obračunatog iznosa za ostatak obračunate rente zaključi ugovor o plaćanju rente na rate imaju dokazi i ono što je bitno u članu 7. praćenje realizacije zaključenih ugovora.

Dakle postoji obaveza Službe za budžet i finansije da prate da li se plaćaju rate, da provjeravaju ukoliko ne dođe do plaćanja dvije uzastopne ugovorne rate ili tri u toku jedne godine, računajući od dana zaključenja ugovora dostavlja se pisano upozorenje, naknadni rok se ostavlja, upozorenje na posljedice na, koje će nastupit u slučaju neizmirenja duga a onda i okolnosti eventualnog, naravno jednostranog raskidanja ugovora što pokazuje ozbiljnost same ove situacije da se ne desi da neko uzme nešto a onda ne počne ili ne, ne plaća uopšte ili plaća jedan dio, a ostatak ne plati.

Dobra odluka pomoći će poslodavcima. Mnoge će motivisati da mogu početi gradnju ili renoviranje objekata bez opterećavanja unaprijed plaćanja troškova rente. Toliko.

MIREL MIŠKOVIĆ

Dobro. Zahvaljujem. Ima li još neko ispred klubova vijećnika da se javlja za riječ? Ako nema zatvaram raspravu klubova vijećnika. Otvaram raspravu vijećnika. Ako se niko ne javlja za riječ zatvaram i raspravu vijećnika.

Sada stavljam na izjašnjavanje nacrt odluke o načinu i uslovima plaćanja naknade za pogodnost gradskog građevinskog zemljišta – renta i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je NACRT ODLUKE O NAČINU I USLOVIMA PLAĆANJA NAKNADE ZA POGODNOST GRADSKOG GRAĐEVINSKOG ZEMLJIŠTA – RENTA jednoglasno usvojen, 24 vijećnika je glasalo za, nije bilo glasova protiv i nije bilo suzdržanih glasova.

Pozivam sad sekretara Gradskog vijeća, da pročita zaključke koji su proizašli iz rasprave.

SLAĐANA KRAJINA

- Nacrt odluke o načinu i uslovima plaćanja naknade za pogodnost gradskog građevinskog zemljišta – renta upućuje se na javnu raspravu koja će trajati 30 dana.

- Za provođenja javne rasprave zadužuju se Služba za prostorno uređenje i zaštitu okoline, Komisija za prostorno uređenje i zaštitu okoline i Komisija za ekonomske odnose.

- Zadužuje se Stručna služba Gradskog vijeća da Izvod iz stenograma sa ove sjednice Gradskog vijeća dostavi Gradonačelniku Grada Tuzla, Službi za prostorno uređenje i zaštitu okoline, Komisiji za prostorno uređenje i zaštitu okoline i Komisiji za ekonomske odnose.

MIREL MIŠKOVIĆ

Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su zaključci koje je pročitala sekretar Gradskog vijeća usvojeni jednoglasno, 23 vijećnika je glasalo za, nije bilo glasova protiv i nije bilo suzdržanih glasova.

1. Nacrt Odluke o načinu i uslovima plaćanja naknade za pogodnost gradskog građevinskog zemljišta – renta, upućuje se na javnu raspravu, koja će trajati 30 (trideset) dana.

2. Za provođenje javne rasprave zadužuju se Služba za prostorno uređenje i zaštitu okoline, Komisija za prostorno uređenje i zaštitu okoline i Komisija za ekonomske odnose.

3. Zadužuje se Stručna služba Gradskog Vijeća da izvod iz stenograma sa ove sjednice Gradskog vijeća Tuzla u dijelu rasprave o Nacrtu Odluke o načinu i uslovima plaćanja naknade za pogodnost gradskog građevinskog zemljišta – renta, dostavi Gradonačelniku Grada Tuzla, Službi za prostorno uređenje i zaštitu okoline, Komisiji za prostorno uređenje i zaštitu okoline i Komisiji za ekonomske odnose.

Prelazimo na devetu tačku Dnevnog reda:

a) ZONING PLANA PRIVREDNE ZONE MLAKE U TUZLI

b) ODLUKA O PROVOĐENJU ZONING PLANA PRIVREDNE ZONE MLAKE U TUZLI

Predlagač je gradonačelnik Grada Tuzla. Obrađivač je Služba za prostorno uređenje i zaštitu i okoline i Upravna organizacija Zavod za urbanizam. Materijal su razmatrali: Komisija za statutarna pitanja i propise. Komisija za ekonomske odnose. Komisija za prostorno uređenje i zaštitu okoline. Komisija za poduzetništvo, te klubovi vijećnika.

Da li ima potrebe da predlagač ili obrađivač daju uvodno izlaganje? Ako nema onda pitam da li ima potrebe da se pročitaju izvještaji komisija? Nema. Otvaram raspravu klubova vijećnika. Javlja li se neko za riječ? Ako se ne javlja zatvaram raspravu klubova vijećnika. Otvaram raspravu vijećnika. Niko se ne javlja za riječ. Zatvaram raspravu vijećnika.

Sada stavljam na izjašnjavanje nacrt pod a) Zoning plana privredne zone Mlake u Tuzli, a pod b) Odluku o provođenju Zoning plana privredne zone Mlake u Tuzli i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

I konstatujem da je nacrt pod a) ZONING PLANA PRIVREDNE ZONE MLAKE U TUZLI i pod b) ODLUKE O PROVOĐENJU ZONING PLANA PRIVREDNE ZONE MLAKA U TUZLI jednoglasno usvojen, 21 vijećnik je glasao za, nije bilo glasova protiv i nije bilo suzdržanih glasova.

Pozvat ću sekretara da pročita zaključke.

SLAĐANA KRAJINA

- Nacrt zone plana privredne zone Mlake u Tuzli i Odluke o provođenju Zoning plana privredne zone Mlake u Tuzli upućuje se na javnu raspravu koja će trajati 30 dana.

- Za provođenje javne rasprave zadužuju se Služba za prostorno uređenje i zaštitu okoline, Upravna organizacija Zavod za urbanizam, Komisija za prostorno uređenje i zaštitu okoline i Komisija za ekonomske odnose.

MIREL MIŠKOVIĆ

Zahvaljujem. Stavljam sada na izjašnjavanje zaključke koje je pročitala sekretar i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su zaključci koje je pročitala sekretar Gradskog vijeća usvojeni jednoglasno, 22 vijećnika je glasao za, nije bilo glasova protiv i nije bilo suzdržanih glasova.

1. Nacrt Zoning plana Privredne zone Mlake u Tuzli i Odluke o provođenju Zoning plana Privredne zone Mlake u Tuzli, upućuju se na javnu raspravu, koja će trajati 30 (trideset) dana.

2. Za provođenje javne rasprave zadužuju se Služba za prostorno uređenje i zaštitu okoline, UO Zavod za urbanizam, Komisija za prostorno uređenje i zaštitu okoline i Komisija za ekonomske odnose.

Prelazimo na desetu tačku Dnevnog reda:

IMOVINSKO – PRAVNA AKTA

a) Odluka o dodjeli u zakup poslovnog prostora neposrednom pogodbom udruženju građana „Padobranac“ u Tuzli broj: 01/07-23-4039/18 i

b) Odluka o prestanku prava građenja na nekretnini u vlasništvu Grada Tuzla.

Predlagač je gradonačelnik Grada Tuzla. Obradivač su Služba za geodetske i imovinsko – pravne poslove. Materijal su razmatrali: Komisija za statutarna pitanja i propise. Komisija za ekonomske odnose. Komisija za prostorno uređenje i zaštitu okoline, te klubovi vijećnika.

Da li ima potrebe da predlagač da uvodno izlaganje? Nema. Ima li potrebe da se pročitaju izvještaji komisija? Nema. Otvaram raspravu klubova vijećnika. Niko se ne javlja za riječ. Zatvaram raspravu klubova vijećnika. Otvaram raspravu vijećnika. Pošto se niko ne javlja. Zatvaram i raspravu vijećnika.

I sada stavljam na izjašnjavanje Imovinsko – pravna akta pa pod a) Odluka o dodjeli u zakup poslovnog prostora neposrednom pogodbom udruženju građana „Padobranac“ u Tuzli broj: 01/07-23-4039/18 i pod b) Odluka o prestanku prava građenja na nekretnini u vlasništvu Grada Tuzla i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su IMOVINSKO – PRAVNA AKTA PA POD A) ODLUKA O DODJELI U ZAKUP POSLOVNOG PROSTORA NEPOSREDNOM POGODBOM UDRUŽENJU GRAĐANA „PADOBRANAC“ U TUZLI BROJ: 01/07-23-4039/18 I B) ODLUKA O PRESTANKU PRAVA GRAĐENJA NA NEKRETNINI U VLASNIŠTVU GRADA TUZLA jednoglasno usvojeni, 23 vijećnika je glasalo za, nije bilo glasova protiv i nije bilo suzdržanih glasova.

Prelazimo na jedanaestu tačku Dnevnog reda:

INFORMACIJA O SOCIJALNOJ SITUACIJI PRIPADNIKA BRANILAČKE POPULACIJE SA ANALIZOM MOGUĆNOSTI POBOLJŠANJA SOCIJALNE SIGURNOSTI

Predlađač je gradonačelnik Grada Tuzla. Obrađivač su Služba za boračko-invalidsku zaštitu, stambene poslove i integraciju raseljenih lica. Materijal su razmatrali: Klubovi vijećnika a pitam da li predlađač ili obrađivač imaju potrebe da daju neko uvodno izlaganje? Ako nema. Da li treba da se pročitaju izvještaji komisija? Ne treba. Otvaram raspravu klubova vijećnika. Za riječ se prvi javio Mirnes Ajanović. Izvolite. Klub vijećnika BOSS-a.

MIRNES AJANOVIĆ

Hvala predsjedavajući. Danas država tuče borce koji su odbranili ovu državu. Šalje pse na njih kada putem protesta traže svoja prava pa ih parlamentarci zafrkavaju iz jednog Doma predstavničkog u drugom Domu naroda različito usvojenim tekstovima pa izmišljanjem kako će usaglasiti različito usvojen tekst, a jednostavno je, onaj dom koji je prvi usvojio tekst pa onaj drugi koji je usvojio u različitom tekstu vraća se opet na ovaj prvi dom iako usvoje u istom prošao zakon, ako ne usvoje onda ide usaglašavanje, ali eto, varaju ih.

Pored toga što ih tuku i šalju pse na njih. Bukvalno sam bio prisutan kada su koristili policijske pse i pustili ih gotovo na borce, a to se koristi samo u teškim situacijama terorističkih napada, tad se može koristiti policijski pas.

Te borce su bukvalno zasipali otrovima koji se koriste protiv Američkih grizlija. Dakle, ne samo ovih naših običnih međeda, nego baš bukvalno protiv Američkih grizlija. A onda još to nije dovoljno nego naspu tu još sredstvo za uništavanje korova, a to su posebno agresivna sredstva koja dugotrajno ostaju sa posljedicama pa i kada ih pospete za uništavanje korova njih niti kiše, niti voda ne sapiru.

Zato su nam borcima sada kad su bile septembarski protesti na odjeći evo i dan danas ostala ta sredstva i vrlo su agresivna. Ako se primaknete toj odjeći oni koji su sačuvali automatski djeluje da gubite glas, ne možete govoriti i sva ostala, sve ostale posljedice.

I u takvom stanju kada imamo sve ovo prema ljudima koji su odbranili državu a znamo šta znači borac i bar ono što je Tito pružio svim borcima vrednujući ih na adekvatan način gdje niko nije smio podići glas prema njima a kamoli nešto uraditi negativno.

Danas u ovom stanju kada imamo informaciju o socijalnoj sigurnosti, odnosno situaciji pripadnika boračke populacije sa analizom mogućnosti koja je na malo teksta, relativno je to osam stranica hajde pokazala presjek stanja.

Meni je zadovoljstvo kad evo uspije se u malo napraviti zaista dosta puno. Pored toga informacije koliko ko ih ima evo ima i ova tužna da je njih 119 umrlo tokom godine. Puno je to ljudi koji su umrli. Vjerovatno i sigurno zbog neadekvatnih uslova, zbog evo i ovog stanja kojeg mnogi proživljavaju pa i jedan borac Ramo je nakon korištenja tih sredstava nad njim dva dana nakon toga umro.

I sam sudski vještak je rekao da su posljedice teškog srčanog udara od srca koje je bilo duplo veće morale početi dva dana prije. Poklapa se dakle sa terminom korištenja tih agresivnih sredstava između ostalog.

Pa i evo druge ove okolnosti da sa navršenim 25 godina prekidom završetkom školovanja, vambračnom ili bračnom zajednicom gube prava. Ovo se mora izmijeniti na način da ova prava ostaju tim ljudima trajno jer su izgubili svog najbližeg ili zaslužili su pravo zbog gubitka dijela tijela, pa i teških psihičkih problema.

Ali opet vraćamo se na prava koja su definisana kroz novčani dodatak, zdravstveno osiguranje, nabavku ortopedskih i drugih pomagala, liječenje, nabavku lijekova, medicinsku

rehabilitaciju, pomoć u rješavanju stambenih pitanja, pomoć smrti u slučaju smrti branioca, jednokratne pomoći, osiguranja povoljnih uslova zapošljavanja, pa i prijedlozi mijera za poboljšanje socijalne situacije gdje ovdje, evidentno je potreban veći novčani iznos, jer rast potreba boraca je evidentno zbog povećanja cijene svega i goriva i svega onoga što imamo u ovoj našoj dragoj Bosni i Hercegovini za evo par dana imamo rođendan.

Slavit će mnogi a borci će i dalje čekati svoja prava. Dobri su prijedlozi mijera, opet i to je relativno kratko napisano al jasno.

Unapređivati aktivnosti na ostvarivanju prava dodjeli novčanih sredstava. Ovo što je vrlo bitno treba napomenuti i ovo preduzimati aktivnosti na pojednoste, pojednostavljenju propisane procedure za ostvarivanjem prava.

Bo, brojni borci ne ostvaruju prava jer misle da je to nešto komplikovano, da je to teško, da ne mogu to uraditi i ovaj prijedlog je vrlo dobar i ovo je jedna od najznačajnijih stvari.

Pored toga sve što vi napišete ljudi misle da je to teško ostvariti i ne traže prava. Dosta njih ne zatraže. Ja sam se direktno kao predsjednik Komisije za ljudska prava i slobode više puta u brojnim situacijama kada se meni obrate borci obraćao direktno Admiri Atić Tupković, pomoćniku Gradonačelnika za Službu za boračko invalidsku zaštitu i odmah je bilo reagovanje na način da se borac pozivao, upućivao na sve službe koje trebaju.

Tamo gdje ova služba nije bila nadležna, gdje se mora obratiti Kantonalnim, Federalnim organima, davana je stručna pravna pomoć, isčitavani su materijali.

Na svaki način se služba u potpunosti stavila u zaštitu boraca, što evo javno izražavam pohvalu i u ovom dakle smislu kao predsjednik Komisije za ljudska prava i slobode da ni jednom se nije desilo da nisam dobio odgovor na poziv ili ako tog trenutka nije moglo obavezno kasnije me se poziva i u slučaju naravno odmah poduzimaju mjere da borac, pa čak i većinom situacija ako mogu ti borci, odmah dolaze na prijem kod pomoćnika Gradonačelnika koji ih upućuje za druge nas, nadležne u toj službi da pomognu borcima.

I dalje ovo je naravno saradnja sa boračkim organizacijama. Sve što je potrebno za boračku populaciju sa Resornim ministarstvima da se uradi izdvajanje sredstava za potrebe vanredne novčane pomoći. Ovo je vrlo bitna stvar.

Dešavaju se okolnosti da nekad zatrebaju novci a da zbog određene procedure ili ovakvih situacija isticanje nekakvih prava to se ne može uraditi.

Dakle, mora postojati još jedna mogućnost da se bez obzira na isticanje tih redovnih prava u vanrednim situacijama treba omogućiti davanje novčanih sredstava. Pa i ovo je jedan zaključak da se izmijeni dakle Zakonska regulativa u smislu da se mogu odobriti vanredna novčana sredstva tamo gdje se ocijeni potrebnim bez obzira na istek roka primanja redovnih novčanih sredstava.

I evo i ovaj zadnji stav inicirati višim nivoa vlasti da aktivno djeluje u smislu podrške, insistirati da se pristupi pravednijim izmjenama zakonskih propisa, pod zakonskih akata to je ovo što sam već rekao u interesu boračke populacije koje se naročito odnose na stvaranje zakonskog okvira za izradu projekata, programa, sprovođenja akata svih osiguranja, adekvatnog socijalnog, ekonomskog statusa boraca, zapošljavanje, prekvalifikacija, stipendiranje redovnog studija, davanje prednosti u školovanju djece pripadnika boračke populacije sa pokazanim dobrim rezultatima obrazovanja, sportu, kulturi, ali i sistematsko rješavanje stambenih pitanja, te predlažem da pored toga što ćemo mi usvojiti ovu informaciju primiti je k znanju.

Da sve ovo budu zaključci vijeća, da, da ih mi prepíšemo bukvalno kao prijedlozi zaključci vijeća koji će biti upućeni, i upućeni svim nadležnim institucijama kako bi se stanje boračke populacije tamo gdje smo mi nadležni u ovom slučaju u Gradu Tuzla popravilo, a samim tim i u ostalim gradovima kada se uzme za primjer ovakav način funkcionisanja Službe za boračko

invalidsku zaštitu, odnosno Grada Tuzle, Gradonačelnika i nas kao predstavničkog organa, odnosno Gradskog vijeća Tuzla.

Da to bude primjer i ostalima da borci dobiju bar minimum, bar minimum tih zasluženih prava, a da se ne zadržava samo na minimumu, nego da se ide na optimalnom ostvarivanju prava boračke populacije.

I još jedan zaključak ovaj da stavimo da tražimo od nove vlasti da što hitnije, dakle od Predstavničkog doma i Doma naroda, Parlamenta Federacije Bosne i Hercegovine usaglasa tekst Zakona o boračkim pravima, da i kroz ovaj naš način djelovanja, evo kroz ovo što je ovdje evidentirano, jer i kroz taj zakon će boračka prava biti bolje riješena ali da konačno usaglasa da odmah dakle po formiranju Parlamenta preuzmu obavezu koja nije završena od strane prethodnog mandata i saziva Parlamentarnog saziva i da usvoje usaglašen tekst, odnosno da usvoje konačan zakon o, odnosno Borački zakon. Toliko. Hvala.

MIREL MIŠKOVIĆ

Zahvaljujem. Riječ dalje ima Elvir Bijedić, Klub vijećnika SDP-a. Izvolite.

ELVIR BIJEDIĆ

Zahvaljujem predsjedavajući. Dosta toga je kolega Vijećnik Ajanović u svom izlaganju rekao. Dakle, mi smo u, na našem klubu razmatrali ovu informaciju i dakle smatramo je vrlo sadržajnom i konkretnom da tako kažem i koliko vidim u kontinuitetu se nastavlja dakle ta jedna konkretna i korektna saradnja sa boračkom populacijom.

I imamo priliku vidjeti ogleda se u vrlo važnim stvarima, dakle između uostalom i u adekvatnoj novčanoj pomoći, dakle kako bi upravo sačuvali tu nekakvu socijalnu sigurnost, dignitet boračke populacije.

S obzirom na generalnu socijalno – ekonomsku situaciju mislimo da je ipak potrebno mnogo više uradi.

Potpuno se slažem sa, sa kolegom Ajanovićem i dakle na klubu vijećnika smo razgovarali na tu temu, dakle da se preduzimaju aktivnosti na pojednostavljenju propisane procedure.

Za, za ostvarivanje prava nije, ne bi to trebalo da predstavlja bilo kakav bauk i klub SDP-a je saglasan da, da sve ovo dakle kao prijedlozi mijera uđu u zaključci, u zaključke. Ja bih samo još jednu dodatnu, jedan zaključak.

Dakle, obzirom da Grad Tuzla putem komisije izdvaja za boračku populaciju koja djeluje u Gradu Tuzla negdje oko 415.000 maraka u smislu jednokratne novčane pomoći, a na nivou kantona to iznosi negdje oko 670.000 vidimo koliko Grad Tuzla tu daleko iznad kantona, dakle ukoliko ste zato da uputimo jednu inicijativu da to i na nivou, višem nivou kantona budu značajno veća sredstva, dakle da to bude kao dopuna ovih prethodnih zaključaka. Hvala.

MIREL MIŠKOVIĆ

Zahvaljujem. Ima li još neko ispred klubova vijećnika da se javlja za riječ? Ako nema. Zatvaram raspravu klubova vijećnika. Otvaram raspravu vijećnika. Javlja li se neko za riječ? Ne javlja. Zatvaram raspravu vijećnika.

I sada stavljam. Aha. Konstatujem da je Gradsko vijeće Tuzla primilo k znanju INFORMACIJU O SOCIJALNOJ SITUACIJI PRIPADNIKA BRANILAČKE POPULACIJE SA ANALIZOM MOGUĆNOSTI POBOLJŠANJA SOCIJALNE SIGURNOSTI.

Pozivam sekretara Gradskog vijeća da pročita zaključke koji su proizašli iz rasprave.

SLAĐANA KRAJINA

- Gradsko vijeće Tuzla podržava prijedlog mjera za poboljšanje socijalne situacije pripadnika boračke populacije dat od strane obrađivača materijala naročito kada je u pitanju mjera preduzimanja aktivnosti na pojednostavljenju propisane procedure za ostvarivanje prava boraca.

- Gradsko vijeće Tuzla u potpunosti preuzima ovaj prijedlog mjera te predložene mjere postaju zaključci Gradskog vijeća Tuzla.

- Gradsko vijeće Tuzla smatra potrebnim izmjeniti Zakonsku regulativu u smislu da se mogu dobiti vanredna finansijska sredstva bez obzira na istek roka za dobijanje redovnih sredstava.

- Gradsko vijeće Tuzla traži od predstavničke vlasti da se odmah po formiranju Parlamenta usaglasi tekst Zakona o boračkim pravima kako bi boračka prava bila bolje riješena.

- Gradsko vijeće Tuzla inicira kod kantonalnih organa da se poveća visina jednokratne novčane pomoći na nivou kantona.

MIREL MIŠKOVIĆ

Zahvaljujem. Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su zaključci, koje je pročitala sekretar Gradskog vijeća, jednoglasno usvojeni, 24 vijećnika je glasalo za, nije bilo glasova protiv i nije bilo suzdržanih glasova.

1. Gradsko vijeće Tuzla podržava prijedlog mjera za poboljšanje socijalne situacije pripadnika boračke populacije, dat od strane obrađivača, naročito kada je u pitanju mjera preduzimanje aktivnosti na pojednostavljenju propisane procedure za ostvarivanje prava boraca.

2. Gradsko vijeće Tuzla u potpunosti preuzima ovaj prijedlog mjera za poboljšanje socijalne situacije pripadnika boračke populacije te predložene mjere postaju zaključci Gradskog vijeća te, u cilju stvaranja uslova za poboljšanje socijalne situacije branilaca i članova njihovih porodica, te njegovanja i očuvanja digniteta i značaja odbrambeno-oslobodilačkog rata, Gradsko vijeće Tuzla smatra potrebnim da se:

- nastavi unapređivati aktivnosti na ostvarivanju prava i dodjeli sredstava novčane pomoći za potrebe branilaca i članova njihovih porodica,

- preduzimaju aktivnosti na pojednostavljenju propisane procedure za ostvarivanje prava,

- u saradnji sa boračkim organizacijama i udruženjima nastavi kontinuirano razmatrati najznačajnije probleme u vezi statusa branilačke populacije i načine rješavanja istih,

- saradnjom službe sa drugim resornim službama na području Tuzlanskog kantona u čiji djelokrug poslova spadaju određena pitanja od interesa za branilačku populaciju, zajednički nastupi

prema resornim ministarstvima i inicira otklanjanje eventualno uočenih problema vezanih za postupke ostvarivanja prava,

- planirana budžetska sredstva na nivou kantona i postupak dodjele istih trebaju pratiti realne potrebe i prava branilaca i članova njihovih porodica, posebno u slučajevima potrebe hitnog izdvajanja sredstava za potrebe vanredne novčane pomoći,

- inicira višim nivoima vlasti da aktivno djeluju u smislu podrške i insistiranja da se pristupi pravednim izmjenama zakonskih propisa i podzakonskih akata u interesu branilačke populacije koje se odnose naročito na stvaranje zakonskog okvira za izradu projekata, programa i sprovođenju akcija u cilju osiguranja adekvatnog socijalnog ekonomskog statusa pripadnika branilačke populacije - zapošljavanja, prekvalifikacija, stipendiranje redovnog studija i davanje prednosti u školovanju djece pripadnika boračke populacije sa pokazanim dobrim rezultatima u obrazovanju, sportu, kulturi...ali i za sistemsko rješavanje stambenog pitanja.

3. Gradsko vijeće Tuzla smatra potrebnim izmjeniti zakonsku regulativu u smislu da se mogu odobriti vanredna finansijska sredstva bez obzira na istek roka za dobijanje redovnih sredstava.

4. Gradsko vijeće Tuzla traži od nove vlasti da se odmah po formiranju Parlamenta FBiH, Zastupničkog doma i Doma naroda usaglasi tekst zakona o boračkim pravima, kako bi boračka prava bila bolje rješenja.

5. Gradsko vijeće Tuzla inicira kod kantonalnih organa vlasti da se poveća visina jednokratne novčane pomoći na nivou Tuzlanskog kantona.

Prelazimo na dvanaestu tačku Dnevnog reda:

INFORMACIJA O SARADNJI GRADA TUZLE SA INOSTRANIM SUBJEKTIMA I REALIZACIJI PROJEKATA I PROGRAMA IZ OBLASTI MEĐUNARODNE SARADNJE

Predlagač je gradonačelnik Grada Tuzla. Obrađivač Služba za poslove gradonačelnika Materijal su razmatrali: Komisija za ekonomske odnose, Komisija za suradnju sa jedinicama lokalne uprave i samouprave i klubovi vijećnika.

Ima li potrebe da predlagač ili obrađivač daju uvodno izlaganje? Nema. Da li ima potrebe da se pročitaju izvještaji komisija? Nema. Otvaram raspravu klubova vijećnika. Prvi za riječ se javio Elvir Bijedić, Klub vijećnika SDP-a. Izvolite.

ELVIR BIJEDIĆ

Hvala predsjedavajući. Pa evo ja i kao građanin i kao Vijećnik u ime kluba SDP-a zaista ne mogu a da ne izrazim svo zadovoljstvo ovako pripremljenom informacijom za koju u Klubu SDP-a smatramo da je vrlo kvalitetna, konkretna, bez puno detalja zato što bi onda tu informaciju učinili zaista mnogo, mnogo iznimno velikom. Ali ti detalji su upravo ono što se tiče života građana dakle u ovoj našoj lokalnoj zajednici.

Sam sam bio dakle uključen u realizaciju nekih projekata za koje smatram prije svega da ću unaprijediti jednu, jednu i dići na viši nivo jedan kvalitet u zdravstvenom smislu i zdravstvenoj zaštiti za građane Tuzle.

Dakle, tu prije svega mislim na nabavku defibrilatora od strane dakle donacije jedne Italijansko, Italijanske donatorske porodice i ultra zvučnog aparata. Evo kad smo kod toga moram iskoristiti ovu priliku dakle dok mi ovdje sjedimo danas trenutno se u Domu zdravlja upravo radi primopredaja jednog ultra zvučnog aparata koji je po riječima stručnjaka najviši standard dakle na

koji se mogu u ovom trenutku naći na tržištu i produkt je to dakle konkretne saradnje između Gradonačelnika gospodina Jasmina Imamovića i gospodina Josipa Juratovića člana Njemačkog parlamenta.

Dakle, uz punu potporu Gradske uprave i nevladinih organizacija, konkretno Crvenog križa Tuzlanskog kantona kao, koji se pojavio kao uvoznik ove opreme. Dakle, mislim da će to biti i te kako na zadovoljstvo pacijenata kao korisnika usluga i uposlenih u, u Domu zdravlja.

Dakle, mislim da zaista trebamo svi punu podršku dati u, u, u nastavku saradnje Grada Tuzla sa inostranim subjektima jer situacija u kojoj se generalno društvo nalazi sa socijalno – ekonomskog aspekta ovakav vid saradnje predstavlja značajan izvor sredstava za obezbjeđenje kvalitetnijeg života sugrađana, dakle i, i u svakom segmentu.

Imali smo priliku vidjeti dakle da se svi ovi projekti bukvalno u svakom segmentu društvenog života Grada Tuzle razvijaju, tako da od srca svaka čast, čestitke i puna podrška u, u daljem radu. Hvala.

MIREL MIŠKOVIĆ

Zahvaljujem. Riječ ima Mirnes Ajanović, Klub vijećnika BOSS-a. Izvolite.

MIRNES AJANOVIĆ

Pridružujem se u potpunosti navodima kolege Bijedića, odnosno predstavnika Kluba SDP-a. Ne bih onda o tome. O tome u najkraćem da je ovo kratko, jasno, sažeto prezentirano.

Sjećam se kad sam jednom kritikovao ili više puta hajde, ali jednom sigurno Gradonačelnika da treba malo više da hoda u smislu da putuje, da obilazi razne ove destinacije.

Gdje god ima mogućnosti da idemo ostvarivati tu međunarodnu saradnju sa raznim gradovima, sa raznim institucijama jer time dobijamo mogućnost dobijanja i ne samo boljeg statusa Grada Tuzle.

Pogotovo je to poboljšano od vremena od kada smo grad. Jer obično su to saradnje gradova u tom lokalnom smislu opština ipak ima mal značaj za Evropsku uniju recimo zemlje Evropske unije ili druge zemlje, sasvim nebitno.

Ali status Grada daje mogućnost Tuzli da može ostvariti veća sredstva, pomoći, poklona, recimo to smo ostvarivali posebno kroz Javno preduzeće Komunalac.

I jedna je bila kritika Gradonačelniku gdje je on to možda smatrao da bi to moglo se sva, shvatiti kao eto čovjek putuje po nekakvim zemljama i uživa u tome za razliku od nekih po javni ustanovama putuju po raznim destinacijama i slikaju se, smatram da nije negativno, a od toga grad nema ništa.

Nije negativno da Gradonačelnik, pa i sada ne treba se ustručavati od toga treba da obilazi ove neke jače gradove i da faktički i dijelom bude odsutan iz Grada Tuzle, da prepusti službama da rade svoj dio posla, a da on koristeći ugled Tuzle taj ugled pokuša još više iskoristiti u cilju boljeg statusa, pa i kroz omogućavanje te međunarodne saradnje.

Dobri su ovdje i prijedlozi pored ovoga što je stanje dobro. Ovo je bitna stvar. Prijedlog saradnja sa dijasporom. Dosta je naših građana koji imaju mogućnosti da sredstva mogu usmjeriti u grad ili promovisati Grad Tuzlu. Ali evo na ovaj način kada to uradimo kroz direktne kontakte, kroz saradnju sa lokalnim poduzetnicima kojima može to omogućiti takođe opet bolje uslove poslovanja. Na kraju grad još više prosperira.

Dakle dobro je to uradila predstavnica, odnosno rukovodilac Službe za poslove Gradonačelnika Svjetlana Kakeš.

Još jedan dobar kratak sažet materijal i evo ovi zaključci jesu ovako malo, malo su više uopšteni, nisu konkretni recimo kao oni prethodni pa da možemo mi to uze, preuzeti kao svoje, ali jedna forma ipak da je Gradsko vijeće, jer se radi o informaciji po ovim zaključcima obaveže sve ostale koje mogu da djeluju a i posebno Gradonačelnika.

Evo jedan opet prijedlog zaključka da Gradsko vijeće daje pun legitimitet Gradonačelniku Tuzle da može dakle iskoristiti svaku moguću priliku da sa svim gradovima Evropske unije ili drugim ostalim gradovima u svijetu omogućava prezentaciju Tuzle u, u onom svjetlu koje nam pripada, a i samim tim kroz međunarodnu saradnju ostvaruje pomoć za Grad Tuzlu jer u dodatnom smislu i da to se nikako i ne smije, ali dobro ne treba to praviti u zaključku shvatiti kao mogućnost evo čovjek ide da hoda ili slično nešto prolazi kroz te destinacije.

Treba nam, dosta se uradilo u Gradu Tuzla. Sada treba ugled Tuzle koristiti za jedan viši nivo funkcionisanja samog grada i prezentacije grada u cijelom svijetu. Svega onoga što znači Tuzla kroz multikulturalnost, antifašizam i eto taj nivo tolerancije koji postoji i drugačiji nego što je to u ostalim opštinama ili gradovima u ovoj regiji. Toliko. Hvala.

MIREL MIŠKOVIĆ

Dobro. Zahvaljujem. Dalje riječ ima Nedžad Jusić. (SABAHUDIN IMAMOVIĆ – Replika. Može li replika prije?) Aha. Može. Može. Nisam vidio. Izvinite. Sabahudin Imamović Replika.

SABAHUDIN IMAMOVIĆ – samostalni vijećnik

Pa htio bi samo reći da prije nego što Gradonačelnik krene da obilazi svijet bilo bi dobro da ponekad svrati na Gradsko, na sjednicu Gradskog vijeća. Hvala.

MIREL MIŠKOVIĆ

Dobro. Zahvaljujem. (MIRNES AJANOVIĆ – Mogul i ja repliku?) Replika Mirnes Ajanović. Izvolite.

MIRNES AJANOVIĆ

Ma kolega moj, odnosno imenjaka, prezimenjaka Gradonačelnika, dragi poštovani kolega Sabahudine Imamoviću ima on osnova u ovom što kaže da treba Gradonačelnik više biti na sjednicama Vijeća i to stoji.

Međutim, sad stavljanje to u kontekst ovakvih prijedloga gdje zaista Gradu Tuzla treba predstavnik, a ponižavajuće je za Grad Tuzla da tu ide nekakav samo referent i mi šaljemo sad Gradonačelniku nekakvog bitnog grada u svijetu referenta. Nema od toga ništa.

Predstavnicima grada idu razgovaraju sa predstavnicima drugih gradova u cijelome svijetu. To je uobičajen način komunikacije i ne treba to devalvirati sad time da evo čovjek trenutno nije tu i ne treba prihvatati ili ovakav kontekst stavljati sad negativan, ovu okolnost.

Ja sam siguran da, evo vidite, evo samo ovo pokazuje da, da je čovjek išao na tih nekoliko destinacija svi bi ga napali, eno ga hoda, troši budžetksa sredstva, provodi se po nekakvim raznim bjelosvjetskim destinacijama.

Ali u stanju gdje mi imamo funkcionisanje grada podijeljeno kroz službe, kroz pomoćnike Gradonačelnika smatram da nam treba taj iskorak dodatni u obilasku tih svjetskih destinacija koje izražavaju želju za saradnjom sa Gradom Tuzla.

Ne može biti ništa od direktnog, bez direktnog kontakta, niti čekanja da neko nama dolazi na noge.

Treba otići na noge gradovima koji imaju ogromna sredstva, koji imaju opremu koja je za njih zastarila a za nas bi to bilo savršeno modernizovanje opreme koje imamo kroz Vatrogasne, Komunalne i ostale službe, tako da sam siguran da takva vrsta kontakta može omogućiti Gradu Tuzla bolji prosperitet, dobijanje viših, većih novčanih sredstava, projekata a i na kraju modernizaciju svega onoga što potrebno Gradu Tuzla.

MIREL MIŠKOVIĆ

Zahvaljujem. Iskoristili ste pravo na jednu repliku po Poslovniku.

SABAHUDIN IMAMOVIĆ

Ispravka krivog navoda.

MIREL MIŠKOVIĆ

Hajde ako je ispravka krivog navoda navedite nam šta ispravljate, pa dobijate riječ. Izvolite.

SABAHUDIN IMAMOVIĆ

Pa ispravljam, prije svega želim reći da, pa pošto je kolega Ajanović otišao je li u širinu i dubinu mogu i ja je li napraviti malo improvizirat je li.

Ja bi recimo predložio Gradonačelniku da prvo posjeti svih 40 mjesnih zajednica i da se skoncentriše na probleme koji muče ovaj grad. Onda bi mu preporučio da ode u Tešanj recimo da, da vidi kako tamo se uspješno bave biznisom i kako su uspjeli toli, tolike poslovne zone otvoriti, mi ne možemo ni jednu da otvorimo.

Znači prije te intenzivne i snažne međunarodne saradnje koju treba Gradonačelnik da ostvari, mislim da on prvo treba u svom dvorištu puno stvari da uradi i evo i neposrednom komšiluku, dakle.

Neka ode u Tešanj i da vidi tamo kako se novac zarađuje i kako se stvaraju uslovi za ekonomski razvoj, a ja znam da Gradonačelnik ima talenta za međunarodnu saradnju. On je svaki put kad je sjednica Gradskog vijeća on se susretne sa nekim ambasadorom i tu, tu nema problema. Hvala.

MIREL MIŠKOVIĆ

Dobro. Zahvaljujem. Mirnes Ajanović. Ispravka krivog navoda.

MIRNES AJANOVIĆ

Ma da zatvorimo priču. Svakako nam ne date tih replika, ispravki krivog navoda. Ja nisam rekao ništa što bi rezultiralo ispravkom krivog navoda od strane kolege Imamovića i njegova diskusija je pokazala da nije ništa ispravio.

To što je on dopunio imao je pravo kroz direktnu raspravu kao vijećnik kojim omogućava, što omogućava Poslovnik o radu Gradskog vijeća, te dakle ispravka krivog navoda je evidentno bila neosnovana.

MIREL MIŠKOVIĆ

Zahvaljujem. Riječ dalje ima Nedžad Jusić. Nezavisni vijećnik ispred nacionalnih manjina. Izvolite.

NEDŽAD JUSIĆ – nezavisni vijećnik iz reda nacionalnih manjina

E hvala. Ne bi ponavljao kolege što su rekli, ali ipak kada je u pitanju ova informacija o saradnji Grada Tuzle sa inostranim subjektima i realizaciji projekata i programa iz oblasti međunarodne saradnje, takođe želim da pohvalim ovu informaciju prvenstveno osobe koje su zadužene u Stručnoj službi za poslove Gradonačelnika jer između ostalog su i oni zaduženi, zadužene za realizaciju ovih aktivnosti.

Vidi se na kraju krajeva i određena promjena, određene aktivnosti koje se vode u posljednje godinu, dvije, a kad su direktno u pitanju nacionalne manjine.

Između ostalog zahvaljujući Gradu Tuzla i pomenutoj službi uspostavljena je i te kako dobra saradnja sa Vijećem Evrope na realizaciji određenih projekata, odnosno projekta konkretno jačanje zaštite nacionalnih manjina u Bosni i Hercegovini koji je finansiran između ostalog od vijeća, od Evropske unije a implementira da Vijeće Evrope i oni će se implementirati, odnosno implementira se od 2016-te do 2019-te godine i Grad Tuzla je aplicirala na pomenuti projekat i između ostalog se implementira u Gradu Tuzla.

I žel, želim da napomenem da od nekih otprilike 80 općina gdje živi veći broj nacionalnih manjina svega 10 općina su ušle u ovaj projekat, između ostalog tu je i, i Grad Tuzla i siguran sam u tome da ćemo mi i nastaviti i dalje raditi vezano na određenim projektima kao bi poboljšali stanje i položaj nacionalnih manjina u Gradu Tuzla i mislim, ponovo kažem da će i ovaj projekat i dati taj veliki efekat za integraciju nacionalnih manjina u Gradu Tuzla.

I možda poruka još jedna da se i dalje nastavi sa ovim aktivnostima kako bi imali što više projekata što više aktiv, aktivnosti na zaštiti prava nacionalnih manjina.

Takođe želim napomenuti nije ovo nikakav EPP-e, niti neka replika na prethodne diskusije s obzirom kroz moj poso se i često puta sastajem sa Ambasadorima stranih država, između ostalog i sa Ambasadorom Vijeća Evrope gdje oni stvarno ističu izuzetnu dobru saradnju sa Gradom Tuzla, odnosno sa Gradonačelnikom i mislim da takvu praksu treba se i nastaviti u narednom periodu. Hvala.

MIREL MIŠKOVIĆ

Zahvaljujem. Ima li još neko ispred klubova vijećnika da se javlja za riječ? Ako nema. Zaključujem raspravu klubova vijećnika. Otvaram raspravu vijećnika. Javlja li se neko za riječ? Ne. Zatvaram raspravu vijećnika.

I konstatujem da je Gradsko vijeće Tuzla primilo k znanju INFORMACIJU O SURADNJI GRADA TUZLE SA INOSTRANIM SUBJEKTIMA I REALIZACIJI PROJEKATA I PROGRAMA IZ OBLASTI MEĐUNARODNE SARADNJE.

Pozivam sekretara Gradskog vijeća, da pročita zaključke koji su proizašli iz rasprave.

SLAĐANA KRAJINA

- Gradsko vijeće Tuzla daje punu podršku nastavku saradnje Grada Tuzla sa inostranim subjektima i realizaciji projekata i programa iz oblasti međunarodne saradnje te u tom cilju daje puni legitimitet gradonačelniku Grada Tuzla, da nastavi, u ličnom kontaktu, ostvarivati saradnju sa inostranim subjektima, naročito kada su u pitanju gradovi zemalja članica Evropske unije, koristeći ugled Grada Tuzla te da i dalje, prezentujući Grad Tuzla i njene vrijednosti, poboljšava status Grada Tuzla, što će doprinjeti modernizaciji Grada Tuzla i boljem prosperitetu.

- Gradsko vijeće Tuzla podržava zaključke date u materijalu te traži od svih na koje se oni odnose da poduzmu mjere i aktivnosti u cilju njihove realizacije.

- Gradsko vijeće Tuzla sugeriše da se i dalje nastavi saradnja sa institucijama čije su aktivnosti zaštita prava nacionalnih manjina, kako bi i na taj način, bilo što više projekata koji imaju za cilj zaštitu prava nacionalnih manjina.

MIREL MIŠKOVIĆ

Zahvaljujem. Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da su zaključci, koje je pročitala sekretar Gradskog vijeća, usvojeni 26 vijećnika je glasalo za, nije bilo glasova protiv i 1 vijećnik je bio suzdržan.

1. Gradsko vijeće Tuzla daje punu podršku nastavku saradnje Grada Tuzla sa inostranim subjektima i realizaciji projekata i programa iz oblasti međunarodne saradnje te u tom cilju, daje puni legitimitet gradonačelniku Grada Tuzla, da nastavi, u ličnom kontaktu, ostvarivati saradnju sa inostranim subjektima, naročito kada su u pitanju gradovi zemalja članica Evropske unije, koristeći ugled Grada Tuzla te da i dalje, prezentujući Grad Tuzla i njene vrijednosti, poboljšava status Grada Tuzla, što će doprinjeti modernizaciji Grada Tuzla i boljem prosperitetu.

2. Gradsko vijeće Tuzla podržava zaključke date u materijalu te traži od svih na koje se oni odnose da poduzmu mjere i aktivnosti u cilju njihove realizacije.

3. Gradsko vijeće Tuzla sugeriše da se i dalje nastavi saradnja sa institucijama čije su aktivnosti zaštita prava nacionalnih manjina, kako bi i na taj način, bilo što više projekata koji imaju za cilj zaštitu prava nacionalnih manjina.

Prelazimo na trinaestu tačku Dnevnog reda:

INFORMACIJA O REALIZACIJI PROJEKATA IZGRADNJE, ODRŽAVANJA I KORIŠTENJA SPORTSKIH TERENA NA PODRUČJU GRADA TUZLA.

Predlagač je gradonačelnik Grada Tuzla.

Obrađivač je Služba za komunalne poslove, izgradnju i poslove mjesnih zajednica.

Materijal su razmatrali: Komisija za mlade, obrazovanje i sport, Komisija za komunalna pitanja i pitanja mjesnih zajednica, te klubovi vijećnika.

Da li ima potrebe da predlagač ili obrađivač daju uvodno izlaganje? Nema. Ima li potrebe da se pročitaju izvještaji komisija? Nema. Onda otvaram raspravu klubova vijećnika.

Za riječ se javila Merima Softić Sprečić. Izvolite.

MERIMA SOFTIĆ SPREČIĆ – vijećnik Socijaldemokratske partije

Dobar dan poštovani predsjedavajući, kolege i kolegice vijećnici, mediji, gosti sve vas srdačno pozdravljam. Evo ovako. Što se tiče ove informacije ja zaista moram priznati da je ona, da bih ja lično voljela ali evo i kolege iz kluba SDP-a da je, ona nije baš ovako sažeta, da je obrazloženje malo opširnije.

Naime radi se o informaciji od, koju razmatramo za proteklu 2017.godinu. U samom izvještaju koji je napravljen na neke dvije stranice je nap, pobrojani su vrijednosti projekata odre, odrađenih iz, izgradnja i sanacija, rekonstrukcija određenih igrališta projekti koji su vrijedni 1.878.000 maraka a u suštini su realizovani u proteklih nekoliko godina što je naravno za pohvalu.

Međutim obzirom da razmatramo informaciju za 2017.godinu željeli bismo konkretno da je u ovoj informaciji napisano šta je ono što je urađeno u 2017.godini a što se tiče izgradnje sportskih igrališta, dječijih igrališta, kombinovanih igrališta, sprava za igru djece na tim igralištima. Upravo je to razlog zašto sam rekla da želim da ovo bude opširnije i da bude malo duže obrazloženje.

U informaciji je takođe nav, su navedena da su određene, da su urađene određene aktivnosti na izgradnji i da su izvođeni radovi tekućeg održavanja u okviru kojih je izvršena zamjena dotrajalih dječijih igrački, popravka ograda, zamjena sjedala ljuljaški i klackalica, ali nije navedeno na kojim igralištima je to odrađeno.

Naime, mi imamo 40 mjesnih zajednica i susret konstantno znači susret sa mnogo građana čija djeca koriste igrališta i uvijek su ista pitanja dotrajalosti, zašto se ne mijenjaju određene sprave, klupe, zašto nema zaštitnih ograda kada se djeca igraju, lopta često krene prema Jali, djeca krenu za njom.

Takođe su tu i ceste blizu izgradnji sportskih terena a na kojima nema znači zaštitnih ograda. To su sve česta pitanja sa kojima se susrećemo i zašto to nije navedeno u informaciji ako je urađeno, na kojim terenima je to urađeno.

Da ne bi obrazlagala evo u svojoj diskusiji mnogo toga što sam htjela reći, a sa čime se slaže Klub vijećnika Socijaldemokratske partije dat ćemo nekoliko zaključaka.

Jedan je da tražimo da nam se do februarske sjednice, znači prije početka proljeća kada djeca počnu da koriste dječija igrališta dostavi informacija o stanju svih igrališta koje smo izgradili na području svih mjesnih zajednica grada kako bi na vrijeme i sami u svojim diskusijama mogli uticati na sanaciju oštećenog mobilijara i tako spriječiti dalje propadanje, ne samo od vandalizma ovdje moram da napomenem jer je u informaciji napisano da je vandalizam jedan kao možda od bitnih razloga.

Ne, nego samo korištenje djeca, djeca svojim svakodnevnim korištenjem igrališta naravno da u, utiču na to da se određene sprave kvare, ali i vremenski uslovi, odnosno neprilike. Nastavit ću

zaključak. Da bi uticali na sanaciju oštećenog mobilijara i spriječili dalje propadanje, ali i moguća povređivanja djece koja se na istim igraju.

Zatim voljeli bi možda i pomoći službi obzirom da vjerovatno nemaju dovoljno ljudi koji bi mogli dati realnu sliku samim tim što bi obišli sva ova igrališta. Voljeli bi možda oformiti tim ili možda je lakše da svim predsjednicima Savjeta mjesnih zajednica od njih tražiti da obiđu sva igrališta, terene, pregledaju sprave za igru djece, te taj izvještaj ako je moguće i fotodokumentovati, poslati službu kako bi imala potpunu i realniju sliku na osnovu koje ćemo i mi sami vijećnici lakše, svrsishodno diskutovati na Vijeću kada nam taj izvještaj bude pripremljen.

Želili bi takođe ovdje, ako je moguće obzirom da je navedeno da je korištenje sportskih terena dostupno svim građanima bez ograničenja i da je izuzetak dječiji zabavni park Slana Banja kojim upravlja JKP „Pannonica“ Tuzla koji je ogra, ograđen i otvoren korisnike tokom dana, a noći onemogućen pristup, prilazak nepoželjnih posjetilaca.

Obzirom da je radno vrijeme ovog igrališta do šest sati poslije podne smatramo da u ljetnom periodu kada su zaista velike, velike toplote i vreline napolju, visoke temperature roditelji, mislim roditelji izvode djecu na igralište ali tek poslije podne kada je, kada sunce rekla bih manje prži zaista i radi zaštite djece. Onda im to ne ostavlja mnogo vremena za druženje.

U razgovoru sa svim roditeljima to je možda nekih sat vremena kada roditelji posle ručka mogu da izvedu dijete, to je možda oko četiri, pet sati. Djeca nemaju znači vremena za igru do šest.

Da li se, da li je u mogućnosti preduzeće izaći u susret i u ljetnom periodu kada se u suštini djeca najviše koriste ovo igralište na kompleksu Slanja Banja može produžiti to vrijeme bar do osam sati ako ne i do devet obzirom na vidljivost i na vremenske uslove tokom ljeta.

Prilog ovome svemu takođe zašto sam rekla da treb, želimo da imamo realniju sliku vezano za stanje igrališta koju, koja se nalaze na području našeg grada govori i činjenica da na mnogim sportskim terenima nažalost se parkiraju vozila.

Djeca nemaju mogućnost da se igraju određenih igara. I još nešto znači susreću se sa onima kojima parkiraju vozila često dolazi do konflikata između roditelja djece znači koja se igraju i roditelja koji parkiraju vozila jer naime dijete mora tokom svoje igre da čuva da to oš, da to vozilo ne ošteti i mislim da je to zaista nepotrebno.

Zato iz tog razloga že, te informacije najv, najbolje o tim informacijama znaju ljudi koji su predsjednici mjesnih zajednica koji bi trebali da obilaze vjerovatno spontano u nekom slučajnom prolazu i primjete takav jedan problem, a sve je učestalije da se vozila parkiraju na sportskim terenima koja su obezbijedena za dječiju igru.

Ovom prilikom mi, želim da iskoristim priliku iako u, u sklopu ovog materijala da se zahvalim jednom građaninu i mislim da ćemo to uraditi svi ovdje ispred Gradskog vijeća, a to je Nedić Mladen koji je poznat kao aeronmen koji je zajedno, koji je jedan veliki humanista uradio mnogo za izgradnju dječijeg igrališta na Sjenjaku. Čovjek koji je iskoristio svoje vlastito tijelo kako bi pređenim kilometrima pokušao obezbijediti što moderniji mobilijar i dječije igralište na kojem, na kojem bi se djeca evo svakodnevno mogla besplatno igrati, igrati.

Naime, on je prešao 677,8 kilometara za 50 sati, 36 minuta, 33 sekunde plivajući, trčeći, vozeći bicikl prešao ovoliko kilometara na osnovu čega su određeni ljudi poduzetnici, obični građani mogli da otkupe ti, te kilometre, na osnovu tih sredstava. On je omogućio djeci kupovinu određenog mobilijara na kojem se evo, kojim se danas služimo svi koje je skoro bilo otvoreno.

Zaista želim se kao građanin, ali evo ispred Gradskog vijeća zahvaliti takvom jednom činu i uopšte što imamo takvog jednog rekreativca, amatera sportistu koji je učinio zaista veliko djelo za ovaj grad. Hvala mnogo.

MIREL MIŠKOVIĆ

Dobro. Zahvaljujem. Replika Jasminka Mijatović HDZ. Izvolite.

JASMINKA MIJATOVIĆ – vijećnik Hrvatske demokratske zajednice

Hvala gospodine predsjedavajući. Pa u ovome duhu našeg Poslovnika ako može biti pozitivna replika koja nije predviđena (MIREL MIŠKOVIĆ – Ma može.) kolegici Softić Sprečić.

Prvi dio zaključka koji je predložila se odnosi evo ako mogu citirat: Igrališta koja smo izgradili i onda ako je nastavak ili drugi zaključak stanje svih igrališta u svim mjesnim zajednicama ja nemam replike.

Samo pitanje. Da li su dva odvojena zaključka? Jer mislim da Gradsko vijeće zaslužuje informaciju o stanju dječijih igrališta u svim mjesnim zajednicama bez obzira kad su izgrađeni. Da. Znači ogradila sam se zato da je pozitivna replika. Sviđa mi se diskusija i u tom pravcu ukoliko je nastavak odnosno dva odvojena zaključka ja nemam primjedbi ukoliko ne, da se ta dva zaključka odvoje. Hvala.

MIREL MIŠKOVIĆ

Zahvaljuje. Riječ dalje Ivica Kovačević ispred Kluba HDZ-a. Izvolite.

IVICA KOVAČEVIĆ - vijećnik Hrvatske demokratske zajednice

Zamjeniče predsjedavajućeg, sekretaru vijeća, kolegice, kolege vijećnici, predstavnici medija, predstavnici izvršne vlasti pozdravljam vas sve srdačno.

Kao što kolegica Sprečić Softić reče informacija koju smo dobili je uistinu pre, pre skromna i pre, pre štura. Mi smo kao vijeće ranije znali i neke ovakve slične informacije čak i vratiti na doradu i tako dalje.

Dakle evo neka i ovo možda bude, ali evo kolegica Sprečić je rekla da, da Komunalna služba do drugog mjeseca što apsolutno podržavam dostavi opširniju i konkretniju informaciju.

Dakle u ovoj informaciji skoro da nema niti jedan neki konkretan pokazatelj, neki konkretan rezultat, neki konkretan podatak. Onak sve je vrlo, vrlo uopćeno. Informacija ide od dvije tisuće sedme godine. Ne razumijem smisao zašto. Dakle, zašto ona pokriva deset, jedanaest godina, dakle trebali smo biti informirani o tome što se dogodilo unatrag godinu maksimalno je li dvije ako je neki projekt u tijeku.

Dakle, mislim da ovakve informacije ne bismo trebali dobivati ovdje na vijeće. Bolje čak i da ne dođe, nego da bude u ovakvom obliku.

Podržavam zaključke koje je izrekla kolegica Sprečić Softić. Mislim da su zaključci jako dobri. Također bih možda samo dopunio i u onom dijelu dakle da, da dobijemo informaciju koliko to imamo mjesnih zajednica na kojima nemamo, ima li u stvari takvih mjesnih zajednica da nemamo niti jedno bilo dječije igralište, bilo neko sportsko igralište i da evo možda u nekom narednom razdoblju je li razmišljamo i u tom pravcu kako riješiti taj problem. Dakle, evo toliko. Hvala ljepa.

MIREL MIŠKOVIĆ

Zahvaljujem. Dalje za riječ se javio Mirnes Ajanović, Klub vijećnika BOSS-a. Izvolite.

MIRNES AJANOVIĆ

Ma sad u sledu kritikovati informaciju možemo, mogla je biti opširnija, ali ono što je dobro jeste da sastavni dio informacije treba da bude diskusija kolegice Merime Softić Sprečić.

Ona je tu dala detaljnije obrazloženje. Sve ono što je potrebno. Zaključke predložila, program mijera. Faktički po meni treba sastavni dio informacije, zaključak da bude sastavni dio dis, informacije su evo da možemo reći diskusije vijećnika ne možemo, jer mi ne diskutujemo po ovome.

Merima se dobro pripremila za ovo obzirom da joj je posebno poznata ova problematika i većinom diskutuje vrlo adekvatno, konkretno, pa čak i detaljno po svim ovakvim tačkama dnevnoga reda, tako da bih i ja ovaj zaključak stavio vijeća da je sastavni dio, neka stoji evidentirano u spisima vijeća i ovo što je kolegica uradila.

MIREL MIŠKOVIĆ

Dobro. Ima li još neko ispred klubova vijećnika? Ako nema. Zatvaram raspravu klubova vijećnika. Otvaram raspravu vijećnika. Za riječ se javio Edim Kadić. Samostalni vijećnik. Izvolite.

EDIM KADIĆ

Pošto govorimo o informaciji o realizaciji projekta izgradnje održavanja i korištenja sportskih terena smatram da bi ovo Gradsko vijeće trebalo da ima informaciju vezano za izgradnju stadiona „Tušanj“.

Ja sam to više puta ovdje govorio o tome. Neko je obećao da će se napraviti stadion „Tušanj“ nije ni bitno ni kad, ali bi mi trebali da znamo gdje smo sad, u kojoj smo fazi.

Prije dvije godine je počela istočna tribina, radilo dva dana, tri ne znam ni sam kolko je radio, dođe i stalo se s tim. Tražim da, da se, dobijemo tu informaciju ako može u sklopu ove tačke, ako ne u posebnu jednu tačku da vidimo koliko nam je potrebno sredstava i trebali bi iskoristiti ovu pogodnu klimu koju, koja je trenutno vlada.

Ako gledamo na nivou svjetskog fudbala, juče je bio posjeta Zvonimira Bobana Hrvatskog reprezentativca koji, koji ima budžet milijardu i petsto miliona da se pomogne u izgradnji i, i stadiona, izgradnji i obezbjeđenju i tako dalje.

Imamo situaciju da se reprezentacija plan, plasirala i da je dobila samo za ulazak šest miliona eura, ili je tri miliona, tri miliona eura izvinjavam se. Imamo situaciju barem ja čujem da je u kantonu sad ima novaca da ova vlada da je sredila, da nemamo, da bi i kanton kao stadion „Tušanj“, znači u našem kantonu nema ni jedan stadion gdje se mogu igraditi reprezentativne utakmice i sramota je ako imamo u vidu da iduće godine „Sloboda“ slavi sto godina postojanja da u slučaju da se plasira opet ne može igrati ovdje na ovom stadionu.

Tako da predlažem da pozovemo i gospodina Bobana i gospodina Prosinečkog, trenera reprezentacije i predsjednika UEF-e koji je Slovenac da dođu u naš grad i mislim da, da se pokuša i preko naše legende Šećerbegović, mislim pošto je on i direktor stadiona da probamo da nađemo novce, odnosno da apliciramo da se ovaj stadion završi jer sigurno mi u dogledno vrijeme nećemo iz budžeta moći da sami to završimo jer je to zaista mnogo novaca. Toliko.

MIREL MIŠKOVIĆ

Zahvaljujem. Dalje za riječ se javio Elvir Bijedić, SDP. Izvolite.

ELVIR BIJEDIĆ

Zahvaljujem predsjedavajući. Pa evo koristim priliku dakle da ovdje i, i, izrazim zahvalnost, odnosno da istaknem jedan pozitivan primjer obnove košarkaškog igrališta na Slatini, dakle kulturnog gdje su izrasli mnogi usudujem se reći svjetski asovi ove igre.

Dakle u jednoj sjajnoj saradnji kompanije Calzberg, Gradske uprave i omladinskog košarkaškog kluba „Sloboda“.

I evo ako možemo još jedan zaključak dakle da zaista pozivamo sve društveno odgovorne kompanije, firme, preduzeća da se uključe u rekonstrukciju postojećih ili izgradnju novih igrališta upravo po uzoru na ovaj svijetao primjer u, u koji se desio u Gradu Tuzla. Hvala.

MIREL MIŠKOVIĆ

Zahvaljujem. Dalje riječ ima Mensur Alić, Tuzlanska alternativa. Izvolite.

MENSUR ALIĆ

Pa evo ja želim samo Merimi da se zahvalim što je pomenula ovo ime i evo neka se zna da je to uposlenik u Mempromu, a da je sve kilometre njegove prodavala moja služba. Tako da je to radio jedan tim kompletan u Mempromu oni su negdje preko 20.000 KM uložili u to igralište. Zahvaljujem ti Merima što si ovo pomenula i mislim da taj čovjek zaslužuje da mu se da neko priznanje iz, sa ovog grada. Hvala.

MIREL MIŠKOVIĆ

Zahvaljujem. Dalje za riječ se javila Sunčica Delibegović, SDP. Izvolite.

SUNČICA DELIBEGOVIĆ – vijećnik Socijaldemokratske partije

E dozvolite da vas sve srdačno pozdravim s obzirom da se prvi puta danas javljam, pa evo shodno ovim prethodnim diskusijama ja bih se prije svega želila osvrnuti na jučerašnji dan koji je dan Međunarodni dan prava djeteta, jedan i jedno od osnovnih dječijih prava koje kaže da svako dijete ima pravo na igru.

U vezi dječijih igrališta sretna sam da ih imamo, da ih gradimo, da potičemo dječiju aktivnost, jer kažemo samo aktivno dijete je i zdravo dijete. Da skrenemo pažnju da, evo svjedoci smo otvaranja velikog broja dječijih igraonica u zatvorenom prostoru.

Međutim, želimo da promoviramo zdravlje i boravak na otvorenom prostoru, ali prije svega moja diskusija želi da se fokusira na sljedeće a to je :

Da jedan od zaključaka bude briga o tim igralištima. Mi možemo izgraditi bezbroj tih igrališta, ali ne vidimo brigu o njima. Naravno mi u osnovnim školama i svaki prosvjetni radnik ukazuje na način kako se ponašati na javnim prostorima. Kako se odnositi prema svim tim spravama, mobilijarima kako ih već zovemo, ali ko su osobe.

Mi smo naučeni kao, kao društvo da uvijek moramo imati neku osobu koja, kojoj ćemo nešto pripočiti da je nešto u kvaru ili nije u kvaru.

Predlažem možda, evo vi mi pomozite da jedan od zaključaka bude. Da li će to biti neko ispred mjesne zajednice kome će se moći prijaviti da je recimo neka sprava polomljena, da je treba hitno popraviti, da je neki tamo šaraf odvrnut vrlo opasno za djecu, jer ev, svjedoci smo toga na svakom koraku ali ne znamo kome da se obratimo.

Mislim da je, da je, da je problem riješiv vrlo lako samo ga treba jasno definisati. Da ne bismo se, eto dovodili u situaciju da iz dana u dan prolazimo pored nekog, neke sprave koja je ne, nesigurna za igru, nego jednostavno da otklanjamo problem ili da eto neka bude zaključak definisan i drugačije.

Ja sam bila često u prilici da, da sama djelujem na licu mjesta pa što mogu sama da odradim da odradim, ali ipak bi bilo lijepo da, da svi znamo kako dijete, tako i roditelji koga mogu kontaktirati kako bi isti mobilijari bili u funkciji što prije. Zahvaljujem.

MIREL MIŠKOVIĆ

Zahvaljujem. Ima li još ispred vijećnika neko da se javlja za riječ? Ako nema. Zaključujem raspravu vijećnika.

I konstatujem da je Gradsko vijeće Tuzla primilo k znanju INFORMACIJU O REALIZACIJI PROJEKATA IZGRADNJE, ODRŽAVANJA I KORIŠTENJA SPORTSKIH TERENA NA PODRUČJU GRADA TUZLA.

Pozivam sekretara Gradskog vijeća, da pročita zaključke koji su proizašli iz rasprave.

SLADANA KRAJINA

- Gradsko vijeće Tuzla smatra da je Informacija o realizaciji projekata izgradnje, održavanja i korištenja sportskih terena na području grada Tuzla trebala biti potpunija, konkretnija i realnija.

- Gradsko vijeće Tuzla traži od Službe za komunalne poslove, izgradnju i poslove mjesnih zajednica da do februarske sjednice Gradskog vijeća Tuzla dostavi informaciju o stanju svih igrališta na području grada Tuzla kako bi vijećnici, na vrijeme i svojim diskusijama, mogli spriječiti dalje propadanje mobilijara i moguće povređivanje djece koja se na njima igraju kao i informaciju o tome da li na području svih mjesnih zajednica na području grada Tuzla postoje dječja igrališta.

- Gradsko vijeće Tuzla sugerše Resornoj službi da traži od predsjednika Savjeta svih mjesnih zajednica da obidu sva igrališta na području grada Tuzla, pregledaju sprave, sačine fotodokumentaciju i istu dostave Resornoj službi u cilju dostavljanja vijeću kompletnije informacije o stanju dječjih igrališta i sportskih terena.

- Gradsko vijeće Tuzla sugerše Javnom preduzeću „Pannonici“ d.o.o. Tuzla da igralište, da se na igralištu na Slanoj Banji, u ljetnom periodu, kada djeca i najviše koriste igralište, u doba visokih temperatura, produži radno vrijeme do osam ili devet sati.

- Gradsko vijeće Tuzla traži da se iznađe način da se riješi problem vozila koja se parkiraju na dječjim igralištima i sportskim terenima koja su obezbjeđena za dječju igru.

- Gradsko vijeće Tuzla upućuje zahvalu gospodinu Mladenu Nediću, koji je pređenim kilometrima, koje su građani i poduzetnici mogli otkupiti, pokušao obezbijediti što moderniji mobilijar na dječjim igralištima.

- Sastavni dio ove Informacije je i diskusija, prijedlozi i sugestije koje je dala vijećnica Merima Softić tokom rasprave.

- Gradsko vijeće Tuzla traži od resornih službi dostavljanje informacije o izgradnji Stadiona Tušanj, pregled potrebnim sredstava te sugerije da se, u cilju završetka ovih radova, ostvari saradnja i zatraži pomoć bivših fudbalera i sportskih radnika, kako tuzlanskih, tako i inostranih klubova.

- Gradsko vijeće Tuzla poziva sve društvenoodgovorne kompanije i preduzeća da se uključe u završetak izgradnje stadiona „Tušanj“.

- Gradsko vijeće Tuzla smatra da je veoma bitno voditi brigu, kako o dječijim igralištima, tako i mobilijaru te u tom smislu traži od Resorne službe da iznađe način na koji će se i kojim licima moći prijaviti bilo kakav kvar na mobilijaru dječjeg igrališta.

MIREL MIŠKOVIĆ

Zahvaljujem. Ima li dopune zaključaka? Izvolite.

ELVIR BIJEDIĆ

Dakle moj zaključak ovaj je bio u smislu dakle ne, ne gradskog stadiona nego društveno odgovorne firme znači u smislu rekonstrukcije postojećih ili izgradnju novih po uzoru na igralište na Slatini. (MIREL MIŠKOVIĆ – Zahvaljujem.)

I ako možemo samo da još tu dodamo, mislim ne znam da li ima potrebe da konkretizujemo dakle to je bila inicijativa Calzberg kompanije sto hiljada čepova za izgradnju stadiona, odnosno košarkaškog igrališta. Dakle, po uzoru na takvu jednu akciju.

Mislim ne znam evo ako se slažete da. Pa ne ali kažem samo. Slažem se ali po uzoru na to. Ok. Ne moramo to. Mislim ako smatrate da ne treba, ali evo. Kažem samo po uzoru na to je li. Hvala.

MIREL MIŠKOVIĆ

Dobro. Zahvaljujem.

SLAĐANA KRAJINA

Je li mogu ponovo? (MIREL MIŠKOVIĆ – Evo. Hajde.)

- Gradsko vijeće Tuzla poziva sve društveno odgovorne kompanije i preduzeća da se uključe u rekonstrukciju postojećih i izgradnju novih igrališta po uzoru na akciju koja je provedena za rekonstrukciju igrališta je li na Slatini?

MIREL MIŠKOVIĆ

Može. Može. Zahvaljujem. Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Zahvaljujem. Glasanje je okončano.

Konstatujem da su zaključci, koje je pročitala sekretar Gradskog vijeća, jednoglasno usvojeni, 30 vijećnika je glasalo za, nije bilo protiv i nije bilo suzdržanih glasova.

1. Gradsko vijeće Tuzla smatra da je Informacija o realizaciji projekata izgradnje, održavanja i korištenja sportskih terena na području grada Tuzle trebala biti potpunija, konkretnija i realnija.

2. Gradsko vijeće Tuzla traži od Službe za komunalne poslove, izgradnju i poslove mjesnih zajednica da do februarske sjednice Gradskog vijeća Tuzla dostavi informaciju o stanju svih igrališta na području grada Tuzla kako bi vijećnici, na vrijeme i svojim diskusijama, mogli uticati na sanaciju oštećenog mobilijara i tako spriječiti njegovo dalje propadanje i moguće povređivanje djece koja se na njima igraju kao i informaciju o tome da li na području svih mjesnih zajednica na području grada Tuzla postoje dječja igrališta.

3. Gradsko vijeće Tuzla sugerše resornoj službi da traži od predsjednika savjeta svih mjesnih zajednica da obiđu sva igrališta na području grada Tuzla, pregledaju sprave, sačine fotodokumentaciju i istu dostave resornoj službi u cilju dostavljanja Gradskom vijeću kompletnije informacije o stanju dječjih igrališta i sportskih terena.

4. Gradsko vijeće Tuzla sugerše JKP „Pannonica“ Tuzla da se na igralištu na Slanoj Banji, u ljetnom periodu, kada djeca i najviše koriste igralište, u doba visokih temperatura, produži radno vrijeme do 20,00 ili do 21,00 sati.

5. Gradsko vijeće Tuzla traži da se iznađe način da se riješi problem vozila koja se parkiraju na dječjim igralištima i sportskim terenima koja su obezbjeđena za dječju igru.

6. Gradsko vijeće Tuzla upućuje zahvalu gospodinu Mladenu Nediću, koji je pređenim kilometrima, koje su građani i poduzetnici mogli otkupiti, pokušao obezbijediti što moderniji mobilijar na dječjim igralištima.

7. Sastavni dio ove Informacije je i diskusija, prijedlozi i sugestije koje je dala vijećnica Merima Softić tokom rasprave.

8. Gradsko vijeće Tuzla traži od resornih službi dostavljanje informacije o izgradnji Stadiona Tušanj, pregled potrebnim sredstava te sugerše da se, u cilju završetka ovih radova, ostvari saradnja i zatraži pomoć bivših fudbalera i sportskih radnika, kako tuzlanskih, tako i inostranih klubova.

9. Gradsko vijeće Tuzla poziva sve društvenoodgovorne kompanije i preduzeća da se uključe u rekonstrukciju postojećih i izgradnju novih igrališta po uzoru na akciju koja je provedena za rekonstrukciju igrališta na Slatini.

10. Gradsko vijeće Tuzla smatra da je veoma bitno voditi brigu, kako o dječjim igralištima tako i mobilijaru te u tom smislu traži od resorne službe da iznađe način na koji će se i kojim licima moći prijaviti bilo kakav kvar na mobilijaru dječjeg igrališta.

Prelazimo na četrnaestu tačku Dnevnog reda:

INFORMACIJA O POSTUPANJU SA IZGUBLJENIM I NAPUŠTENIM ŽIVOTINJAMA, PSIMA I MAČKAMA LUTALICAMA NA PODRUČJU GRADA TUZLE.

Predlagač je gradonačelnik Grada Tuzla. Obradivač je Služba za komunalne poslove, izgradnju i poslove mjesnih zajednica. Materijal su razmatrali : Komisija za komunalna pitanja i pitanja mjesnih zajednica, te klubovi vijećnika. Po ovom pitanju Otvaram raspravu klubova vijećnika pa pitam ko se javlja za riječ? Sunčica Delibegović, klub vijećnika SDP-a. Izvolite. Izvolite.

SUNČICA DELIBEGOVIĆ

Pa evo, evo. Pa evo da se nadovežem u odnosu na ovu prethodnu informaciju koju smo upravo usvojili zaključke mogu da kažem da pred nama imamo evo jednu veoma detaljnu i sve obuhvatnu informaciju kada s, je u pitanju postupanje sa izgubljenim i napuštenim životinjama psima i mačkama lualicama na području grada Tuzla.

Naime, ova informacija je sačinjena na osnovu podataka dostavljenih od strane Službe za inspekcije, Službe civilne zaštite, Javnog preduzeća Gradska veterinarska stanica, kao i Službe za Komunalne poslove, izgradnju i poslove mjesnih zajednica i možemo vidjeti da su brojne aktivnosti po pitanju postupanja sa izgubljenim i napuštenim životinjama provedene a sve u cilju zdravlja ljudi, životinja, te njihovoj međusobnoj povezanosti i uticaj.

S obzirom da iz ove informacije vidimo da je veliki teret i obim poslova pao na Javno preduzeće Gradska veterinarska stanica d.o.o. Tuzla i da s, da mi je drago da vidim da su, da je naša, odnosno Javno preduzeće Gradska veterinarska stanica d.o.o. Tuzla jedina certificirana za provedbu trejsi sistema koji je u skladu sa legeslativom Evropske unije, te o u vezi s ovim možemo biti sretni da vidimo da je u našem gradu kada je u pitanju humanost zbrinjavanje pasa lualica obuhvaćeno sljedeće:

Uspostavljen je jedinstveni registar pasa u Gradu Tuzla, registracija i mikro čipovanje u skladu sa vežećom zakonskom regulativom i propisima, preventivna vakcinacija protiv bjesnoće, vankcinacija i redovan tretman protiv parazita, sterilizacija, kastracija pasa, eutanazija, udomljavanje pasa lualica, bjesnoća, etizociologija. Znači vidimo da su brojne aktivnosti urađene i da su pod, da kažem tako pod kontrolom.

Da ne, da ne dužim znam da će se još mnogi javiti za raspravu uglavnom bi predložila jedan od zaključaka da, da se o planiranju budžeta za narednu godinu svakako nađu dodatna finansijska sredstva za sufinansiranje projekta provođenje programa zdravstvenog zbrinjavanja nezbrinutih životinja na području Grada Tuzla, a koji se prvenstveno odnosi na proširenje prostornih i radnih kapaciteta neophodnih za obavljanje dodatnih djelatnosti koji se, koji se tiču je li udomljavanja i zbrinjavanja, pa, pasa lualica s obzirom da je taj problem sada isključivo problem koji rješava Javno preduzeće Gradska veterinarska stanica, a koji je do unazad dvije godine odrađivalo Udruženje građana „Nirina“ Tuzla. Međutim vjerovatno zbog teške finansijske situacije ni oni to više nisu u stanju.

Lijepo je vidjeti da postajemo društvo koje osim zdravlja ljudi brine svakako i o zdravlju životinja da postanemo i na taj način senzibilniji i, i vjerujem da ćemo u tome ustrajati i pronaći potrebna finansijska sredstva za rješavanje problema koje je ponudila Veterinarska stanica. Zahvaljujem.

MIREL MIŠKOVIĆ

Zahvaljujem. Dalje za riječ se javio Mirnes Ajanović, Klub vijećnika BOSS-a. Izvolite.

MIRNES AJANOVIĆ

Eh evo kako reče koleginica Delibegović. Pardon. Da. Dobro sam. Imamo najbolju veterinarsku stanicu i za vrijeme dok smo mi tu veterinarsku stanicu servisirali na način da smo ispunjavali ono što su tražili u okviru profesionalnih obaveza, dakle ničega što je bilo nepotrebno, nego onoga što je bitno mi na području Grada Tuzle nismo imali problem sa psima lualicama. Oni se i sada snalaze, ali to je snalaženje.

Ali okolnosti da mi smo imali potpuno sanirano stanje, potpunu evidenciju svih životinja, vakcinisanje, a danas ipak imamo napade pasa na građane Tuzle, pa evo i kolega Delalić je imao problem, napadnuto mu je dijete.

Dakle i sam jedan od vijećnika je žrtva napada pasa lotalica, pa i više slučajeva napada pasa lotalica na građane Tuzle pokazuje da najbolju veterinarsku stanicu Grad Tuzla ne vrednuje na način da štiti interes grada, odnosno građana.

To se mora promijeniti. Nećemo čitati, niti, šta sad opet imam pričat šta je da je bjesnoća aktuelno, fatalno virusno oboljenje centralnog nervnog sistema od kojeg gotovo, ako je životinja bijesna teško se može čovjek oporaviti, pogotovu djeca.

Ugriz je taj koji je fatalan. Može preći putem sline ali stanje da ipak ima na području grada pasa lotalica je alarmantno.

Ne preuzimaju se psi niti u evo Udruženje građana „Nirina“ već dvije godine. Veterinarska stanica pravi određene projekte udomljavanja putem zemalja Evropske unije koliko je moguće. Mi trebamo kako ovdje i stoji realne pretpostavke za značaj veći prijem i smještaj nezbrinutih životinja sa ulica grada. Ali suština je ovom na kraju naći finansijska sredstva za naprijed navedene dodatne aktivnosti tokom evo ovog perioda i riješiti pitanje proširenja kapaciteta za adekvatan smještaj pasa. Ima i pod, i pomenuta parcela u vlasništvu Grada Tuzla. Moraju se odvojiti veća sredstva. Ovo je stanje koje je nekako je na ivici ekcesa. Evo, može neko i stradati od tog napada psa, a pogotovu bijesnog psa sigurno.

I ovo što imamo utvrđivanje evo registracije, čipovanje, vakcinacija, sterilizacija, kastracija, eutanazija, udomljavanje i sve ostal, nije dovoljno, fali sredstava. Predlažem da ipak mi tražimo da se evo za naredni budžet, evo koji je aktuelan izdvoji dio u saradnji sa razgovorom sa direktorom Jasminom Ferizbegovićem i ovom službom potrebnih sredstava kako bi se pokušale vratiti na nivo kada u gradu nije uopšte postojala mogućnost da vidite psa lotalicu na ulici. Dakle uspjeli smo. A prije toga vladala je parola da Tuzlom vladaju bijesni psi.

Do te mjere su čopori pasa ugrožavali bezbjednost građana Grada Tuzle i uspjeli smo uz aktivnosti Gradskog vijeća, direktora Ferizbegovića, odnosno Veterinarske stanice uz sve ovo što reče kolegica Sunčica Delibegović da dobijemo stanje koje je izrazito povoljno i primjer svim ostalim dijelovima Bosne i Hercegovine.

Sada se ponovo vraćamo na nešto što nije toliko za primjer, jer čim imate napad pas, pasa lotalica onda to je stanje koje je alarmantno. Jedan ako se desi takav napad to je problematično.

Još jednom kažem jedan vijećnik je proživio traumu da mu je dijete napadnuto a ja sam imao priliku, evo saznati, nekoliko građana Tuzle je takođe imalo, takođe, pa onda i trauma nekakvog stanja dobijanja satisfakcije u smislu hajde ti tog uhvati psa da bi dokazao na sudu, još ga odvedi na sud da kažeš evo to je taj pas ugrizao čovjekta pa da se sam pas izjasni da je on to taj pas.

Bukvalno se na to ide iako imamo zaključak vijeća da u svim situacijama ugriza ili napada pasa pokuša se to riješiti van sudskim putem

Naravno tamo gdje je evidentno postoji zloupotreba pokušaja namještanja, to je već jasna, ali svi ostali normalni slučajevi moraju rezultirati time da i kroz taj vid obeštećenje bar minimalnog, nije to ništa značajno, pokažemo da se brinemo o građanima Tuzle.

Osnova je obezbijediti, ne puno, nisu to bila niti neka značajna sredstva, nego jednostavno dostatna sredstva da možemo imati veterinarsku stanicu koja jeste najbolja ali u funkciji da može biti operativna i dati najbolje rezultate za zaštitu Grada Tuzle, ne samo od pasa lotalica od svih ovih problema koje mogu rezultirati zoonozama ili ostalim slučajevima ugrožavanja sigurnosti zdravstvene bezbjednosti grada, građana Tuzle. Toliko.

MIREL MIŠKOVIC

Zahvaljujem. Dalje za riječ se javila Sabiha Mujkanović, Klub vijećnika SBB-a. Izvolite.

SABIHA MUJKANOVIC – vijećnik Saveza za bolju budućnost

Pozdravljam sve prisutne. Evo danas smo imali više informacija na našem dnevnom redu, ali nekako je ova informacija koju smo dobili o postupanju sa izgubljenim i napuštenim životinjama po meni sigurno najpotpunija i najkvalitetnija i ovako informacija treba da izgleda.

Problem napuštenih životinja predstavlja jedan od većih problema u našem gradu a naročito do izražaja dolazi u ovim hladnijim danima, znači u zimskim mjesecima kada se osjeti taj nedostatak hrane, ka, kada životinje trebaju više hrane i u nedostatku iste postaju i agresivnije.

Vjerovatno bi problem bio i veći da nema jedan dio građana koji hrani te životinje, brine o njima, izgrađuje im skloništa za ove hladnije dane, pa eto nekako taj problem dođe manje do izražaja nego što bi sigurno bio.

Suprotno takvim građanima s druge strane mi imamo veliki broj nemarnih vlašnika, znači vlasnika koji napuštaju svoje ljubimce ili im isti bježe jer nisu adekvatno ogradili prostore.

Ja sam vidjela i u informaciji da je ovaj problem naglašen i u samoj informaciji i apelovala bi na Službu za inspekcijske poslove da poduzmu konkretnije mjere vezano za ovu aktivnost.

Mene zanima da li mi imamo ikakvu evidenciju, ne znam spisak tih nemarnih vlasnika, jel prijavljuju nekad građani ljude koji napuštaju svoje ljubimce, jer se to vidi.

Postoji li, da li se takvi ljudi kažnjavaju? Ako ne postoji dajte da počnemo i sa time jer je i to neki vid mjere rješavanja ovog problema.

Takođe većina ljudi tih nemarnih vlasnika ne shvata u biti kolika je obaveza imati kućnog ljubimca, koliko vremena i finansijskih sredstava to zahtjeva. I onda kad vide suoče se sa problemom i napuštaju pse, znači i mi dovodimo do, u velikoj mjeri do ovog problema. Na tome se mora raditi.

Takođe zanima me da li Služba za inspekciju kontroliše i na koji tačno način kontroliše vlasnike kućnih ljubimaca da li postupaju u vezi sa onom Odlukom o, o uslovima, držanju i načinu postupanja sa domaćim životinjama, kućnim ljubimcima i nezbrinutim životinjama.

Ko vodi računa o tome? Da li iko obiđe malo vlasnike koji drže ljubimce naročito u kućama da vidi da li imaju oni znakovi upozorenja na životinju, da li je to adekvatno ograđeno. Nismo džabe donosili takve odluke.

Svakako najveći problem predstavlja i fino je to naglašeno u ovoj informaciji čopor pasa lutilica i to je ono što zahtjeva posebnu pažnju. Upravo kao što je kolega Ajanović naglasio ljudi koji se susretnu sa takvim problemom poslije imaju veliki strah od pojavljivanja čak u javnosti a naročito što onda kada vide psa.

S druge strane to izaziva jednu drugu posljedicu o kojoj se takođe govori u ovoj informaciji, a to je sve veće nasilje prema životinjama. Imamo uzročno posljedične veze i zaista se moramo posvetiti ovome.

Evo ja sam pregledala ove mjere koje su poduzete i zaista su dobre. Uglavnom se koriste u svim Evropskim zemljama. Ne treba tu ništa posebno dodavati, ali evo ja bih istakla ovo udomljavanje pasa lutilica.

Ovdje je jasno navedeno da to u našoj zemlji, naročito u našem gradu nije raširena i opće prihvaćena pojava i to je možda ono na čemu treba posebno poraditi i naći neki način da privučemo

građane na udomljavanje pasa lualica jer je to način da donekle pomognemo u rješavanju ovog problema.

Dakle postoji, postoje načini, vidim da se na tome radi, evo vidimo i po ovom broju ugrizu pasa lualica koliko je bilo u periodu 2011- te godine, ja mislim oko 450, a sada se taj broj smanjio na 91. Znači radi se.

Ima ovo, određen, efikasno je pokazuje se da su efikasne mjere koje su poduzete samo tome još trebamo posvetiti više pažnje. Jedino možda što bi ja još dodala u ovoj informaciji jeste tačan broj, mislim ne možemo znati tačan broj ali eto približan broj napuštenih životinja koje mi imamo u Tuzli ove godine i prethodnih godina čisto da se tačno pokaže koliko su efikasne ove mjere i definitivno je ovo problem na kojem svi moramo raditi kako bi osigurali kvalitetniji život i našim građanima ali i životinjama. Hvala.

MIREL MIŠKOVIĆ

Zahvaljujem. Ima li još neko ispred klubova vijećnika da se javlja za riječ? Ako nema. Zatvaram raspravu klubova vijećnika. Otvaram raspravu vijećnika. Za riječ se javio Alen Kapidžić, SDP. Izvolite.

ALEN KAPIDŽIĆ

Hvala predsjedavajući. Pa evo iz ove informacije iz tabele dva ovo se jasno vidi da, da se puno ovdje radi na ovom, na ovom, po ovom pitanju, po ovim raznim problemima i kako veterinarska stanica tako i služba i naravno JKP Komunalac.

Međutim, ono što ja moram reći jer sam dobio pritužbe građana ili imao sam pozive građana evo da tako kažem, pogotovu ovdje kod ugriza psa.

Znači imam neke informacije da, da kad se građani jave na telefon kaže morate sami naći psa i to je ok, evo ako, ako, ako je to tako. I ovdje piše u jednom dijelu ove informacije.

Kaže, osim redovnog obilaska mjesnih zajednica i obavljanja kafilerijskih poslova vrši se hitna intervencija na poziv građana u slučaju postojanja opasnosti od ujeda ili napada na građane od strane psa lualica u kom slučaju se odmah po pozivu izlazi na lice mjesta u cilju ukla, uklanjanja psa.

S druge strane imamo recimo informaciju da kad građani nazovu, jave se na ovaj broj telefona, kaže im se tim je već na terenu.

Ako tu postoji problem i ako je to, ja ne znam sad tačno ne znam koliko imamo timova, koliko ljudi je zaduženo zato dajte da napravimo, da izdvojimo sredstva zato. Ako je jedan tim dajte da povećamo broj timova.

Znači ne može ako građanin do, zovne, zovne na telefon i kaže evo ja sam uočio tog psa koji me je ujeo, koji me je ugrizao, da mu neko kaže tamo time, tim je na terenu, i oće li on čekati tamo, čekat će pas da dođe neko po njega.

Znači moramo imat, moramo imat ako je to tačno, znači dajte da onda tu stvarno, to je veliki problem, znači ne možemo, ne možemo zatvarat oči na to. Dajte da napravimo, onda da, da da izdvojimo sredstva i u budžetu, ako trebaju veća sredstva evo nek služba kaže trebaju nam sredstva veća zato.

Realno nemamo, imamo jedan tim koji se sastoji od tol, tolikog broja ljudi, to nam je nedovoljno, dajte da napravimo još jedan tim. Et. Da to uđe kao neki zaključak u sklopu ove, ove informacije.

MIREL MIŠKOVIĆ

Dobro. Zahvaljujem. Ima li još vijećnika prijavljenih za diskusiju? Ako nema. Zaključujem raspravu vijećnika i konstatujem da je Gradsko vijeće Tuzla primilo k znanju INFORMACIJU O POSTUPANJU SA IZGUBLJENIM I NAPUŠTENIM ŽIVOTINJAMA, PSIMA I MAČKAMA LUTALICAMA NA PODRUČJU GRADA TUZLA

Pozivam sada sekretara Gradskog vijeća, da nam pročita zaključke koji su proizašli iz rasprave.

OMAR AHMIĆ – ispred Stručne službe Gradskog vijeća Tuzla

- Gradsko, Gradsko vijeće Tuzla sugerije da se prilikom planiranja Budžeta Grada Tuzla za 2019. godinu pokušaju iznaći veća finansijska sredstva za realizaciju projekta provođenja zdravstvenog zbrinjavanja nezbrinutih životinja, a prije svega za proširenje kapaciteta za udomljavanje pasa lotalica. I drugi zaključak.

- Apeluje se na Službu za inspeksijske poslove da vrše pojačan nadzor nad vlasnicima pasa, a prije svega u pogledu provođenja Odluke o uslovima, držanju i načinu postupanja sa domaćim životinjama, kućnim ljubimcima i nezbrinutim životinjama.

MIREL MIŠKOVIĆ

U prvom je zaključku sadržan i vaš. U prvom je u principu za i vaš zaključak sadržan. Ja. (ALEN KAPIDŽIĆ – Nek pročita ponovo zaključak.) Evo ako možemo prvi zaključak još jednom da čujemo.

OMAR AHMIĆ

Znači. (MIREL MIŠKOVIĆ – Samo malo tiše ako može da.)

- Gradsko vijeće Tuzla sugerije da se prilikom planiranja Budžeta Grada Tuzla pokušaju iznaći veća finansijska sredstva za realizaciju projekta provođenja zdravstvenog zbrinjavanja nezbrinutih životinja, a prije svega za proširenje kapaciteta za udomljavanje pasa lotalica.

MIREL MIŠKOVIĆ

Pa evo možemo dodati i za angažovanje drugog tima ako je potrebno. Eto. Dobro. Sada stavljam na izjašnjavanje koji su pročitani i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Zahvaljujem. Glasanje je okončano.

Konstatujem da su zaključci, koji su pročitani jednoglasno usvojeni, 28 vijećnika je glasalo za, nije bilo glasova protiv i nije bilo suzdržanih glasova.

1. Gradsko vijeće sugerije da se prilikom planiranja Budžeta Grada Tuzla za 2019. godinu pokušaju iznaći veća finansijska sredstva za realizaciju projekta provođenja zdravstvenog zbrinjavanja nezbrinutih životinja, a prije svega za proširenje kapaciteta za udomljavanje pasa lotalica i za angažovanje drugog mobilnog tima za uklanjanje opasnih pasa sa ulica.

2. Apeluje se na Službu za inspeksijske poslove da vrši pojačan nadzor nad vlasnicima pasa, u pogledu provođenja Odluke o uslovima, držanju i načinu postupanja sa domaćim životinjama, kućnim ljubimcima i nezbrinutim životinjama.

Prelazimo na petnaestu tačku Dnevnog reda:

IZVJEŠTAJ KOMISIJE ZA IZBOR I IMENOVANJA

Podsjećam da ste Izvještaj Komisije za izbor i imenovanja na sjednici održane 20.11.2018. godine dobili u materijalu podijeljenom neposredno pred početak današnje sjednice.

Pitam vijećnike da li ima potrebe da se pročita ovaj Izvještaj. Ako nema. Otvaram raspravu klubova vijećnika. Ako nema nikog prijavljenog. Zatvaram raspravu klubova vijećnika. Otvaram raspravu vijećnika. Ako nema niko prijavljen sada zatvaram raspravu vijećnika i pozivam sekretara Gradskog vijeća da pročita prijedlog Komisije za izbor i imenovanja, na inicijativu Kluba vijećnika Stranke demokratske akcije, za izmjenu člana Savjeta Mjesna zajednica Kreka.

SLAĐANA KRAJINA

Komisija za izbor i imenovanja je razmatrala i prihvata prijedlog Kluba vijećnika SDA-Stranke demokratske akcije za izmjenu člana Savjeta Mjesne zajednice Kreka, te predlaže Gradskom vijeću Tuzla da se Ismet Džananović razriješi dužnosti člana Savjeta Mjesne zajednice Kreka, a da se na dužnost člana savjeta Mjesne zajednice Kreka izabere Šefik Sarajlić.

MIREL MIŠKOVIĆ

Dobro. Sada stavljam na izjašnjavanje prijedlog Komisije za izbor i imenovanje, na inicijativu Kluba vijećnika Stranke demokratske akcije, koji je pročitala Sekretar Gradskog vijeća Tuzla i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Zahvaljujem. Glasanje je okončano.

Konstatujem da je sa 27 vijećnika je glasalo za, 3 vijećnika je bilo protiv i nije bilo suzdržanih glasova Gradsko vijeće Tuzla prihvatilo prijedlog Komisije za izbor i imenovanje, na inicijativu Kluba vijećnika Stranke demokratske akcije, te se:

- Ismet Džananović razrješava dužnosti člana Savjeta Mjesne zajednice Kreka, a
- Šefik Sarajlić bira na dužnost člana Savjeta Mjesne zajednice Kreka.

Prelazimo na šesnaestu tačku Dnevnog reda:

TEKUĆA PITANJA

S obzirom da nije bilo prijedloga koji bi se razmatrali u okviru ove tačke dnevnog reda, konstatujem da smo iscrpili dnevni red.

Povodom 25. novembra Dana državnosti Bosne i Hercegovine, u ime vijećnika Gradskog vijeća Tuzla i u svoje ime, svim građanima Bosne i Hercegovine upućujem iskrene čestitke.

Ovim zaključujem 27. redovnu sjednicu Gradskog vijeća Tuzla. Hvala.

(S obzirom da je dnevni red iscrpljen predsjedavajući Gradskog vijeća Tuzla zaključio je rad sjednice Gradskog vijeća Tuzla u 14:30 sati.)

STENOGRAM SAČINILI:

Senada Karabegović

Jasminka Delalić

P R E D S J E D A V A J U Ć I

dr.med.sci. Aleksandar Vujadinović s.r.